

WANTOK

NIUSPEPA BILONG YUMI OL PAPUA NIUGINI STRET!

32 pes

Namba 1,407

Wik stat long Fonde Jun 14, 2001

70t

Pes 30

Winim prais, painim bal resis

Pes 16-17

Ol nius long ovasis

Pes 2

Birua man bilong Amerika i dai long sut

Pes 3

Somare bai Oposisen lida

Pes 10

Ol nius bilong sios



• (Lephan) Lida bilong Oposisen Bill Skate i sikan wantaim Memba bilong Makam Andrew Baing long palamen haus long Tunde dispela wik. (Namel) Memba bilong Madang Jacob Wama i lukluk. Mista Skate i kam bek long haus sik long Australia.

Ol bikpela senis long politiks i wok long kamap

JOE KANEKANE i raitim

BIKPELA senis insait long politiks bai kamap pastaim long Julai taim palamen i kam bung gen bikos i gat ol senis i wok long kamap nau long sait bilong Oposisen na Gavman wantaim.

Oposisen sait i statim bikpela muv long dispela wik taim Oposisen lida Bill Skate i tokaut olsem em bai lusim sia bilong Oposisen lida na givim i go long lida bilong Nesenel Alaiens pati Sir Michael Somare. Na em i tokaut tu olsem deputi Oposisen lida em memba bilong Menyamy Thomas Pelika. Mista Skate i tok Pelika i bin wanpela lida we em i bin sanap strong long bilip bilong em we em i no bin votim Sir Mekere Morauta long kamap Praim Minista na em i sanap Oposisen yet i kam inap nau.

Nau em taim bilong ol yangpela lida long kam antap na holim ol bikpela wok na ol lain olsem mipela husat i bin stap bipo i mas givim spes long ol na go bek sindaun long beksait. Mi makim Pelika bikos em i sanap strong i kam inap nau, Mista Skate i tok.

Em i tokaut olsem dispela disisen bilong em long lusim sia bilong Oposisen em wanpela bikpela na hatpela disisen tru tasol em i ting taim i rait nau bikos i gat planti samting bilong skelim na mekim.

Mista Skate i tok em i gat bikpela rispek long Sir Michael bikos em i gat bikpela eksperiens tru we kantri i mas yusim.

Sir Michael Somare i kisim dispela sia bilong Oposisen lida aninit long nem bilong em yet na i no long Nesenel Alaiens pati. Dispela i mas klia bikos sapos em i no bin laik kisim, bai mi sanap yet long kamap lida bilong

Oposisen, Mista Skate i tokaut.

Sir Michael em rait man olsem na mipela olgeta i mas givim em sapat em i laikim, em i tok.

Wantok i luksave tu olsem sampela memba bilong Nesenel Alaiens na Pipels Progres Pati i no laikim Sir Michael Somare long kisim dispela wok. Ol lain husat i laik kisim dispela posisen em Ted Diro (Sentrel), Bart Philemon (Lae) na Masket langalio (Wapenamanda). I gat bilip olsem PPP, sampela Pangu memba na sampela ol Independen memba i sapatim Ted Diro.

Praim Minista Sir Mekere Morauta inap mekim sampela gupela toksave taim em i kam bek long Hagen.

I gat sampela tok pait na bel nogut i kamap insait long banis bilong PDM yet bihain long sampela memba i skelim olsem Praim Minista i no skelim ol gut pastaim long em i brukim na skelim ol wok

Minista long ol lida.

Tasol sanap bilong Pangu Pati wantaim Gavman sait i kamapim sampela kain paul liklik bikos planti bikpela pati long Gavman em ol i raus pinis na sampela i joinim na kamap PDM pinis.

Taim Edvens PNG Pati (APP) i bruk na go insait long joinim PDM na taim PDM i kisim Peter Ipatas husat i bin sanap strong egensim PDM pastaim i mekim planti tingting i krangi liklik nau.

Taim Minista bilong Bogenvil Afeas Moi Avei i risain tu long Nesenel Alaiens pati na gutpela kamap bilong Papuan Primias konfrens long Alotau i soim ol bikpela senis tu.

Wok bilong sampela PDM wokman long ol gavman opis i kamapim planti tingting nau bikos wok bilong ol i no ron stret wantaim toktok bilong Praim Minista long rausim ol bagarap na ol paul pasin insait long olgeta wok bilong Gavman.

Pundari painim ol hait lain bilong ovasis

WINIS MAP i raitim

OL ovasis lain husat i brukim lo na stap hait long Papua Niugini i mas go isi na soim ol yet long ol gavman opis pastaim long lo i holim ol na mekimsave long ol.

Foren Afeas Minista John Pundari i tokaut aste olsem em i tokaut nau long lukluk strong i go insait long dispela hevi we ol ovasis lain husat i brukim lo na hait i stap long PNG.

Mista Pundari i tok dipatmen bilong em (Foren Afeas) wantaim Plis fos bai wok bung wantaim nau long lukluk i go insait long dispela hevi na holim ol husat i brukim lo na stap hait hia long PNG.

Em i tok bai ol opisa i go insait long ol hap we ol i ting ol ovasis lain i hait i stap. Las wik dispela 8-pela Esia lain we plis i holim ol na lokim long Godons plis sel em stat bilong dispela operesen.

Mista Pundari i tok em i skelim olsem ol ovasis lain husat i nogat stretpela pepa bilong Gavman na ol i kam hait long PNG olsem ol lain raskol lain na i no ol tru refi-uji.

Em i tok sampela opis bilong ol ovasis gavman hia long PNG i autim bel hevi tu long sampela ovasis lain husat isave hait na kam long PNG. Olsem na em i no inap larim dispela kain pasin i kamap we ol ovasis lain i laik yusim PNG olsem rot bilong ol long hait na kam i go long Australia na Nu Silan.

Minista i tok lukaut tu long ol Papua Niugini manmeri husat i wok long helpim na haitim ol dispela ovasis lain husat i nogat pepa bilong Gavman long kam stap long PNG olsem sapos plis i holim ol bai ol tu i kisim bikpela sas long dispela pasin.

Minista i tok taim ol plisman na Foren Afeas opisa i sekim ol ovasis lain, ol bai kisim paspot na visa bilong ol na sekim gut wantaim fail ol i gat long opis na sapos i no wankain bai ol i sasim dispela ovasis lain.

Dispela strongpela eksen bilong Minista i kamap bihain tasol long ol ripot olsem sampela lain i wok long haitim ol lain long hia na tu planti ovasis lain i wok long tasol i nogat stretpela pepa bilong gavman long oraitim ol.

Em i tok em i laik save long wanem rot ol dispela lain i hait na kam insait long PNG na dispela bai helpim dipatmen bilong em long luksave long wanem rot tru ol dispela ovasis lain i save hait na kam long en.

PLIS RIPOT

MOSBI:

* Plis i bin arestim na sasim wanpela man long karim spak brus we i gat 5 kilo long Jackson eapot long Tunde nait. Sajen Dubi Madabe i tok i tok man ya i bin lusim Goroka na kam long Mosbi long nait wantaim ol spak brus bilong em.

Em i karim ol brus bilong em long 10 kilo rais beg, 5 kilo rais beg, wan kilo rais beg na narapela plastik we i pulap long ol drai brus. Ol plis long Mosbi i bin kisim toksave pinis long Goroka olsem man ya i karaim ol dispela smok nogut.

* Wanpela bikpela pati long 2-mile setelmen we i bungim ol pipel bilong Simbu i bagarap taim bikpela pait i bruk namel long ol Goroka na Simbu. Pait ya i go inap wan haua na plis i kam stapim taim ol i lukim olsem pait i laik go nogut tru. Wanpela man i kisim bagarap long bulet bilong plis long han bilong em tasol nogat bikpela bagarap i kamap long ol lain husat i paitl

HAGEN:

* Plis long i bai wok strong long lukim olsem siti i nogat trabel long taim kabinet i bung long Hagen. Hailans Divisen Komanda Tony Wagambie i tok planti plis long ol Hailans Provins i kam bilong long Hagen long karimaut ol patrol na lukim olsem nogat trabel i ken kamap taim Praim Minista wantaim ol Kabinet i bung long dispela wik. Mista Wagambie i tok planti ol pipel long Hagen i amamas tasol olsem dispela bikpela bung i kamap na em i gat bilip olsem nogat trabel bai kamap.

POPONDETTA:

* Plis i saspemim ol wok operesen bilong ol long Kira Distrik long Popondetta, Oro Provins. Ol i tok ol i painim hat long karimaut ol operesen long wanem nogat mani long helpim ol long mekim ol wok nabaut.

Ol sampela lain long Sedema long Kira Distrik em raskol mak long 34-pela man i bin go brukim haus bilong ol na kilim siksipela lain. Wanpela mama na tupela pikinini bilong em i bin dai na planti handret manmeri i nogat haus na kaikai long wanem ol raskol i bagarapim olgeta long Epril 29.

Sauten Rijen bos Jim Andrew i bin tok plis i bin raunim ol geng na i laik holim pas ol. Tasol ol geng i ranawe na plis i holim pas faipwela tasol. Ol i holim pas wanpela lapun meri tu em ol i bilip olsem em i go pas long dispela ol bagarap i bin kamap long ol lain Sedema.

RABAUL:

* Wanpela warena i kamaut long ares bilong tupela man husat i bin paitim Is Nu Briten Deputy Gavana Ephraim Jubilee. Fopela man i bin paitim nogut tru Mista Jubilee na tupela em plis i holim pas pinis tasol narapela tupela em ol i wok long painim yet.

Tupela man em ol i wok long painim i bilong Morobe na Is Nu Briten na tupela i no bin kam kamap long kot long Me 22.

Ol opisa long Kokopo Distrik Kot i givim tok orait long holim pas tupela man na plis i wok long painim tupela yet.

Ol i putim de bilong kot i go long narapela taim.

Danny Wakol na John Paul bilong Manus i bin kamap long kot na bai tupela i stap yet long sel inap kot i pinis.

Sir Mekere i giaman long kantri i ron gut, Pelika i tok

MEMBA bilong Menyamya Thomas Pelika i tok hat long Praim Minista Sir Mekere Morauta long noken mekim ol giaman toktok long soim gutpela piksa long ekonomi bilong kantri.

Mista Pelika i tok trupela piksa i olsem menesmen bilong ekonomi bilong kantri i no gutpela tru na Sir Mekere i noken giaman toktok nabaut.

Em i bekim toktok bilong tupela sinya menesa long fainensal sekta husat i bin givim biknem long Sir Mekere long ol rifom i bin kamap long gavman.

Mista Pelika i tok ol pipel i no longlong na ol i les pinis long harim ol toktok olsem ekonoml i gutpela long wanem ekonomi i no gutpela na ol pipel long kantri i sot win nogut tru long kisim gut ol sevis na sindaun gut.

Em i tok ol lain husat i wok long apim nem bilong Praim Minista i wok long kamap ris na i gat planti mani na ol pua manmeri i sot yet i stap. Em i tok yet olsem dispela Morauta gavman toktok na promis long ekonomik rifom tasol dispela ol toktok i no kamap tru tru na dispela i soim olsem ol i mekim fani long ol pipel na kantri.

Mista Pelika i tok Sir Mekere i no bin kamapim wanpela gutpela divelopmen long ol promis na tok-tok bilong em.

Em i tok laip i wok long kamap hat tru long ol pipel olgeta de na dispela em ol samting Sir Mekere mas lukim na kisim tingting.

Ol toktok bilong ekonomik rifom i no kamap na ol pipel i no kisim wanpela benefit yet long dispela ol pipel long kantri i bin kisim.


Em i tok Sir Mekere i mas tokaut long pipel bilong dispela kantri long wanem dispela ol hevi i kamap long ol na ol i no laikim em moa.

Mista Pelika i tok dispela Praim Minista i no save laik tok yes long em i save mekim rong na em i no man bilong tok tru tu.

Em i tok planti taim Sir Mekere i no save pasim maus bilong em na em i save givim eskus long ol rong disisen gavman bilong em i save mekim.

PNG mas noken gat Praim Minista husat i save gat ol dispela nogut pasin.

Mista Pelika i tok strong long gavman i mas lukluk gen long ol plen bilong em long ol rifom na putim planti mani long mekim ol rot, haus sik, skul na helpim ol lain long rural eria long kamapim ol liklik bisnis.



• Thomas Pelika.

Vota enrolmen prosek bilong neks yia i kamap gen

LONG dispela wik vota enrolmen bai stat long Namatanai elektoret long Nu Ailan Provins, Westen Provins, Galf Provins, Milen Be, Noten Provins na bai i stat gen long Mosbi.

Long namel bilong mun Jun bai enrolmen bai stat long Bogenvil, Morobe Provins, Madang, Is Sepik na Wes Sepik. Long Julai bai em i stat long Sauten Hailans, Enga, Westen Hailans, Simbu na Easten Hailans.

Vota enrolmen long Wes Nu Briten, Is Nu Briten, Manus, Sentral Provins na Kavieng elektoret long Nu Ailan i bin pinis las yia.

Elektoret Komisina Ruben Kaiulo i laikim enrolmen long stat 4-pela wik i go pinis tasol dispela i no bin kamap long wanem ol i mas opim ol nupela benk akaunt long dispela prosek long olgeta hap bilong kantri. Na ol man husat bai i go pas long mekim ol dispela wok i mas kisim gut ol trening long mekim ol wok bilong ol.

Vota enrolmen i bin stop taim llektoral Komisn husat i save ranim ol eleksen i no bin kisim mani long gavman long mekim wok bilong ol.

Tupela mun i go pinis Treseri Dipatmen i givim K400,000 long stat long enrolim ol man long ol i mas vot long neks yia eleksen.

Mista Kaiulo i bin askim long K600,000 long mekim ol dispela wok tasol em i wetim Treseri Dipatmen long givim narapela hap bilong ol mani em i no bin kisim yet.

Long pinisim olgeta wok bilong ol long enrolim ol votas long kantri llektrol Komisn i nidim K600,000 long wanwan mun long peim ol woka na olgeta trenspot ol i nidim long mekim wok bilong ol.

Dispela projek i bin stat long Jun las yia na bai go yet inap neks yia bipo long 2002 jenerel eleksen i bai stat.

Ol sitisen bilong PNG husat i gat 18 krismas o moa i gat rait long vot long ol elektoret bilong ol we ol i bin stap long moa long 9-pela mun.

Tripela man i dai long Wabag rot blok

PLIS i sutim tirpela amn i dai na tirpela arapela i stap long haus sik bihain long wanepal sutaut wantaim ol stilman las wik long wanpeal rot blok long Kiwi viles klostu long Sopas Haus Sik namel long Wabag Porgera hap bilong hailans haiwe.

Planti arapela stilman i ronawe long bus taim ol plisman i kamap na plis i wok long painim ol dispela man yet.

Dispela hap long Wabag Porgera hap bilong Hailans Haiwe i bin gat palnti raskal pasin we planti manmeri i wok long kamapim rot blok na pretim ol amnemri antiing na kisim mani na ol samting ol i karim i kam.

Planti manmeri husat

ron long dispela hap bilong haiwe i wok long komplem planti olsem ol i biun lusim polanti samting long Porgera na Kandep rot.

Wanpeal ripot i tok olsem wanpela plis ka bilong Goroka em ol stilman i blokim na wanpeal M16 masin gan em ol i kisim las wik. Long anrapela de narapela man i ripot olsem ol stilman i bin kisim K7,000 bilong em.

Dispela ol ripot i mekim na plis i bin salim wanpela patrol i go long eria, tasism plis i kamap., ol raskal i wok long blokim rot iu stap na ol i traim long sutim plis ka tasol ol pliusman i sutim tripela bilong ol i dai, tripela i kisim bagarap long lek

na planti i ronawe i go insait long bus wantaim sampela bagarap.

Plis bihain i karim ol dispela stilman i go long Wabag, haus sik tasol ol pablik i kros nogut tru na tokim ol medikel wok manmeri long noken givim marasin long ol stilman bikos ol i no kisim bagarap long wanepal gutpela wok.

Ol plis man i kisim ol dispela bodi i go long Wampisande haus sik long Wapenamda.

Ol dispal maneri i tok ol raskal i no save mekim gutpela samting taim ol i sanap long rot na pretim ol manmeri long laik na tok olsem plis i mekim gutpela wok tru long stapim dispela hevi.

Man i putim bom long Oklahoma i dai long sut

MAN husat i kisim nem long putim bom long Oklahoma Siti Timothy McVeigh i bin dai long dispela Mande 7.14 moning taim long Amerika.

McVeigh husat i gat 33 krismas i bin dai bihain long ol kalabus atoriti i sutim em wantaim posin sut long bomim Oklahoma Siti long Epril 19, 1996 na kilim dai 168 pipel. Planti handret moa pipel i bin kisim birua long dispela bom we McVeigh i bin tromoim.

Ol ripot i tok dispela pasin bilong tromoi bom na kilim dai planti handret pipel McVeigh i wokim em i nogut na nogut teroris pasin olgeta i kamap long graun bilong Amerika.

Na dispela em namba wan taim we gavman i kilim dai man long dispela rot insait long 40 krismas. Laspela taim Amerika i kilim dai man i wokim rong long dispela rot em long 1963.

Ol ripot i tok ol bin kukim bodi bilong McVeigh na ol das bilong en em loya bilong em Robert Nigh bai kisim.

Ol ripot i tok McVeigh i no bin wokim wanpela toktok bipo em i dai, em i lukluk na opim ai tasol na ol posin marasin i kilim dai lewa bilong em na em dai.

Em bin lusim wanpela hap toktok em i raitim long pepa we em i kisim long wanpela poem bilong bipo taim yet. Na hap

toktok i pinis olsem " Mi masta bilong samting i kamap long mi na mi yet i kepten long sol bilong mi."

Taim ol i taitim em na em i wetim ol atoriti i givim em posin sut, McVeigh i bin askim long wanpela pater i lukim em.

Ol kalabus atoriti long Terra Haute i tok McVeigh husat i tok strong olsem em i no bilip long lotu maski em bin kisim baptismo long Katolk Sios taim em i liklik, i bin kisim laspela lotu na konpesio bilong Katolik Sios long wanpela pater we ol i no tokaut long nem bilong em bipo em i dai.

Loya bilong em Mista Nigh i tok McVeigh i no bin wokim wanpela laspela toktok i bin tok orait long lukim dispela Katolik Paterna ol belsing bipo em i dai. Papa bilong em i amamas tu olsem McVeigh i kisim las blesing bipo em i dai.

Bihain tasol em dai, wanpela gavman ka i bin rausim bodi na loya bilong em i no tokaut wanem hap ol bai planim em.

Tenpela pipel, memba bilong famili na ol lain i stap laip bihainim boming i bin witnessim pasin bilong sutim dai McVeigh long narapela rum tasol.

Paul Howel husat liklik pikinini meri bilong em i bin dai long bom McVeigh i bin tromoim i tok baga ya i no bin luk sori, ai bilong em i op taim em i lukluk long

kemra. Narapela witness i tok long kain lukluk mining i kamap olsem sapos mi gat sans, mi ken wokim wankain pasin gen.

Bihain long dai bilong McVeigh, Presiden Bush i tok baga ya i kisim wanem samting em i bin laikim siksipela krismas i go pinis.

Em bin tok ol lain i kisim birua long bom we McVeigh i tromoim i lukim jastis nau. Ol loya bilong daiman i tok sapos dai bilong McVeigh i no bringim bel isi, em bai rong bilong yumi bikos yumi mekim pasin bilong kilim dai man olsem rot bilong stretim hevi.

Nogat lain tumas i bin egensim kiling bilong McVeigh tasol 75 anti dai penalti protesta i bin wokim tumail mas long Sen Margaret Mary Katolik Sios i go long haus kalabus long las Sande.

Planti ol toktok i kamap we i sut long jastis na ligel sistem na kapitel panisemen long Amerika.

Presiden bilong Palamenteri Kaunsil long Yurop i tok kain pasin bilong kilim dai man i samting bilong sori long en na i no stret.

Na em i tok long Amerika i glasim pasin bilong em long dai panisemen na bihainim ol planti arapela kantri long fri na demokretik wok.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief: Anna Solomon. Acting Advertising Manager: Jocko Oberleuter. Editor of Wantok: Yakam Kelo.	Papers distributed by air throughout PNG. Available by air mail subscription within Papua New Guinea and overseas. Email address: word@global.net.pg
---	---

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Riyong wanbel long rausim K1.5 milien bilong wanwan memba

YAKAM KELO i raitim

PLANTI manmeri long Hailans na Morobe provins i laikim nupela lo bilong Intagriti ov Politikel Pati na Kandidate, siaman bilong Konstitusene Developmen Komisin Yauwe Riyong i tokaut bihain long em i kam long raun bilong komisin i go long Hailans na Morobe provins las mun.

Mista Riyong i tok planti manmeri i tok dispela lo inap long kamap longtim yet na i no long nau tasol. Tasol em i orait long dispela lo i kamap nau, dispela inap stapim na daunim planti hevi we i save kamap long taim bilong ileksen ol pipel i tokaut.

Mista Riyong i tok ol pipel i tok dispela lo bai kamapim gutpela gavman we inap

kamap na sanap strong na tu wok bilong kamapim gutpela ileksen inap kamap gut.

Mista Riyong i tokaut olsem planti manmeri long Morobe na 5-pela provins bilong Hailans i laikim dispela lo i mas kamap. Olsem na em i ting long sait bilong Niugini Ailan rijon na tu long Sauten rijon we ol bai raun bihain, ol manmeri inap wanbel na laikim dispela lo bilong Intagriti ov Politikel Pati na Kandidate long kamap.

Mista Riyong itokaut tu olsem long luksave bilong em long ol toktok na askim bilong ol manmeri, ol i laikim olsem i mas gat senis long pasin bilong vot. Ol i laikim olsem gavman i mas kamapim nupela sistem bilong vot we ol i kolim preferensel voting sistem. Dispela i min olsem yu ken makim tripela kandidate long vot pepa bilong yu. Namba wan long husat yu gat bikipela

laik long en, namba tu long husat yu gat tingting long em na namba tri long husat yu ting em i gutpela man.

Mista Riyong i tok sapos olgeta manmeri i laikim dispela i mas kamap long ileksen sistem bai em i askim Gavman long hariap na redim ol samting na mekim dispela lo i kamap pastaim long 2002 nesenele ileksen i ken kamap. Tasol bikipela wok tu bai llektorel Komisin i mas skelim na mekim long lukim dispela nupela ileksen sistem i ken kamap.

Narapela bikipela hevi em Mista Riyong i tok ol pipel i no laikim tru long dispela rifom sistem we i no wok gut irisait long ol distrik level. Ol pipel i tok sistem bilong Lokol Level Gavman Kaunsil i kamap tasol i no wok bikos i nogat mani bilong mekim wok. Olsem na ol i askim long Nesenele Gavman

i ken kisim bek olpela Provinsal Gavman sistem i kam bek.

Mista Riyong i sutim tok i go long dispela K1.5 milien Ruel Developmen Fan bilong wanwan distrik we ol memba bilong palamen i save kisim.

Mista Riyong i tok ol memba i kisim dispela mani tasol ol i no yusim gut long distrik. Olsem na i moa gutpela long Gavman i stapim dispela K1.5 milien long noken go long han bilong ol memba bilong palamen tasol i mas go stret long distrik we ol kaunsil i ken skelim long mekim ol wok bilong ol insait long distrik na asplec.

Em i ting dispela em i wanpela bikipela hevi tru we i wok long daunim ol servis na developmen insait long ol ples na tu i mekim wok bilong ol kaunsil long distrik i pundaun olgeta bikos ol i nogat mani na sapot.

Somare bai kamap Oposisen lida

YAKAM KELO i raitim

BILL Skate bai givim sia bilong Oposisen lida i go long Sir Michael Somare bikos em i gat bikipela rispek long Somare.

Insait long namba wan bung bilong Bill Skate taim em i kam bek long haus sik, em i tokaut long dispela wik olsem bikos long bikipela luksave olsem Sir Michael Somare em i bikipela man bilong dispela kantri na em i lida long pasin na luksave bilong olgeta pipel bilong dispela kantri, em bai givim dispela sia i go long Somare. Taim Palamen i bung long neks mun, bai Somare i kisim dispela wok.

Mista Skate i tok em i bin lusim haus sik long Australia na kam long las wik bikos long dispela wok tasol we em i mas givim dispela sia i go long Sir Michael Somare pastaim long em i ken go bek long haus sik gen long dokta i sekim em long dispela wik Sarere.

Mista Skate i tok bihain tasol long Praim Minista Sir Mekere Morauta i bin rausim pati bilong Sir Michael Somare, Nesenele Alaiens (NA) long Gavman, Sir Michael i bin raitim pas i go long Oposisen na tokaut olsem em i laik salim Nesenele Alaiens i go long Oposisen. Olsem na em bai wok klostu na sapotim Nesenele Alaiens long wok bung wantaim ol long sait bilong Oposisen. Long dispela as na mi lusim haus sik long Australia na kam hia long toktok wantaim Sir Michael Somare long ol dispela samting, Mista Skate i tokaut.

Mista Skate i tok em i bin tok klia long Sir Michael Somare olsem ol pipel bilong PNG i stap long bikipela hevi nau bikos Gavman i no givim gutpela servis i go long ol pipel na tu kantri i nogat gutpela lida moa bilong go pas long ol pipel na kantri.

Em i tokaut olsem dispela sia bilong Oposisen lida we Sir Michael i kisim i no long nem bilong pati Nesenele Alaiens. Em i givim dispela

sia long Sir Michael bikos long rispek em i gat long em (Somare).

Pati bilong Somare, Nesenele Alaiens em i bikipela pati wantaim klostu 15 memba olgeta long palamen taim Praim Minista Sir Mekere Morauta i rausim ol long Gavman sait.

Bill Skate i tok maski Nesenele Alaiens i gat moa namba bilong ol memba long Oposisen na ol i ken kamapim lida bilong Oposisen, dispela kain pasin bilong givim wok long man bikos em i gat bikipela save o namba em pasin bilong bipo na i bin kamapim bikipela bagarap na hevi pinis long kantri. Nau em taim bilong givim wok long man bihainim rispek na luksave long em i wanem kain man long kisim dispela wok.

Em i tok grup bilong em ino planti tasol ol i bin lukautim Oposisen tupela krismas olgeta i kam inap nau na Spika bilong Palamen i luksave long ol.


Mista Skate i tokaut tu olsem long pasin bilong tumbuna o kastom, Sir Michael Somare em lida na long dispela as, nogat wanpela man inap rausim dispela lida long em taim em i stap laip yet. Tasol nau ol yangpela i wok long traime bagarapim dispela pasin bilong yumi.

Sir Michael Somare i bin namba wan Praim Minista bilong Papua Niugini na em i wanpela strongpela lida bilong kantri na ol ovasis gavman tu i luksave long em na em i eksperiens man long lukautim na go pas long kantri, Mista Skate i tokaut.

Nau Somare olsem namba wan Praim Minista bilong Niugini na mi olsem namba wan Praim Minista bilong Papua i bung, mitupela inap kamap wantaim gutpela senis na lukluk bilong kantri long go long en, em i tok.

Mista Skate i tok em i askim olgeta kristen manmeri bilong Papua Niugini long prea long kamapim gutpela lida bilong kantri long 2002 nesenele ileksen.

Em i tok i tru em i man bilong



• Sir Michael Somare.

mekim asua na em i bin mekim sampela asua pinis we i mekim bel kros na wari long sampela manmeri pinis tasol em i senis man nau na em i lusim ol dispela nogut pinis na em i sori long ol manmeri husat i kisim nogut long ol disisen na pasin em i bin mekim long bipo. Em i askim ol long lusim rong bilong em.

Tasol em i tok ol pipel bilong em i mas save nau long stap insait long taim nogut bilong hangre na pen bikos bikos long ol disisen Gavman i mekim tude we prais bilong olgeta kaikai na ol samting long stua i go antap. Mista Skate i tok dispela em hevi Gavman i mekim tasol ol pipel i mas strong na traime long stap laip insait long dispela hat taim.

Mista Skate i tok nau em i lusim sia bilong em i go long han bilong Sir Michael Somare, em bai go bek long ol pipel bilong em na wokabaut wantaim ol na redim em yet long 2002 nesenele ileksen. Mi bai wokabaut long het bilong Papua sait na i go pinis long lek bilong Papua sait na tokim ol long makim ol gutpela lida long 2002 nesenele ileksen. Na mi bai wokabaut tu wantaim Nesenele Alaiens, lain bilong Sir Michael Somare na Pipels Progres Pati (PPP) long kempen bilong ol na sapotim ol long 2002 ileksen bilong ol, Mista Skate i tokaut.

Gavman bai kisim Len Mobelaisesen i kam bek gen

NEVILLE CHOI i raitim

LEN Mobelaisesen program we i bin gat planti toktok tru long em i nau stap bipo long Nesenele Eksekutiv Kaunsil olsem wanpela lejislesen long ol ken tok bai em i kamap lo o nogat.

Dispela proposat i laik laikuk long mekim len mobelaisesen i kamap lo we ol pipel ol tumbuna papa bilong ol graun insait long kantri i mas registrar graun bilong ol.

Wanpela loya bilong Mosbi Loani Henao i bin toktok long wanpela bung long Madang las wik long Melanesian tingting long graun na developmen.

Mista Henao i tok i gat planti wok yet long stretim bipo long dispela samting i ken kamap lo insait long kantri. Em i tok dispela draf legislesen we i nau stap bipo long kabinet em lo fem bilong em i bin kamapim na dispela i bilong helpim long mekim kamap ful legislesen.

Legislesen ya i bilong luksave olsem wanpela bikipela as tingting bilong registrarim ol tumbuna graun em bilong ol papa bilong graun i ken gat sekuriti long kisim ol lon mani nabaut long mekim ol bisnis. Dispela em bai mekim ol len ona helpim long kisim developmen i kam na ekonomi i ken ran gut. Sapos em i kamap lo bai em i helpim ol papa bilong graun long luksave long graun i bilong husat na ol narapela i no ken mekim nating ol klem long kisim graun long bihain.

Len mobelaisesen i bin kamap toktok i bin kamap long 1995 bihain long Dipatmen ov

Lens i bin mekim ol toktok wantaim Wol Bank na PNG Gavman long 1995. Ol geta mekim olsem long taim long stretim ol toktok bilong graun na kamapim Len Mobelaisesen Program we i bin kamap long 1989.

Plebsentris tasol i bin gawe em long kamapim wanpela yusim planti graun long long kantri.

Dispela draf legislesen long Mista Henao i bin kamapim long kantri long 1995 long tokaut long ol pipel na graun skul long wanem kain samting bai i kamap long displea tasol olgeta hap long kantri ol pipel i no bin laikim.

Planti protes i bin kamap na dispela i mekim ol i lusim dispela program i go.


Nau tasol em Lens na Piskel Plening Dipatmen i bin tokim Henao Loyas long statim dispela ol wok long legislesen gen.

Mista Henao i tok olgeta lain pablik i mas save long dispela legislesen bipo long em i ken kamap lo.

Lens Minista Charlie Benjamin i tok gavman i gat wok long lainim ol asua em i bin mekim long len mobelaisesen na bilong wanem ol pipel i no bin laikim.

Taim ol papa bilong ol graun i registrarim graun bilong ol bai ol i ken larim ol bisnis nabaut i kamap na ol i ken kisim mani long graun.

I gat planti gutpela na sampela nogut samting bai kamap long len mobelaisesen tasol as tingting tru bilong gavman em long stapim planti toktok nabaut i kamap long graun long kantri na larim developmen i go het.



**ELECTION
2002**

Pawa bilong makim ol Gutpela Lida o Lida Nogut i stap long vot bilong yumi

BOS bilong ileksen Mista Reuben Kaiulo i laikim olgeta vota long sapotim enrolmen program na putim nem bilong ol long Komon Rol buk bilong vot.

"Sapos yu i no enrol na nem bilong yu i no stap long Komon Rol, yu i no inap long vot neks yia long Nesenele na Lokol Level Gavman Ilekseen," Mista Kaiulo i tok.

Mista Kaiulo, husat em i llektorel Komisina, i mekim dispela toksave tudei long llektorel Komisin hetkwota bilong em long Pot Mosbi.

Wok bilong llektorel Komisin em i long stretim na mekim olgeta ileksen

insait long Papua Niugini

Neks yia bai ileksen bilong ol lokol level gavman i kamap wantaim Nesenele Ilekseen bilong Palamen long pes taim tru.

"Plis, olgeta manmeri husat i ken vot i mas enrol nau na wok wantaim ol enrolmen ofisa taim ol i kam long hap bilong yupela," Mista Kaiulo i tok.

Enrolmen program bilong dispela yia i stat long las Gavman foitnait long Papua.

Bihain long dispela mun Jun bai enrolmen i stat long Namatanai ilektoret bilong Niu Ailan Provins,

Mamose na Bogenvil.

Vota enrolmen bilong Hailans bai i stat long mun Julai.

Long Manus, Wes Niu Briten, Is Niu Briten, Sentrel Provins na Kavieng ilektoret bilong Niu Ailan Provins, vota enrolmen i bin pinis long las yia yet.

Long taim bilong ileksen, ol sitisen bilong Papua Niugini tasol i ken vot.

Lo i tok olsem krismas bilong ol vota i mas 18-pela yia o abrusim 18-pela yia na ol vota i noken longlong. Ol i mas gat gutpela tingting na save long wei bilong vot.

Aninit long Lo, ol vota i mas vot

wanpela taim tasol long ilektoret we ol i bin stap inap long 6-pela mun o longpela taim mo long 6-pela mun.

Ol manmeri i no inap long vot sapos Nesenele Kot i tok ol i mas dai bikos long trabel ol i bin mekim.


Lo i tok ol manmeri i no inap long vot tu sapos ol i stap long kalabus long 9-pela mun o longpela taim mo long 9-pela mun.

Sapos ol manmeri i brukim wanpela Lo bilong ileksen 3-pela yia bipo long ileksen, ol tu i no inap long vot long ileksen.

• PNG llektorel Komisin i sponsorim dispela Ilekseen Tok Save.



NIUGINI AILAN NIUS



Ol meri Bogenvil bai holim forum

VERONICA HATUTASI i raitim

WANPELA forum o bung bilong ol Bogenvil meri bai kamap long Arawa long neks mun.

Kodineta bilong Bogenvil Intasios Wimens Forum (BIWF) Sister Lorraine Garasu i tok ogenaissen bilong em na Bogenvil Kaunsil bilong ol meri (BCW) na Bogenvil Wimens Fridom Muvmen (BWFM) i wok wantaim nau long ogenaissim dispela forum.

Sister Lorraine i tok forum i bilong helpim ol meri i gat kliapela save na luksave gut long wok bilong painim gutpela sindaun na ol arapela samting we i karamapim ol.

Ol lain husat i go pas long forum em ol Bogenvil meri lidahusat i gat save na eksperiens long dispela eria.

Ogenaissen Developmen (OD) grup bai sapatim ol meri wantaim fanding long holim dispela woksop.

Long las yia, wanpela Gemen NGO em Gemen Developmen Sevis i bin givim sapat long ol meri Bogenvil long narapela woksop ol bin holim las yia. Sister Lorraine i tok BIWF em wanpela long ol faivpela meri grup long PNG we OD i bin makim long sapatim aninit long wanpela program bilong ol.

Ol narapela em long Kungie Konsalten, Bisnis Entaprais Sapat Tim (BEST), NUS na Konsevesen Melanesia.

Eksen program namel long ol meri Bogenvil na Wes Papua

Kodineta bilong Bogenvil Intasios Wimens Forum (BIWF) em Sister Lorraine Garasu i tok tupela grup i wokim kamap dispela program long kisim skul long rot bilong sevaiv o stap daunim ol taim nogut insait long hevi na pait.

Aninit long dispela program, ol Wes Papua refuji i go long Bogenvil na lainim ol samting aninit long ol meri na yangpela grup bilong em.

"Eksens program i bin stat long las yia. Mipela i wok long

kisim ol yangpela manmeri, tripela long wan wan taim ol Wes Papua refuji i stap long Madang.

"Nau tripela i stap. Ol i wok long lainim ol rot na we long ol i ken stap insait long hevi na pait. Rot we ol wan wan yet, famili na komyuniti i stap na wokim ol samting long lukautim sefti, sait bilong kaikai, helt na go hetim sindaun bilong ol namel long ol hevi na pait.

"Ol i skulim ol tu long karimaut ol awenes long literesi na ol developmen isu na long

rot bilong karimaut ol negosiesen," Sister Lorraine i tok.

Em i tok ol eksens lain i save stap long tu na tripela wik tasol na go bek.

Tupela meri Wes Papua na wanpela man i stap insait long program nau long Bogenvil.

Non Gavman Ogenaisen bilong ol meri yet i ogenaissim na sapatim projek na dispela eksens program em Melanisen Tras yet i fanding.

Sister Lorraine i tok Bogenvil i gat ekspiriens wan-

taim ol refuji bikos long ol lain we i bin stap olsem ol refuji long Honiara long taim bilong hevi. Na sampela i stap yet long hap.

Long olgeta hap bilong Bogenvil tu taim bikpela hevi i stap, moa long haf populesen bilong ailan i bin stap long ol kea senta.

Em i tok wanpela gutpela samting em taim ol pipel i ronawe lusim ol asples bilong ol i go long ol kea senta, ol i no bin gat hevi long graun na ol i wokim ol gasen long en.

Sister Lorraine kam bek long Katmandu woksop

WANPELA Katolik Sios Sister bilong Bogenvil i kam bek long wanpela konprens i toktok long pasin bilong egensim na bagarapim ol arapela skin kala nagrup ol bin holim long Katmandu insait long kantri Nepal.

Nem bilong meri ya em Sister Lorraine Garasu husat i kodineta bilong Bogenvil Intasios Wimens Forum (BIWF).

Sister Lorraine i tok dispela konprens i toktok, lukluk na glasim ol samting we i egensim resisim long wol tude na moa yet, dispela konprens i bin lukluk long dispela hevi insait long Asia/Pasifik rijen.

Mining bilong res em ol wan wan pipel i gat narakain skin kala tasol long sindaun bilong tude em i min tu olsem ol lain istap insait long wanpela lotu, kalsa na ol man na meri.

Sister Lorraine i tok long ol taim bipo, resisim i bin min olsem pipel grup i gat wanpela skin kala tasol nau ol i skruim mining

bilong en na em i karamplim tu ol arapela samting olsem jenda o man na meri, refuji, lotu, kalsa na tok ples.

Em i tok dispela bung long Katmandu em ol lain bilong Asia na Pasifik rijen i bin stap long en long redim ol samting long bikpela wol konprens we bai kamap long Durban, Saut Afrika.

Em i tok em bin go long makim Bogenvil na long sait bilong ol samting we i sut long hevi long ailan i kam aninit long resisim.

Em i tok long planti hap bilong wol we pait i kamap, ol hevi olsem jenda olsem ol meri, refuji na resisim i save kamap.

Sister Lorraine i tok woksop i bin givim spesel trening long ol lain long rot bilong wokim ol negosiesen na kempin long dispela samting long Yunaitet Nesens na tu long rot bilong karimaut ol edvokesi wok.

Em bin go long dispela konprens long skruim save long ol

woksop long rot bilong glasim ol samting na painimaut sapos sampela kain hevi long resisim i kamap long dispela pait long Bogenvil.

Bihainim dispela, em i tok em i sanap strong long sait bilong ol meri na pikinini na sapos dispela hevi i kamap long ol lain bilong Bogenvil bihainim pait.

Em i tok tu olsem em i glasim sapos ol meri i wok long stap insait long wok bilong painim

gutpela sindaun.

Long lukluk na ekspiriens bilong em, em i tok ol meri Bogenvil i kisim gutpela sans long wok bung wantaim ol man insait long ol wok bilong stremit sindaun long ol ples, komyuniti na provins.

Em i tok woksop i bin gutpela bikos em bin givim em sans long skruim save bilong em long karimaut wok long stapim dispela kain hevi long Bogenvil bipo

em i kamap o go bikpela.

Em i tok wanpela nupela samting we em bin lainim em hevi long len o graun i ken tanim long wanpela kain resisim.

Na long sait bilong ol Bogenvil meri, em bin tok i moabeta long redim ol long sait bilong politikel, sose!, ikonmik na ol arapela eria na ol i ken go insait strong long wok bilong kamapim gut ailan.



Intasios skruim literesi skul long Bogenvil

OL LITERESI program bilong Bogenvil Intasios Wimens Forum i wok long go gut long bikailan Bogenvil.

Long dispela yia, ol i lukluk strong long tri yia program plen bilong ol we i sut long adalt edukesen, Viles Tokples skul na redim ol asples komyuniti yet i redim na bosim ol program bilong ol.

Kodineta bilong BIWF Sister Lorraine Garasu i tok em i bikpela samting long komyuniti yet i redim na kamap olsem papa bilong ol program na long 2001-2003 program plen ol i wok long trenim ol asples bilong ol wan wan eria long kamapim ol literesi program.

Sister Lorraine i tok long dispela yia ol i skruim program i go long

tupela nupela eria olsem Siwai long saut Bogenvil na Pakia insait long Sentrel.

Insait long las tripela krismas, ol bin wok long ranim program long Wes Kos eria olsem Kunua/Keriaka na Selau /Suir.

Em i tok ol i trenim pinis ol literesi tisa long ol wan wan eria long kamapim ol program na tu long karamapim ol Viles Tokples skul.

Em i tok ogenaissen bilong em i wokim dispela long helpim ol lain we nomol edukesen sistem i no inap karamapim ol.

Em i tok bihain long Siwai na Pakia, ol bai go long Buin na ol arapela eria insait long bikailan Bogenvil we ol i no go yet long ol.

WANTOK


NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Asia Pasifik na Japan	US\$55.00
Amerika na Yurop	US\$95.00





SEPIK NIUS



Lidaman bilong Aitape tok ol dona mani i mas go stret

AITAPE Disasta Kodineting Komiti (ADCC) em wanpela nupela komiti ol Tsunami pipel bilong Aitape Wes Kos i kamapim long go het long ol wok bilong helpim ol pipel bilong Tsunami.

As tingting long kamapim dispela komiti em long mekim ol wok komiti bilong gavman na Aitape Katolik Misin Komiti ino bin inap long pinisim. Dispela tupela komiti i bin pasim opis

bilong ol las yia.

Siaman bilong ADCC Mista Paul Saroya husat i presiden bilong Aitape Wes Kos LLG i tokaut olsem nambawan wok bilong komiti bilong em em long mekim wok long kisim ol fan i kam long ol dona ejensi na tu husat narapela lain i gat laik long givim mani long kamapim gutpela sindaun long ol Aitape Tsunami pipel.

Mista Saroya i tok taim tupela opis i pas

ADCC i go insait long komyuniti na helpim long pinisim ol wok.

ADCC bai lukluk gen long ol Aitape Disasta Plen em Wes Sepik Edministresen i raitim we nau stap long han bilong Nesenel Plening long Waigani.

Mista Saroya i tok em i gat tingting olsem bai ol i yusim dispela plen long kisim sampela mani long neks yia na yusim mani long mekim wok i go het long tsunami eria.

Em i tok taim ol i stre-tim ol dispela samting planti ol hap wok we i no bin pinis bai pinis na nupela developmen bai i kam insait.

Mista Saroya i tok yet olsem olgeta pipel long komyuniti mas kamap wantaim gutpela tingting na wok bung wantaim long wanem planti helpim i bin kam insait.

Em i askim Aitape Daiosis Riabilitesen Komiti bilong Aitape Katolik Misin long raitim na pinisim hariap

ol ripot bilong mani ol i yusim na givimaut long pablik na gavman na ADCC bai inap yusim tu dispela ripot long kisim helpim i kam long ol dona insait na arasat long kantri.

Mista Saroya i tok planti manmeri na pikinini i no kisim gut ol sevis yet long Aitape eria bilong wanem i no gat fainensel ripot bilong mani na ol prospek i kam long Aitape Daiosis Riabilitesen Komiti.

Dispela ripot em i tok i wanpela bikpela samting tru we provinsal gavman na Aitape Wes Kos LLG bai ken wok bung na yusim dispela ripot long kisim moa mani long karimaut ol wok.

Em i tok ripot ya em long tokim gavman na pipel wanem rot na pasin komiti i bin yusim olgeta dispela mani em ol dona i givim wantaim tras i go long komiti long mekim wok bilong helpim tsunami pipel.

Sepik memba i laik long kirapim bek boda fan

SINGAUT bilong ol boda pipel las wik long bringim bek Boda Developmen Fan (BDF) i pairap gut long ia bilong 2-pela Wes Sepik palamen memba bilong boda.

Dispela boda em ol provins i stap long boda mak bilong PNG na Indonesia.

Na tupela i tokaut olsem ol i statim pinis ol toktok i karamapim dispela fan.

Sampela taim i go pinis na i gat sampela pepa wok i stap nau long han bilong ol atoriti long lukluk na skelim bipo long ol i givim tok orat long bringim bek BDF.

Vanimo/Green Memba na Vais Minista bilong Tred na Industri Micah Wes na Telefomin Memba na Gavana bilong Wes Sepik Robert Sakias i tok i gutpela long ol boda pipel i tromoim krai bilong ol kamap ples klia bikos dispela bai i strongim wanem samting, tupela i mekim pinis long bringim bek BDF i go bek long ol boda provins olsem Wes Sepik na Westen Provins.

Tupela memba i tokaut olsem

planti gavman stesen i stap long boda eria i no save bungim bikpela hevi long lukautim stesen na givim sampela gutpela sevis i go long komyuniti i stap klostu long stesen taim BDF i stap yet.

Tupela Wes Sepik palamen memba ya i tokaut olsem taim ol senis i kamap na gavman i kamapim tingting bilong rausim Dipatmen bilong Provinsal Afeas dispela fan i bin go aut wantaim dipatmen.

Gavana Sakias i wanbel long krai bilong Samuel Tasig long dispela fan i mas kam bek long wanem gutpela sevis em ol pipel i no kisim taim dispela fan i pinis.

Planti moa singaut i bin kamap long wik i go pinis long ol memba long dispela fan i mas kam bek.

Narapela lida bilong Amanab LLG Elias Agi i tok planti mani i save kam long Wol Benk, IMF na ol dona kantri tasol ol pipel i no benefit long ol dispela long wanem nogat gutpela ripot i stap.

Mista Agi i tok ol i no save lukim ol sevis i kam long ol dispela mani.

Ol yut grup i kirap moa yet long Wes Sepik

INAP sampela yia nau yut wok insait long Wes Sepik i no strong tumas na Nesenel Yut opis i gat bikpela laik long lukim olsem long pinis bilong dispela yia Wes Sepik i mas kamapim ken na strongim yut wok insait long provins.

Nesenel yut opis i laik lukim olsem Wes Sepik i kirapim ken wok bilong yut i stap long 4-pela level. Dispela em long Wod, LLG, Distrik na Provinsal Level.

As tingting bilong dispela em wanwan wod bilong olgeta LLG gavman i mas gat Yut Asociesen bilong ol yet. Ol Wod Yut bai i bung na makim ol mausman bilong ol i go long distrik yut kaunsil.

Long dispela level bai Distrik Yut Kaunsil bai i makim ol mausman bilong ol i go long Provinsal Yut Kaunsil.

Ol pepa toktok long rot bilong kirapim ol dispela yut oganaisesen em Provinsal Yut Opis i

salim i go pinis long Vanimo na long ol wanwan distrik Yut Kodineta, ol eksekutiv opisa blong ol LLG, ol progrem meneja bilong sosol Developmen na ol distrik menesa.

Ol ripot i tokaut olsem namel long Jun 1 i go long Jun 14 ol bikman bilong yut wok bai mekim wok long pulim na stretim ken ol yangpela long kirapim ken ol yut wok long eria.

3-pela yut opis we i stat pinis em Wes

Wapei Yut Asociesen, Nuku Distrik Yut Asociese na Mawase.

Husat ol yut grup i laik kamapim ol yut grup bilong ol yet i mas kamap na kisim moa tok klia long Distrik Progrem Meneja.

Nuku wantaim Telefomin tasol i nogat distrik progrem meneja long helpim ol yut yet tasol provinsal yut opis bai kamapim sampela tingting long helpim ol yut long dispela tupela distrik.

Bikpela plen long selebretim 40 aniveseri long Santu Michael Paris

OL KRISTEN bilong Santu Michael Paris long Ossima insait long Vanimo/Green Distrik bai bung na amamas long 40 kris-mas Katolik sios i bin go insait na sindaun long Ossima.

Katolik sios i bin mekim wok misin karamapim olgeta ples ananit long 3-pela sensis divisien em Imbio, Pagei na Kilmeri.

Ripot i kam long komiti i mekim wok long redim ol samting long amamasim dispela bikpela dei i tokaut olsem ol samting i no inap ron gut olsem ol i tingting long wanem komiti i no gat inap mani log amamasim de.

Komiti i plen long holim selebresen inap tupela de stat long 21 na pinis long 22 de bilong dispela mun.

Komiti siaman em

Ignas Bwai i go pas long en i tok taim Katolik Misin i statim wok misin bilong em long yia 1961 Osaima Paris i stil mekim wankain wok misin inap tude.

Mista Bwai i tok Paris i givim bikpela sevis long rot bilong givim aut edukesen, helt, sosel developmen na bikpela tru em skul bilong lainim ol manmeri long sindaun gut olsem ol gutpela kristen.

Em i tok long wok bilong ekonomik Ossima Paris i skulim ol yangpela long wok agrikalsa olsem lukautim pik, bulmakau, pukpuk, kakaruk na planim ol kain kaikai bilong gaden long Vanimo taun.

Mista Bwai i go pas long kisim sampela fan bilong fan resing komiti na em i tokaut olsem

bai i gat planti gutpela samting bilong amamasim 40 Aniveseri bilong Santu Michael Paris De long Ossima Katolik Misin.

Komiti i plenim planti kain spots na gem, pilai na singsing na bikpela samting bilong kisim luksave long de.

Na tu bai ol i welkamim nupela paris pris bilong Santu Michael Pater Gunlerno Tadena na kaikai kumunio insait long wanpela lotu misa.

Mista Bwai i singaut tu ol narapela gutpela kristen brata na susa long givim sampela mani long amamasim dipela bikpela de long Ossima.

Komiti tu redi nau long salimaut ol investesen pas i go long ol bikman long kamap givim toktok na tu stap insait long dispela bikpela dei.



PRAIVETAISESEN KOMISIN

OL ASKIM NA BEKIM

- Wanem samting bai kamap long bihaintaim sapos gavman i salim ol bisnis i go long ol ovasis investa?

Praivetaisesen i mas gat ovasis investa long mekim ol pablik PNG bisnis i ran gut. Ovasis kampani bai i ken mekim wok i ran gut. Bai bisnis i kamapim moa mani na tu pe bilong ol samting i kam daun na ol narapela bisnis tu i ken kisim helpim.

- No ken salim ol gavman bisnis - ol i bilong ol pipel bilong Papua Niugini!

Praivetaisesen i no bilong sotim ol bisnis bilong ol sitisen bilong PNG, nogat. Taim gavman i salim ol dispela bisnis bai em i yusim mani long sotim dinau bilong kantri o putim i go bek long ol kain sevis olsem edukesen, helt na ol rot na bris.

Na tu, praivetaisesen bai mekim ol dispel kampani i givim gutpela sevis na kamapim mani bilong lukautim ol yet na i no wet long gavman i givim mani long ol.



SAUTEN



RIJON



Sauten rijen mas traim gat wanpela redio stesen, Philemon i tok

MILEN Be Gavana Titus Philemon i tok faipela Papua provins i mas i gat wanpela redio stesen long rijen.

Planti provinsel redio stesen i wok long kaikai planti mani na bai gutpela sapos olgeta i bung na kamapim wanpela stesen, em i tok.

Mista Philemon em i siaman bilong Papuan Gavanas Kaunsel na em i mekim dispela toktok long taim em i opisali opim Papua NBC rijinel menesa redio woksop long Alotau las wik Tride.

"Sapos yupela i ting yumi nidim wanpela rijinel redio stesen, larim kaunsel i save na tokim mipela wanem samting long mekim.

"Wanpela redio stesen inap sevim planti mani long sait bilong ronim planti na givim gutpela sevis long ol manmeri bilong Papua," Gavana Philemon i tok.

"Yumi wok long tok yumi wanwan provinsel redio stesen nau tasol bai moa gutpela sapos

yumi tingting long sanapim wanpela na sapos yumi gat mani, yumi ken tingting long putim wanpela televisen stesen," em i tok.

Menesa bilong redio Sentrel Lahui Lovai i tok gutpela tingting bilong gavana na em i tok em bai toktok moa wantaim ol narapela wanwok bilong em taim ol i bung long nesanel menesas kibung long Rabaul long mun Ogas.

Mista Philemon i tok klia olsem graun, wara na maunten i save mekim na redio tasol i save hepim ol manmeri long save long wanem samting i wok long kamap long narapela hap.

Em i tok gavman bilong em i luksave long bikpela wok redio i save gat bilong stretim sindaun bilong ol manmeri.

E i tok mani hevi i stap tasol gavman bilong em i traim vbes logn putim kamap redio Milen Be bai em i ken wok yet.

"Tingting bilong yupela i mas klia olsem mi les long pasim redio stesen sapos mani i sot.

"Dispela em strongpela tingting bilong mi na ol wok manmeri bilong redio Milne Bay mas i gat wankain tingting na wok strong," em i tok.

Mista Philemon i tok dispela em bikpela as tingting bilong wanem em i givim mani na sanapim dispela ol samting bilong nius long taim ol manmeri kisim bagarap long hevi insait long Alotau na ol samting i kos inap K2 milien.

Em i tok sapos yu gat inap mani bai yu independen tru na yu inap givim gutpela wok brodkas. Sapos redio i fri na independen, dispela em wanpela gutpela samting bilong demokresl insait long kantri.

"Mi givim tok promis bilong mi olsem gavman bilong mi bai wok klostu wantaim redio Milne Bay na NBC.

"Mi no inap wanbel long wanem toktok yu mekim tasol mi inap dai long lukim olsem yu mekim wanem toktok yu laik mekim," em i tok.

Ol mama kisim skul long rit na rait

KENNEDY EDENE i raitim

PRINSIPOL bilong Sogeri Nesanel Hai Skul long Sentrel provins Ms Lillian Ahai singaut i go long ol mama bilong Koiari ong tingting na kamapim ol Adalt Literesi skul na helpim ol mama long givim gutpela skul long ol pikinini long haus.

Long open de bilong Sirinum (SDA) Adalt literasi skul long Sogeri las wik Sande, Ms Ahai i tokim ol sumatin husat planti bilong ol mama olsem Literesi skul bilong ol bikpela mama em bikpela samting tru bilong ol famili.

Em tok, ol mama em ol pikinini save spenim planti taim wantaim ol. Ol mama save wok long gaden na tu sem taim wari long kisim ol kaikai na kukim ol kaikai bilong femili olgeta de.

Wanem samting yu lainim em impotan tru wantaim planti save bai yu givim planti moa i go long save bilong ol pikinini long edukesin na save insait long haus bilong yu long gutpela sindaun.

Ms Ahai tokim ol lain hsaut ol i kam olsem tude insait long dispela wod edukesin em i kamap olsem bisnis

nau. Planti long dispela graun nau save, sapos ol i no kisim gutpela save o edukesin na rit na rait, ol bai i no inap kisim gutpela wok o samting na stap gut long graun.

Planti wok long spenim planti mani long traim na kism gutpela skul na lainim moa gutpela ol samting.

Nau insait long Pot Mosbi i gat planti kaikai skul ol setim na wok bai kam. Bikos i gat planti singaut long pipel ol i laikim kisim gutpela o moa save.

I gat lo em i stap insait long Papua Niugini we ol man mas gat gutpela developim long ol man we em bai givim sans na olgeta man bai i gat rait long developim em yet.

Ms Ahai tok, ol meri husat stap long dispela literesi program, em i gat save nau olsem rit na rait em gutpela long developmen long komyniti.

Em bai givim sans we yu no inap askim wanpela man na meri long tanim tok Inglis tokaut long ol samting.

Dispela skul em ol statim long mid-1998 na long tete em gat 12-pela studen. Tisa i go pas Linette Mamate tok, i gat 12-pela sumatin, 6 studen em ol pes yia level 1-4 pela long level 2 na wanpela sumatin em wokim level 5.

K2 milien wok bilong midia senta bai stat klostu

MILEN Be provinsel gavman bai putim aut ol wok kontrak bilong ol man i ken winim long sanapim wanpela K2milien projek bilong nius long taim bilong bagarap na hevi.

Milen Be Gavana Titus Philemon i las wik taim em opim NBC (Nesanel Brodkasing Koporesen) Menesa woksop bilong ol wok long redio long Alotau.

Em i tok ol opisal bilong provisel woks dipatmen i wok long mekim ol las mini sek long ol pepa we bai

ol i givim i go long ol saveman insait long Pot Mosbi long pinis bilong dispela wik.

Em i tok resis bilong ol kampani laik winim kontrak wok bai pinis long pinis bilong dispela mun na wok bilong dispela projek we inap kisim 26 wik bai stat long mun Ogas.

Dispela nius senta kamap bihain long wanpela pasim tok Milen Be Provinsel Gavman wantaim NBC i bin sainim long long Novemba 24, las yia.

Mista Philemon i tok dispela bilding bai kamap bikos long luksave bilong em long gutpela wok Redio Milne Bay wantaim NBC i mekim insait long laip bilong 200,000 manmeri na pikinini insait long Milen Be provins.

"Long wankain taim olsem neks yia ol pipel bilong Milen Be bai gat ol nupela na gutpela samting bilong redio na ol bai kisim gutpela redio sevis stret.

"Dispela bilding bai gat wanpela lift, sten-bai jenereta, ples hait

bilong putim ka na banis wantaim gutpela sekyuriti," em i tok.

"Dispela haus bai gat planti wok. Senta ya bai gat redio Milen Be, Provinsel Gavman Midia Yunit, Isten Sta Niuspepa, Provinsel Disesta na Emejensi Sevis na Milen Be Visitos Birou," em i tok.

Mista Philemon i tok long ol ripot i kam insait i no long taim i go pinis, bilding bai kos inap K1.9 milien tasol kos bilong ol samting bilong stap insait long bilding bai hapim kos bilong em i go antap olgeta long K2 milien.

Em i tok provinsel gavman i spendim pinis K300,000 long ol man i mekim dro bilong dispela haus.

"Mipela tingting long kamapim mani. Isten Sta Niuspepa na narapela ol manmeri bai kisim opis namel long dispal bilding.

"Dispela mani inap helpim Redio Milne Bay long ait bilong peim wok manmeri na narapela samting bilong ronim opis," Mista Philemon i tok.

Groseri
Spesol

BOROKO
FOODWORLD
AT GORDONS

Butsa
Shop
Spesol!

Ol Spesol
bilong
dispela
Wik!

Diana Tuna in Oil 380gr	K2.40
Blue Globe Corned Beef 200gr	K1.69
Weet Bix Biscuits 375gr	K4.20
Arrow Beef Biscuits 85gr	K0.40t
Klina Cut Soap 105gr	K0.46t
Sudso Regular 200gr	K0.99t
Superior Cooking Oil 50ml	K0.98t
Pal Dog Food 700gr	K2.82
Heinz Baked Beans 220gr	K1.09
Maggi Noodles 5 packs 85gr	K2.00
Big Sister Cake Rolls 250gr	K2.45
Gold Nuggets 25gr	K0.35t


Lamb Shoulder Chops A Grade per kg	K8.99
Lamb Shoulder Chops Budget per kg	K5.99
Saveloys per kg	K4.99
Beef Sausages per kg	K6.95
Pork Sausages per kg	K6.95

EXTENDED TRADING HOURS
Monday to Wednesday - 8.00am to 7.30pm
Thursday / Friday - 8.00am to 8.00pm
Saturday / Sunday - 8.00am to 7.00pm

Hamamas na baim kaikai long Boroko Foodworld Gordons!

Planti moa kaikai prais i go daun long en!

Ph: 325 7566, 325 7310 Fax: 325 7096



HAILANS NUIS



Man kisim 7 yia kalabus long Enga

**GEOFFREY APAKALI
i raitim**

WANPELA man i kisim kalabus inap 7-pela yia bihainim Nesenel Kot disisen long Wabag las wik.

Nelson Kila Siki bilong Wabag insait long Enga

provins tupela sas bilong hol ap logn haiwe namel long Wabag na Porgera long Hailans Haiwe long mun Februari dispela yia.

Wanpela sas i lus nating tasol wanpela sas i kisim em bikos em bin holim ap wanepla ka na kisim mani inap

long K1,055.07 na ol narapela samting tu.

Dispela man i bin wanpela husat stap insait long wanpela grup husat kamapim wanpela rot blok long Aiyokolam na pasim tupela ka, traim paitim ol manmeri wantaim gan, busnaip,

tamiok na kisim samting bilong ol pasindia husat i kam long dispela tupela ka.

Ol man long namba tu ka i bin holim pasim Siki taim em traim kisim samting bilong ol tu na ol i kisim em i go givim long plis.

Planti rot blok namel long Wabag-Porgera rot i kamap bikpela long dispela hap na palnti mamneri i kisim taim stret.

Las wik ol plisman i sutim i dai tripela man na planti arapela stilman i kisim taim bihainim long plis i traim stapim dispela hevi.

Ol plisman i kisim ol bagarap raskal man i go long Wabag haus sik tasol ol manmeri i kam na rausim ol bikos ol i no mekim wanpela gutpela pasin long kisim dispela kain bagarap na ol i kisim ol dispela man i ka long Mampisande huas sik

long Wapenamanda.

Jastis Moses Jalina husat i givim dispela jasmen i tok dispela kain samting inap kisim planti krismas long kalabus tasol em bai stap 7 yia long kalabus tasol. Jas i rausim wan yia na 3 mun, tu wik na tupela de long bekim taim em i stap long kalabus na nau em gat faivpela yia, 8 mun, wan wik na faivpela de em bai wok hat insait long taim bilong kalabus.

Hailans gat moa memba long kabinet

HAILANS rijen i gat planti man insait long kabinet winim ol narapela rijen na inap bringim planti sevis i go insait long eria.

Taim ol makim olupela Enga Gavana Peter Ipatas na sinia Sauten Hailans memba Roy Yaki olsem minista, hailans rijen i gat 13-peola memba olgeta i stap na bihain long dispela em Momase na Niugini Ailans.

Hailans rijen i holim tu sampeal bikpela ministri olsem Maining, Roy Yaki (Ialibu Pangia) na Philemon Embel (Nipa Kutubu) na plantiol arapela memba wantaim planti krismas insait long wok politikis i stap insait long kabinet.

Planti bilong ol minista i kam long PDM tasol Puri Ruing (Jastis) na Muki Taranupi (Agrikalsa) i bilong Kristen

Demokretik Pati tasol ol i bin stap wanbel wantaim PDM inap long 1999.

Wantaim Advens PNG Pati (APP) i go insait long strong bilong PDM na Yunaited Risos Pati (URP) i bruk i go nabaut, i mekim planti hailans man i kamap minista.

Planti toktok i wok long raun olsem ol memba bilong hailans i mas kisim ol sevis na developmen i go insait long eria bilong ol bikos nau ol i gat bikpela namba long tok pait insait long kabinet.

Isten Hailans Gavana Peti lafanama i singaut long kabinet miting bilong gavman long Mt Hagen long ol i mas putim sampela mani long stretim Hailans Haiwe.

Em i tok ol pipel tu bai i gat sans long givim tingting bilong ol

i go long gavman.

Mista Lafanama i tok olgeta pipel i save yusim dispeal rot long mekim olgeta samting na em bai amamas long lukim sapos gavman inapstretim dispealhevi bilong ol pipel.

Ol minista bilong hailans em long (WHP) Vincent Auali (Praivetaisesen), Puri Ruing (Jastis), (Simbu) John Kamb (Komyunikesen), Ludger Mond (Hausing), (Enga) Peter Ipatas (Maining), John Pundari (Foren Afeas), Jimson Sauk (Plis) na (EHP) Ron Ganarafa (Fiseris), Henry Smith (CIS) na Muki Taranupi (Agrikalsa), (SHP) Philemon Embel (Pablik Seis), ROY Yaki (Petroleum) na Herowa Agiwa (Environmen).

Man kisim 20 yia kalabus long kilim narapela

NESENEL Kot long Wabag i salim wanpela man i go kalabus inap long 20-pela krismas bihain long em i kilim narapela.

Sole Nare wantaim 40 krismas bilong Porgera i marit na i gat tupela pikinini na em bai kalabus ong kilim i dai Nathan Mapul bilong Yokolama nambawan viles long Progera long Jun 18, 1999.

Nare i tok olsem em i traim strongim sait bilong em na abrus na em i kilim man tasol ripot i stap ples klia long kot i soim olsem Nare i bin sutim Nathan tupela taim long bek-sait wantaim bus naip na dispela i kilim em.

Nathan i bin tromoi han wantaim ol narapela man i stap tasol Nare i katim em wantaim busnaip na kilim em olsem taim Nathan i wok long pait long han wantaim narapela ol man.

Nare i bin katim tupela narapela

man tu insait long dispela pait tasol tupela man i no dai.

Jastis Moses Jalina i tok em i no wanbel long lukim olsem ol lo man bilong gavman i no stap long tambilong disisen na dispela em wanpela rabis pasin tru.

Em i tok sapos dispela kain pasin i kamap gen, em bai sasim ol lo man aninit long lo sosait na ol ken kisim mekim save.

Lo i tok dispela kain pasin bilong kilim man i ken givim det penelti long asua man tasol Nare i tok sori olsem em i asua na tu em i namba wan taim bilong em long kamp long kot olsem na em mas noken kisim laip yia kalabus.

Jastis Jalina i givim Nare 20 yia long kalabus tasol rausim tupela yia long bekim taim em i stap long haus kalabus na em bai stap kalabus inap 18-pela yia olgeta.



PRAIVETAISESEN KOMISIN

Bekim wari bilong komyuniti

- Planti pipel i gat hevi na askim long wanem samting bai kamap sapos praivetaisesen i kamap insait long ol dispela eria:
 - Wanem samting bai kamap long living stendad bilong ol mameri husat planti bilong ol i stap olsem ol viles manmeri long ples.
 - Wanem samting bai kamap long we yumi stap long sosaiti na sans bilong yumi wok mani long taim bilong praivetaisesen.
 - Yus bilong mani we bai kam insait long praivetaisesen.
 - Nogat kontrol long oolgeta samting taim ol ovasis kampani kamap papa long bisnis bilong yumi.
 - Tingting long praivetaisesen na i no painim narapela rot.

- Ol gutpela samting yu mas putim long tingting long bekim ol dispela askim bilong yu:
 - Gutpela sevis bai ol praivet bisnismen meri i givim long taim ol tingting long profit long ol bisnis we Gavman i ronim nau.
 - Mani we bai surik i go long narapela bisnis husat save yusim sevis bilong pablik bisnis nau inap kamapim resis namel long


bisnis, mekim bisnis gro na inap kamapim planti sans bilong wok.

- Kamapim gutpela rot bilong givim sans bilong lukluk moa na givim gutpela sevis na tu lukluk long wanem samting komyuniti i laikim.– Yusim mani bilongi kam long praivetaisesen sels daunim dinau gavman gat na sapatim gavman long givim sevis olsem Edukesen, Helt na narapela sevis olsem rot, bris, sipbris, ples balus na planti moa.
- Gavman bai kontrolim gut ol bisnis wantaim lo na i no kontrolim gutpela taim Gavman i papa long bisnis.
- Kamapim gutpela rot bilong painim aut na stretim ol manmeri husat tude i no wok gut long ol bisnis bilong gavman.

Long kisim moa toksave, rait o ringim:

Praivetaisesen Komisnin ov Papua Niugini
Level 4, Pacific Place,
P O Box 45, Konedobu, NCD, Papua New Guinea

Telepon: (675) 321 2977
Feks: (675) 321 3134



Madang Nius

Memba i kamapim kredit skim long helpim ol pipel long kisim lon

OL pipel bilong Rai Kos Elektoret long Madang Provins i ken amamas long wanem ol i gat wanpela liklik kredit skim progrem long helpim ol long kisim lon.

Dispela skim em bilong helpim ol pipel long kisim ol lon long statim ol liklik bisnis long ol viles na komyuniti.

Lokol Memba bilong Palamen Mista Stahl Musa i bin sainim wanpela Memorandum ov Agrimen long las mun wantaim Rural Dvelopmen Benk husat i bai menesim ol fan we bai i go long mekim ol dispela wok long distrik.

Mista Musa i tok skim ol i kamapim wantaim K200,000 we hap i kam long Distrik Sapot Gran na narapela hap i kamap long K1.25 milien em Ofis ov Rural Dvelopmen i

bin givim long em ananit long 1999 prosek fanding.

Em i tok em i bin laki long kisim dispela mani taim Bill Skate i bin stap Praim Minista na Wol Benk i no bin setim ol kondisen long we bilong yusim RAP mani na tokim ol narapela memba long mekim wankain pasin long helpim ol pipel bilong ol.

Mista Musa i tok promis long givim moa fan long dispela skim taim RAP mani bilong em long neks yia em i kisim.

Em i tok as tingting bilong dispela kredit skim i bilong helpim ol viles lain husat i save painim hat taim ol i save go long benk na askim long ol lon mani. Planti taim ol viles manmeri i save laik go long benk na askim long lon ol benk o Rural Dvelopmen Benk tu

ol i save tok nogat long givim ol mani.

Mista Musa i tok yet olsem ol benk i save tok nogat long ol viles manmeri taim ol i putim aplikesen long kisim ol liklik lon long traim long kamapim ol liklik bisnis na em i gat bikpela sori long dispela hevi ol i save painim na em i statim dispela skim.

Em i tok em yet i gat bikpela amamas long wanem Rai Kos em pes distrik long kamapim dispela liklik kredit skim long wanem dispela aida i bin stat sampela yia i go pinis.


Mista Musa i tok i bin hat liklik tasol em i bin strong long tupela yia olgeta long tingim gutpela samting we bai i kamap long dispela fan.

Em i tok tenkyu long ol ofisal bilong Rural

Dvelopmen Benk husat i bin wok wantaim em long mekim dispela fan i kamap stret.

Ol ofisal husat i bin stap long saining bilong dispela MOA long Sidor em ORD mausman John Here, RDB mausman i kam long het opis Paulus Laveil, CCEA mausman Lawson Adaug, PNGBC Lending Menesa long Madang Sam Eramas na ekt-ing RDB brens menesa Hilary Sinaki.

Long makim provins long bung Administreta bilong Madang Clank Alok, ekt-ing Gavana Pengau Nengo, Presiden bilong Astrolobe Be LLG Gerry Kulonga, Presiden bilong Nahurawa LLG Akus Muser na ol narapela bikman long ol LLG na pablik sev-ens i bin kam long lukim dispela saining bilong MOA.



Ol Australia helt woka kamap long helpim wok

SAMPELA helt woka long wanpela haus sik long Australia i kam stap long Modilon Haus Sik long Madang long wanpela wok bung.

Ol dispela lain em Danny Rathgeber, Andrew Thomas, Philip Catherson na Shane Simpson na ol i bilong Ballarat Haus Sik long Perth, Westen Australia.

Ol i bai wok bung wantaim ol nes na dokta long Modilon long trening na kamapim ol woksop long helpim ol long mekim ol wok bilong ol gut.

Mausman bilong ol Danny Rathgeber i tok tenkyu long Eksekutiv Ofisa bilong Modilon John Levi na ol wok lain long gutpela welkam na lukautim bilong ol taim ol i bin kam long provins las wik i go pinis.

Mista Rathgeber i tok taim ol i kamap long Madang ol i go raun lukim ol ples olsem Siar na ol narapela ples klostu long Madang na ol i laikim tumas wanem samting ol i lukim. Em i tok Madang i gat ol gutpela lain tru na pasin bilong ol i gutpela tru. Em i tok yet olsem ol pipel i mekim gutpela pren wantaim ol na dispela kain pasin ol i no save lukim tumas long ples bilong ol yet long

Australia.

Mista Rathgeber i tok ol 4-pela man bai wok gut wantaim ol helt woka long Modilon na traim long givim ol planti save long wok bilong ol na ol yet tu i laik kisim save long wok ol i laik mekim long Modilon.

Em i tok taim ol i go bek long Ballarat bai ol i mekim sampela we long salim sampela masin bilong helpim wok bilong Modilon haus sik. Dispela ol masin em bai dones-ens bilong Ballarat i kam long Modilon.

Ol i bai stap na wok long 10-pela dei wantaim ol lain long Modilon Haus Sik.

Long las mun Royal Children Hospital long Brisbane tu i bin tok-save olsem ol tu bai donetim sampela masin na helpim long givim trening long ol dokta na nes long Modilon.

Bikman bilong Modilon Mista Levi i amamas tru long ol gutpela helpim i kam long Australia na em i tok planti haus sik long kantri i no save kisim dispela kain helpim na em i laikim olsem Modilon mas kamap wanpela piksa long ol narapela i ken lukim na bihainim.

• (L-r) Chapau Lilih Rai Kos Distrik Ediminstreta, Paulus Laveil, ekt-ing edministreta Clant Alok na MP Stahl Musa i bung long sainim MOA

Ol wok i stat pinis long mekim nupela plis bareks

HILDA WAYNE i raitim

OL priliminari wok long mekim wanpela bikpela plis bareks long Madang taun i stat pinis.

Provinsal Fisikel Plena Mista Francis Irara i tok wok i stat pinis long Banana Setelmen we ol i bin rausim ol setelmen na riloketim ol long narapela hap.

Em i tok provinsal gavman i bin mekim plen long bildim wanpela plis bareks long wanem olpela bareks i nogutpela long ol lain i silip.

Mista Irara i tok ol helt atoriti i bin mekim wanpela wok painimaut na ol i tok olpela plis bareks i nogutpela long wanem ol wara na toilet sistem i nogut na bai mekim ol lain i sik.

Em i tok plis long Madang i gat bikpela hevi tru long hausing bilong famili bilong ol na dispela nid em provinsal gavman i bin luksave na hariap long mekim

plen.

Mista Irara i tok ol wok i stat pinis long dispela wik long Banana Setelmen eria.

Em i tok ol i plen long mekim 5-pela haus bilong ol ofisas we i bikpela moa na 47 haus i jeneral hausing tasol bilong ol plis.

Dispela olgeta prosek em gavman bilong Australia i bin fandim tru long AusAID na i laik mekim bilong Madang Provinsal Gavman.

Mista Irara i tok ol i hariap long plen long wanem mani i no bilong Provinsal gavman ol bai ol i mekim dispela prosek olsem na ol i painim graun long AusAID i ken mekim dispela prosek.

Em i tok sapos ol i kisim planti taim bai nogut gavman bilong Australia i senisim tingting long putim mani bilong em long narapela hap prosek nabaut.

Olpela plis bareks eria nau bai i kamap olsem wanpela rikriesenel graun na bai ol man-

meri bai i no inap silip long hap moa.

Mista Irara i tok ol wok i stat pinis na i luk olsem bai i kisim 5-pela i go long 6-pela mun olgeta long ol wok i ken pinis.

Em i tok tu olsem provinsal gavman i painim hat long long lain we ol i bin riloketim long wanem planti hevi i stap long hausing na ol sevis bilong ol pipel.

Olsem na Edministresen na Lens bai mekim ol narapela gutplea plen bilong ol lain we ol i riloketim i ken kisim gut ol sevis na nogat bel hevi bai kamap namel long komyuniti.

Nambawan hap bilong rilokesen eksasais em Banana Setelmen na namba tu em Kakasi Lagun, Kaps na DCA.

Namba tri hap em Posin na namba fo em ol narapela setelmen we provinsal gavman i laik mekim ol rilokesen wok long bringim dvelopmen i kam insait long Madang Provins.

Yu save kaikai? Yu meri? Yu tisa long wok didiman?

WOMEN'S VOICES IN THE FOOD CHAIN (NEK BILONG OL MERI INSAIT LONG SEN BILONG KAIKAI)

Yu laik kam long wanpela woksap bilong ol meri?

Woksap bai kamap long Goroka long 6 - 10 Augus, 2001, long Goroka. Sapos yu laik kam l long dispela woksap, orait yu rait ikam long mipela bipo long **25 Jun** long dispela adres:

Women's Voices in the Food Chain Workshop
National Agricultural Research Institute
P O Box 4415
LAE, Morobe Province

o salim fax long dispela namba **472 2242** o kisim pas bilong yu ikam long Opis bilong NARI long Vele Rumana long Lae siti.

Long pas bilong yu, yu mas raitim **ful nem** bilong yu, wanem hap yu **stap, ful adres** bilong yu na ol **narapela infomesen** olsem telefon na fax namba o email adres bilong yu. Yu mas tok kliia long wanem gret yu pinisim **skul bilong yu**, wanem kain **wok** yu mekim na hau bai yu **kamap** long dispela woksap. Bai yu kam long PMV o balus. Na tu yu mas raitim liklik toksave o stori bilong wanem as tru na mipela imas makim yu kamap long dispela woksap.

Mipela igat spes long faivpela ten (50) meri tasol long kam long dispela woksap. Taim mipela i kisim pinis pas bilong yu bai mipela yet bai imakim wanem meri long kamap long dispela woksap. Mipela bai i toksave long yu bihain long mipela i skelim pas bilong yu na ting olsem yu rait meri long kam long dispela woksap.

TINGTING BILONG YU EM I BIKPELA SAMTING, MIPELA I LAIK HARIM!

Yu save long ol wel bilong lukautim kaikai stap gut na longtaim?

Yu laik bungim ol narapela meri husat i mekim wok long agrikaisa, fisheries na laipstok?

Yu ronim bisnis bilong yu yet long wok didiman o yu wok long didiman stoar? Yu save salim kaikai long maket?

Lae Nius



Guria long Watut eria i orait nau

BIKPELA guria we i bin brukim ol haus na ol samting hap bilong Watut eria long Morobe provins i pinis nau. Olgeta haus na ol samting i orait tasol 4-pela haus tasol i bin bruk na pundaun long dispela birua bilong guria.

Ol atoriti bilong Morobe edminstresen i bin go insait long eria las wik na skelim ol hevi na traim long kamap wantaim ol helpim

bilang helpim ol lain i bungim hevi.

Ol dispela haus we i bruk bai Morobe edminstresen i traim long helpim wantaim ol sel na ol samting bilong ol i ken yusim na slip long en inap ol i kisim helpim bihain long wokim nupela haus bilong ol.

Ol pipel bilong dispela hap long Malarena eria i kisim tok-

save long lukaut gut na was gut long dispela taim bikos long taim bilong bikpela ren we i ol hevi na bagarap i ken kamap olsem nau guria ol i bungim. Olsem na ol atoriti i askim ol long traim long muv i go antap long hap we i strong na drai long traim abrusim birua na bagarap we bikpela ren bai kamapim. Ren i bin stap long dispela hap eria sampela taim i kam nau.

Namba tri wanbel de long ples Nokopo

NAMBA tri wanbel de i kamap long Fonde tude long Nokopo ples long Kabwum distrik we memba Ginson Saonu i go pas long kamapim.

Dispela Wanbel De i kamap bikos i bin gat bruk bruk namel long ol pipel bilong Nokopo long taim bilong 1997 nesenele ileksen. Long 1997 nesenele ileksen, ol pipel i bin bihainim kainkain kendidet long kempen bilong ol na bihain long nau memba, Ginson Saonu i win, ol kendidet i go bek nabaut long hap bilong ol na ol pipel bilong ples i sindaun bruk i stap namel long ol yet.

Wantaim dispela tingting bilong bungim ol bek, memba bilong Kabwum, Ginson Saonu i kamapim dispela rot bilong wanbel gen wantaim narapela na lusim tingting long bruk bilong politiks ya.

Mista Saonu i bin tokaut long las yia wanbel de long Isan olsem dispela Wanbel De em i gutpela bilong ol pipel long sindaun bilong ol yet insait long ples na komyuniti. Taim ol pipel i wanbel na sindaun gut wantaim, ol gutpela wck i save kamap. Sevis bilong gavman bai i go isi long ol pipel bikos ol i sindaun gut wantaim. Wok bilong sios o wanem kain wok bilong ol yet bai i go gut bikos ol pipel i sindaun wanbel na amamas wantaim.

Mista Saonu i tokim ol pipel bilong em olsem Wanbel em as bilong planti bikpela na gutpela samting long kamap.

Mista Saonu i tokaut tu olsem dispela hap bilong Yus em i bus na maunten ples tru. Na ol pipel ya i no luksave yet long planti nupela samting bilong taun na siti. Olsem na em i bikpela samting long ol pipel i mas stap gut wantaim bai ol i ken skelim gut ol nupela pasin na ol senis we inap kamap bihain. Na ol i ken kisim o rausim ol dispela senis bihainim laik na tingting bilong ol yet.


Namba tu bisop bilong Luteran Sios Reveren Motoro i tokaut tu olsem 'Wanbel' em pasin bilong God. God i laik wanbel wantaim ol pipel bilong em. Olsem na dispela Wanbel De bilong ol Isan pipel (long las yia i no abrus. Em i bihainim laik tru bilong God. God i olgeta taim laik wanbel wantaim ol manmeri bilong em.

Wanpela bikman Thomas Boti i tokaut olsem long 1997 nesenele ileksen, ol lain bilong em long taun olsem Lae i bin go brukim ol manmeri wantaim kendidet bilong ol. Tasol nau ol luksave na mekim bikpela tok sori long memba Ginson Saonu na ol laik stap pas wantaim memba bilong ol. Em i tok ol pipel bilong Ginson Saonu na ol Isan pipel em ol wanpela lain tasol. Tasol ol i bruk i bikpela hevi tru na nau ol i laik bung na wanbel wantaim Saonu na ol lain bilong em.

Narapela bikman bilong Isan ples Robin Yalep i tokaut tu olsem ol sori long bruk pasin ol i bin kamapim bipo na nau ol i laik tok sori na wanbel wantaim memba Ginson Saonu. Mista Yalep i tok ol i gat ol gutpela wok na progrem i stap pinis olsem na ol i mas bung wantaim nau bai ol dispela wok i ken go het gut.

Em i tok Mista Saonu i no pret long dispela bruk pasin we i stap pinis. Em i kam insait tru long dispela bruk na ol i sem tru long em. Olsem na ol i sori na wanbel long em. Ol i soim dispela sori na wanbel bilong ol long memba wantaim wanpela pik.

Long soim amamas bilong Morobe gavman, Gavana Songang Luther Wenge i bin givim K2,000 i go long helpim elementri skul bilong Isan na memba Ginson Saonu i tokaut olsem K10,000 i redi pinis bilong nupela klasrum bilong Isan. Taim Distrik Edministreta i pinisim ol pepa wok bai dispela man i ken go long helpim Isan komyuniti skul.



• Ol viles kot opisa bilong Yus Lokol Level Gavman kaunsil eria i kisim ol buk na ol pepa bilong ol i kam long han bilong memba bilong Kabwum Ginson Saonu lng las mun taim em i go witness pinis bilong wanpela woksop ol viles kot i sindaun long en long distrik.

Kot surukim sas bilong pamuk piksa

LAE Distrik Kot i givim narapela tupela wik long skelim na glasim gut ol ripot na toktok we i kamap long kot bilong wanpela tisa bilong Yunitek long we plis i sasim em long kisim ol pamuk piksa na ol samting.

Mejstret Nalu Caleb i bin tokaut long givim wik moa long glasim ol toktok bilong loya bilong tisa ya na loya bilong plis pastaim long em i ken mekim disisen bilong em long tupela wik samting.

Plis i bin sasim dispela tisa bilong yunitesiti long Yunitek Lae long holim wantaim em ol piksa nogut bilong

pasin pamuk. Dispela em namba tu taim em i kisim sas long dispela trabel. Dispela tisa em Greg Kasen bilong Timbunke ples long Is Sepik provins na em i wanpela pat taim tisa long Yunitek.

Bos bilong Lae plis, Metropolitan Supritenden Awan Sete i bin tokaut long las wik olsem ol plisman long seksen bilong Kriminel Investigesen Divisen (CID) i bin kisim ol tok-save long dispela yunitesiti tisa long las mun.

Mista Sete i tok ol drag skwat i karimaut reid long haus bilong dispela tisa ausait long skul banis na painim 5-

pela flopi disk we piksa i stap insait na tripela vidio kaset tu wantaim.

Tisa ya i kisim 5-pela sas long holim ol dispela piksa nogut i stap wantaim em, Mista Sete i tokaut.

Em i tok dispela em wanpela bikpela trabel tumas na em i askim, wanem kain tisa tru inap mekim dispela kain pasin?.

Dispela tisa em plis i sasim em las yia na kot i painim em brukim lo. Em i bin kisim sas long K200 o 6 mun kalabus tasol em i bin baim K200 sas, Mista Sete i tok.

Wanpela man long Angoram, Is Sepik

provins i bin kamap long kot las wik long sas em i gat na bai kamap gen-sampela taim bihain.

Mista Sete i tok opis bilong em bai salim wanpela pas i go long Yunitek edministresen bihain long kot i pinis.

Em i tok, ol bai tokaut long olgeta samting i kamap na tokaut olsem plis i ting olsem planti samting i stap long ol dispela piksa nogut i kam long intanet long sampela hap insait long Yunitek skul eria.

Wanpela wokman insait long Yunitek edministresen i tokaut olsem ol i no save long dispela trabel.

Raskol i brukim Tent Siti klinik

TENT Siti klinik ausait tasol long Lae siti i bin pas bikos long ol bikhet lain i bin brukim na go insait long klinik na bagarapim ol samting bilong klinik long wiken.

Amba Demonstresen Skul long Hanta tu i bin pas long wanpela de dispela wik bihain long wanpela tisa bilong skul i bungim hevi we ol man nogut i bin brukim haus bilong em na go insait long Mande nait long dispela wik.

Moa long 700 skul pikinini long dispela skul i kisim toksave bilong skul long stap bek long haus long Tunde dispela wik taim ol tisa na skul atoriti i

traim long lukluk i go insait long dispela hevi.

Long Tent Siti, ol man nogut i bin brukim dispela klinik long Mande na go insait na brukim dua bilong klinik opis na kisim VHF 2 wei redio na sampela mani. Dispela redio we kos bilong em i moa long K1,000 em Lae Distrik Edministreta i bin kisim i go na putim long hap. Na mani em K300 bilong sista husat i go pas long dispela klinik, Isibiang Aramba.

Dispela klinik i bin bungim wankain hevi bilong raskol long stat bilong dispela yia we ol man nogut i bin brukim dispela klinik na go

insait na stilim bokis ais bilong klinik.

Lae Distrik edministresen i bin holim toktok wantaim Morobe Provinsal edministresen na Luteran Sios na ol i kamap wantaim dispela disisen bilong pasim klinik ya long sampela taim pastaim.

Dispela klinik i save sevim planti manmeri mak olsem 10,000 olgeta Bumayong, Tent Siti, Seken Seven, Poaba setelmen, Niuroks, Pepsi na Nawae blok. Sampela taim ol sik manmeri i save kam olsem long Nawae distrik olsem long Bukawa, Situm na Gobadik

Yamandi sutim tok long Wenge

OLPELA memba bilong memba bilong Nawaeb distrik, Amos Yamandi i sutim tok long memba bilong Nawaeb Kennedy Wenge long i no mekim wanpela gutpela wok na sevis i go insait long distrik long klostu 5-pela krismas em i kamap memba inap nau.

Mista Yamandi i tok Nawaeb ilektoret i nogat wanpela gutpela rot sevis na 4-pela distrik edministresen opis bilong pablik sevis long wok long en long Boana stesin i bagarap nogut tru, rot bilong komyunikesen i bagarap olgeta na ol wok bilong

bringim sevim na divelopmen i no kamap gut.

Mista Yamandi i sutim dispela tok long memba Kennedy Wenge long i no mekim gut wok bilong em long stretim gut na kamapim gutpela sevis long ol rot na ol arapela sevis i go insait long ilektoret.

Mista Yamandi i bin olpela memba bilong Nawaeb long 1992 inap 1997 we em i bin lus long ileksen na Kennedy Wenge i kisim ples bilong em long 1997. Kennedy Wenge em bikpela brata bilong Morobe Gavana Luther Wenge.

Pes lain misinari Pater John Wald lusim PNG bihain long 56 krismas

BRUDER ALU AISI i raitim

WANPELA Katolik Pater na tisa husat i bin stap longpela taim long PNG i bin lusim kantri long go bek long asples bilong em long Amerika.

Nem bilong en em Pater John Waid husat i wanpela Divain Wod pater.

Pater John i bin kamap pater long 1943 na tupela yia bihain tasol Wol Wo 2 pait j pinis, em bin kam long PNG long mekim wok misinari.

Em bin gat 26 krismas tasol taim em i kam long kantri na ol i salim em long wok long Madang.

Tasol taim em i wok long redi long kam long PNG, ol poroman bilong em i tokim em olsem em i mas longlong ya long kam long PNG, ples we nogat lain tumas i save long en. tasol em bin tok olgeta misinari i mas longlong long lusim ol asples bilong ol na go long ol

ples we i op nupela tasol long autim Gutnius bilong Bikpela.

Long 1946, ol bin makim em long go statim wanpela nupela skul long raikos long saisor insait long Madang provins.

Ol pipel i bin pret yet long bikpela wo bikos nogut em i stat gen.

Em i tok pastaim em bin gat hat taim long kisim ol pikinini i go long skul bikos dispela em i nupela samting long ol.

Tasol em i rok maski i gat hevi ol pipel i bin gat bikpela sapot na skul i go het. Em bin kirapim Gret wan inap long foa na ol sumatin i wokim gut stret em ol i salim ol i go long Alexishafen long pinisim skul bilong ol.

"Olgeta ol dispela samting i bin strongim spirituel laip bilong mi olsem wanpela misinari," Pater John i tok.

Long 1954 bihain em i wok wanpela krismas long Saidor em i kisim tok long Bisop Noosa long go Simbu na kirapim skul Katekis

long Mingende. Em i bin les long go bikos em i statim dispela nupela skul long Raikos na em laik lukim wanem rot skul bai i go long en pastaim bipo em i lusim.

Long dispela yia, Pater John i bin wanpela long ol paionia misinari husat i bin kirapim skul long Kondiu. Wanpela long ol namba wan sumatin we em bin skulim em long leit Gavana Ignatius Kilage na gavana bilong nau Pater Louis Ambane.

Long 1966 Kondiu i bin kamap olsem namba wan hai skul long Simbu provins na nau ol i kolim long Kondiu Roseri hai skul.

Em i tok ol biknem lain long Simbu olsem politisen John Nilkare, Edward bare, David Mai em ol sampela husat i bin skul long Kondiu long dispela taim tu.

"Olsem pater na tisa mi save long planti yangpela man na meri. Mi skulim ol na serim ol tingting wantaim ol.

Planti bilong ol nau i holim ol bikpela wok long gavman, ol praivet kampani na ol arapela bikpela institusen insait long kantri.

"Planti taim mi go long rot long ka na go pas long wanpela ples o raun long Kundiawa taun, ol manmeri bai

singaut na tromoim dispela hap tok," papa bilong Kondiu, Papa bilong Kondiu". Mi bai misim stret dispela," Pater John i tok.

Em i tok em i gat planti pren long Simbu tasol nau em i no inap long luksave long ol pes bilong ol.

Pater i bin saplen tu bilong Holi Trinita Tisa kolis na Kondiu Hai skul long 1981 inap long 1983.

Pater i bin holim wok olsem Vokesen Dairekta bilong Simbu Daiosis long 20 krismas na em bin save gaidim ol yangpela

man husat i pilim olsmo Bikman i singautim ol long kamap pater.

Em i tok ol yangpela man we em i redim ol long Simbu daiosis long ol fomesen yia em ol i painim ol salens long ol spirituel wok na stadi bilong ol.



• Br Peter Kal wantaim Br Burke Provinsel (lephan) na Br Kevin Wallis Provinsel Dele

Erima Peris bai holim ritrit long Jun 30

VERONICA HATUTASI i raitim

ERIMA Katolik Peris insait long Nesenel Kapitel Distrik i wanpela long ol peris we i wok long karimaut planti samting long helpim kongriksen na peris na Pot Mosbi Asdaiosis wantaim long fisikel, developmen na spirituel sait.

Gutpela wokbung namel long ol perisina na peris pris na gutpela peris kaunsil i kamapim ol gutpela samting insait long strongim wok bilong sios insait long las tupela yia.

Stat yet long 1999, peris i wok long karimaut ol fan resing long karimaut ol wok projek insait na ausait long sios eria na nau peris eria i luk nais moa.

Ol i penim sios, putim banis long geit i kam olsem long Maino Heduru Vokesenel skul na tu stretim wara drein na tu wokim nupela steps i go antap long sios. Ol wok insait na ausait i go het yet na ol fan resing wok i go het yet tu bikos ol projek i laikim bikpela mani. Na peris i laikim bai kongriksen yet i wokim samting long helpim ol yet na olsem ol

wan wan rijenel grup long peris i strong long holim ol fan resing.

Antap long dispela, peris i gat Evanjelaisesen progrem na em i gat tupela komiti bilong skruim ol wok long dispela eria.

Em long etministretiv na pastorel komiti.

Aninit long pastorel komiti, ol i plenim long planmti spirituel ektiviti long kamap insait long peris long dispela yia.

Wanpela long ol em ritrit we namba wan bilong em bai kamap long Sarere Jun 30 insait long peris hal.

Dispela ritrit bai kamap long nait na em bai stat long 6 kilok apinun inap long 9 kilok nait. Dispela em i soipela taim tasol em i gutpela taim long stap wantaim Bikpela.

Pastorel komiti lida Christopher Papiali i tok het tok bilong ritrit em "Life is like a Pencil" o "Laip i olsem Pensil."

Dispela sotpela ritrit o taim bilong stap isi na tingting bai lukluk long Laip bilong Jisas na ol bikpela samting dispela i gat long laip bilong yumi wanwan manmeri.

Ritrit ya bai glasim ol taim bipo,

nau na bihain taim na wanpela bikpela samting em rilesensip yumi gat wantaim em.

Pensil i gat ol sait na i save raitim planti tausen wod, lusim mak na i gat raba long rausim ol mistek. Olsem tasol na laip bilong yumi i olsme pensil. Yumi mas sap long luksave plen bilong Bikpela long laip bilong yumi.

Mista Papiali i tok long ol perisina i makim dispela taim long stap wantaim Bikpela i kamapim dabel selebresen long Heven bikos inap long yu stap long haus na wokim ol samting we yu save mekim olgeta taim, yu wok long tok yesa long singaut bilong Bikpela.

Olsem na em i askim ol perisina long stap long dispela ritrit long wanem em bai kamapim gutpela sindaun na tingting na arnamas long ol wan wan na famili bilong ol.

Fi bilong stap insait long ritrit em K2 tasol na ol bau yusim dispela mani long hairim trenspot bilong kisim na lusim ol lain husat bai kam long ritrit.

Mista Papiali i tok husat i gat laik long stap long ritrit bai i pilim fom na bringim pen, notbuk, pensil i gat raba long en wantaim.

Brude Peter Kal i namba seven asples long joinim oda

MOA long 2,000 Katolik pipel, ol poroman, o famili na hauslain i bin bung long Hagen Katolik Sios long witnesim na amamas wantaim Bruder Peter Kal husat i bin wokim fainel promis long kamap Bruder long oda bilong Sen John ov God.

Bruder Peter i bilong Pit aut stesen long Rabiambul peris insait long Hagen Katolik Daiosis.

Em i kamap olsem namba seven asples man bilong PNG long kamap olsem Brud long Sen John ov God oda.

Em bin wokim tok promis bilong em long han bilong Bruder Peter Burke em bos bilong oda long ol bruder ya long Australasia provins.

Long witnesim dispela bikde bilong Bruder Peter, ol Bruder, ol pater, ol pren, ol famili na hauslain bilong Hagen yet na tu long ol ples ausait olsem Goroka, Aitape na Australia i bin kam long Hagen long dispela taim.


Deputi Gavana Wai Reipa i bin wanpela long ol ges long dispela selebresen.

Pater Simon rapu long toktok bilong em i bin tromo i salens long ol rilijes olsem profesenel witnes na rot we Bruder Peter i harim singaut bilong Krai na kamap olsem wanpela lain bilong sen ov God Bruder oda.

Em bin tok ol rilijes Burder i bihainim Krai long laip bilong em na ol samting we em bin wokim insait long komyuniti. Bikpela samting em i tok em ol Bruder long dispela Oda i gat laik long laikim husat ol i bungim.

Mama i bin karim Bruder Peter long Septemba 19, 1969. Em bin wokim skul bilong em long Miniap praimer skul na pinisim hai skul bilong em long Hagen hai skul. Bihain em bin joinim ol Sen John ov God Bruder long 1991.

Nau emba i wok long lukautim ol sik manmeri long Raihu helt senta insait long Sandaun provins.



Krais i tekewe sin na givim Holi Spirit long yumi
Long wanem, yupela wan wan i bilong Krai Jisas nau, na lo bilong Holi Spirit i save givim laip long yumi, em i tekewe yupela pinis long lo bilong sin na dai, na dispela lo i no bosim yupela moa. Lo i no inap long tekewe sin bilong yumi, long wanem, olpela bel bilong yumi i no gat strong bilong bihainim lo. Tasol dispela samting lo i no inap mekim, em God yet i mekim. God i salim: Pikinini bilong em yet i kam na em i kamap man olsem yumi man bilong mekim sin. Em i kam bilong tekewe sin bilong yumi, na long bodi bilong em yet, God i kotim sin na pinisim strong bilong sin.

Ro...: 8: 2-3

Wol Kaunsil bilong sios i wari long rilijes fridom

WOL Kaunsil ov Sios na ol memba bilong em i lukim rilijes fridom olsem bikpela samting long ajenda bilong em.

Dispela i bin stat yet long taim wok bung namel long ol sios ol i kolim long ekumenisim i bin kamap long stat bilong las senseri. Na Atikel 18 bilong Yunivesel Dikleresen bilong Humen Raits i bihainim stemen bilong rilijes fridom we WCC i bin kisim long namba wan asembli bung we ol bin holim long Amsteden long 1948.

Wok bung namel long ol sios, kamapim ol bikpela tingitng na sapotim ol bikpela samting

olsemn rilijes fridom i go het long olgweta hap bilong wol long ol WCC memba.

Ol WCC memba i luksave olsem ol i no inap long separetim rilijes fridom long ol arapela samting we i sut long lukautim raits bilong pipel o humen raits. Na em i lukim olsem kaunsil na ol memba bilong em i no inap long pait strong long lukautim ol raits bilong em tasol na abrus long ol raits bilong ol arapela pipel.

Rilijes fridom na pasin bilong stap gut wantaim ol arapela sios i kariap long planti rot wantaim tu ol hevi i kamap namel long ol. Ol dispela samting

ng i save kamapim hevi long planti eria we WCC i wok long en. Na wanem rot bai WCC i bihainim long edresim ol dispela samting? I gat ol nupela salens i kamap bilong kaunsil i stap?

reveren Dwain Epps bilong WCC Intenesenel Rilesens grup wantaim Dokta tarek Mitri na Reveren Hans Ucko bilong WCC Interilijes Rilesens na dailog grup i bin toktok long dispela samting wantaim Karin Achteistetter bilong WCC Midia Rilesens opis.

Mista Achteistetter i bin givim wanpela stemen we WCC i redim long kwesten bilong rilijes

intolerens o pasin we ol sios i no stap gut na luksave long wanpela arapela long namba 57 bung bilong UN Komisn bilong Humen Raits. Bihainim ol ripot we WCC i kisim, em bin pulim luksave bilong UNHCR Komisn long ol samting we i wok long kamapim hevi namel long ol rilijes grup.

WCC i bin poinim ol samting we i kamapim hevi olsem long i no tilim gut ol ikonomik risos, ol gavman i no serim gut ol pawa samting, o yusim rilijes olsem tul long skruim hevi olsem tasol sampela long ol samting namel long ol planti arapela we em i putim long lista bilong em.

Santu Michael peris amamasim 40 krismas bilong wok misin

FELIX RAMRAM i raitim

OL Kristen bilong Santu Michael Paris long Osaina insait long Vanimo Grin Distrik. Bai i bung na amamasim 40 krismas Katolik Sios i bin go insait sindaun long Osaina na mekim wok misin karamapim olgeta ples aninit long 3-pela Senses Divisen. Em Imbia,

Fagel na Kilmeri.

Ripot i kam long komiti i mekim wok long redim ol samting long amamasim dispela bikpela de, i tokaut olsem olgeta samting i no inap ron gut olsem ol i tingting long en "bikos atoriti i no pulim inap mani" long amasim de i inap 2-pela de, stat long 21 na pinis long 22 de bilong dispela mun.

Komiti em lokas Swat i go pas long en i tok taim Katolik Misin i

statim wok misin bilong em long yia 1961. Osaina Paris i mekim wankain wok misin inap tude. "Paris i givim bikpela sevis long rot bilong givim and edukasin, helt, sosel developmen na bikpela tru em skul bilong lainim ol manmeri long sindaun gut olsem ol gupela kristen," Mista Bwai i tok.

Ignas Bwai i go het na i tok long rot bilong ikononik, Osaina Paris i skulim planti ol yangpela long wok

agrikalsa olsem lukautim dia, bulumakau, pukpuk, kakaruk na planim ol kain gaden kaikai na salim long Vanimo taun.

Olsem Siaman bilong Fan Raising Komiti, Ignas Bwai i tokaut olsem bai i gat planti gupela samting bilong amamasim 40 krismas Aniveseri bilong Santu Michael Paris De long Osaina Katolik Misin. Bai i gat ol kain spots na gem, drama na

singsing, na bikpela samting long kism luksave bilong dispela 40 Aniveseri selebresen em welkam bilong nupela paris pris bilong Santu. Michael Paris. Pater Guillermo Tadena, NSP na kaikai kumunio isanit long wanpela lotu misa.

Mista Bwai i singautim tu ol narapela gupela kristen brata na susa long Santu Michael Paris.

Mekim wok wantaim save yu kism

KIWURAM KANAKO MAIKEL i raitim

OLSEM wanpela man i harim evahelio pinis long Sande na em i go na i no telimautim long laip bilong em. Em i stap olsem pastaim yet. Tasol sapos yu gat sans long kism ol gupela kain save na skul bilong kamapim senis, yu mas mekim wok long dispela kain save.

Dispela em hap bilong toktok bilong Mista Terry Kikitam, Hetmasta bilong Suyau Komyuniti Skul long taim 58 sumatin i kism setifiket bilong skul bilong ronim ol bisnis. Dispela skul i bin ron inap faivpela wik olgeta. Wanpela NGO grup long Madang, Business Enterprise Support Team (BEST) Inc i bin ronim dispela woksop.

"Pasin bilong kism save na lainim samting em i bikpela samting. Gupela na nupela save inap senisim laip na sindaun bilong famili na i olsem ki bilong ol kainkain senis na i stap olsem bikpela samting long laip bilong yumi wanwan," Mista Kikitam i strongim tok.

Hetmasta Kikitam i askim ol lain mahmeri husat i bin stap insait long dispela skul long no ken go na haitim dispela save ol i kism. Em i tok long kamapim gupela sindaun insait long komyuniti, ol i mas givim wok long save ol i bin kism pinis.

Mista Kikitam husat i bin stap olsem tisa long stat bilong 1970s i kam inap nau i tok olsem olgeta samting i kamapim ol balus, sip, ka, ol klos, ol kainkain tin kaikai bikos ol manmeri husat i wokim ol bin go skul long kamapim ol dispela samting.

"Kompyuta i no kamap nating. Nogat, ol savemanmeri i go lainim ol samting pinis na bihain ol i kam na mekim kamap ol kompyuta na olge-

"Kompyuta i no kamap nating. Nogat, ol savemanmeri i go lainim ol samting pinis na bihain ol i kam na mekim" kamap ol kompyuta na olgeta arapela samting we yumi lukim na yusim nau," Mista Kikitam i strongim tok: "Narapela bikpela samting em olsem ol manmeri husat i kism dispela bisnis trening i mas lukluk i go antap long arapela bratasusa rispekt long save ol kism na wok bungwantaim long kamapim ples."

ta arapela samting we yumi lukim na yusim nau," Mista Kikitam i strongim tok: "Narapela bikpela samting em olsem ol manmeri husat i kism dispela bisnis trening i mas lukluk i go antap long arapela bratasusa rispekt long save ol kism na wok bungwantaim long kamapim ples."

Long wankain taim, wanpela meri husat i bin stap insait tu long dispela skul i tokim dispela mausman olsem em i gat bikpela amamas tru long lainim planti gupela samting insait long faivpela wik.

"Mi tok bikpela tenkyu tru i go long BEST Inco long kam skulim mipela olgeta. Tingting, ai na yau bilong mipela i op na mipela luksave long wanem samting mipela bai mekim nau. Dispela trening em bikpela samting insait long laip bilong mipela husat i traim long mekim ol liklik wok bisnis," Jane Lum bilong ples Fulumu i tok. "Tru planti taim mipela i painim hat, tasol mipela i strongim mipela yet na pinisim olgeta samting wantaim tupela tisas bilong mipela."



Lukim UK ileksen long PNG • Namba tu Hai Komisina bilong England Chris Thompson wantaim opisa bilong Foren Afeas Mathilda Takaku i lukluk long TV we ol pipel long England i go long ileksen. Foto: JOE IVAHARIA.

Ol pipel bilong Banadal i redi long mekim ol kainkain wok bisnis

OL manmeri insait long Banadal eria long Amele, Madang i redi tasol long kirapim na ronim ol kainkain wok bisnis bihain tasol long i pinisim faivpela wik bilong skul bisnis we BEST Inc, wanpela NGO i bin ronim long Suyau stesin yet long Amele long stat bilong mun Jun.

"Mipela i pilim olsem mipela i kamap strong moa long mekim wok bisnis taim mipela i bin stap insait long dispela skul. Nau mipela i ken lukluk i go baksait na luksave long wanem asua i stap long ol wok bisnis bilong mipela. Mipela inap long ronim gut ol bisnis tasol long wankain taim, mipela i mas sanap olsem wanpela pipel na wokbung wantaim i mas stap name", Mista Willie Ipai, wanpela mausman bilong Banadal i tokaut: "Dispela kain

skul mipela i kism em i winim mani na arapela kainkain samting, BEST Inco i bin stap klostu wantaim mipela long nambawan de mipela i go lukim ol i kam inap nau."

Mista Ipai i tok tu olsem em i amamas tru long stap insait long dispela kain skul wantaim ol arapela pipel bilong hap bilong Banadal. Em i tok olsem Banadal eria i gat sans long mekim ol liklik wok bisnis long kamap strong.

Long wankain taim tu, wanpela tisa meri bilong BEST Inc, husat i bin ronim tu dispela woksop i tok olsem ol dispela skul em i olsem bris bilong wokabout long en we ol inap long luksave gut long wanem kain wok bisnis inap long helpim manmeri.

Tisa meri husat i askim dispela mausman long haitim nem bilong

em i tok tu olsem BEST Inc's skulim olgeta manmeri pinis na nau em taim bilong ol long mekim dispela save i karim kaikai.

Dispela tisa meri i strongim tingting olsem pastaim long wanpela man o meri i laik kirapim wanpela liklik bisnis, ol i mas lukluk, skelim tingting na toktok gut pastaim. Narapela samting ol manmeri i mas luksave tu sapos i gat gupela maket bilong salim ol samting bilong ol.


Planti lain manmeri husat i bin stap insait long dispela bisnis trening, i tok olsem planti bilong ol planim vanilla pinis, tasol ol i no inap long salim bikos i nogat wanpela man husat bai baim ol dispela vanilla. Ol i sutim tok i go long ol Didiman na tu i go long ol yet.

K3,000,000

KLIAREN SEL BILONG OL PATS

Ela Motors i kliarim ol stok bilong ol kainkain Pats bilong Toyota, Daihatsu, Hino, Hitachi, ol masin bilong wok long graun, Halla na Toyota Industriell Foklip, Yamaha na Yanmar. Prais bilong olgeta, go daun stret! No ken lusim dispela sans! Go sekim Ela Motors Pats Dipatmen stap klostu long yu tude.

Quality System
Quality Endorsed Company
LIC. No. QEC13968
Quality Assurance Services (QAS)



Ela Motors
NATIONWIDE PARTS

E-MAIL : pmcculloch@elamotors.com.pg



Lafanama givim skul fi sabsidi long ol skul long provins

HELEN REI i raitim

EASTEN Hailans Provinsal Gavman i givim K1.35 milien bilong namba tu kuata skul fi sabsidi bilong dispela yia.

Dispela mani em Gavana Peti Lafanama i bin presenim i go long ol skul hetmasta, na bod ov menesmen long provinsal gavman opis long Goroka las wik Fraide.

Provinsal Edministreta Charles Goto i tok mani em ol i bin basetim wantaim ol namba bilong enrolmen long dispela yia.

Olgeta skul husat i bin stap long dispela seremoni em Aiyura Nesenel Hai Skul na Goroka Sekendari Skul. Ol hetmasta bilong ol vokesenel centas, elementari, praimari na komyuniti skul i bin kamap long kisim mani bilong ol long Gavana Lafanama.

Mista Lafanama i tokim ol lain husat i bung olsem dispela fandim i soim ol olsem provinsal gavman i gat tingting long ol pipel bilong em.

Mista Goto i tok nesenel gavman i bin sot long K200,000 long givim fes kuata sabsidi long wanem ol i rong long yusim ol enrolmen namba bilong las yia.

Em i tok Mista Lafanama i promisim ol pipel olsem long namba tri kuata em bai toktok wantaim nesenel gavman long peim K1.35 milien na K261,709 we em dinau mani bilong pes kuata.

Mista Goto tok ol i nid long apdetim ol namba bilong olgeta enrolmen long dispela yia na salim i go long Dipatmen ov Edukesen na bai ol ken givim stret mani bilong ol.

Em i tok ol dispela mani em bikpela tumas ol skul bai i kisim na em i tokim olgeta hetman


long skul i mas yusim gut. Em i tok yet olsem olgeta toea bilong mani i mas gat rekod long en na provinsal gavman bai i askim ol long we ol i yusim mani.

Sapos ol hetman bilong ol skul i no givim ansa long hau ol i yusim mani bai ol i kamap lukim ol biklain bilong provinsal gavman na toktok long we mani i stap.

Long narapela stori long las wik ol skul na bod ov gavanoas, hetmasta, tisa na papamama bilong ol sumatin i bin plen long mekim wanpela petisen long Mista Lafanama tasol provinsal plis komanda i no bin save na ol i tok nogat long bung.

Petisen i bilong askim ol long rlensetim bipo ekting edukesen edvaisa John Kipot.

Na tu ol i laik tokim gavana long sampela toktok long ol misyus long ol skul sabsidi em provinsal edministresen i bin asua long en.



• Ol student bilong Sacred Heart skul long Mosbi i soim las rispekt long wanpela sumatin bilong ol, Darren Garbon Kabewa husat i bin dai long las mun.

Dokta Temu i tok ol mani wari bilong Kudjip bai pinis

JOE KANEKANE i raitim

HELT Sekretari Dokta Puka Temu i gat bilip olsem ol mani problem bilong Kudjip Haus Sik long Hagen bai pinis klostu.

Dokta Temu i tok dispela problem i no bikpela tumas tasol em i wanpela problem we provinsal helt na nesenel helt atoriti i ken stretim.

Em i tok opis bilong em na provinsal gavman i bin wok hat tru long toktok na traim long painim wanpela we long kamap wan-

taim sampela rot long haus sik i mas ron gut.

Dokta Temu i tok em i gat strongpela bilip olsem dispela bikpela haus sik bai givim bek sevis long ol pipel long wanem em i save helpim planti manmeri long provins na ol narapela hailans provins tu.

Em i tok Westen Hailans edministresen i bin strong long fandim haus sik tasol ol i bin painim hevi long mani.

Dokta Temu i tok Kudjip i nidim K60,000 long wanwan mun long ol sevis bilong em tasol long dispela yia provinsal gavman i no bin givim olgeta mani na dispela i bin mekim ol

dispela problem i bin kamap.

Em i tok nesenel gavman i save peim ol sios helt wokas tasol ol operesen bilong ol haus sik em bilong provinsal gavman.


Dokta Temu i tok dispela kain problem i no save kamap long Westen Hailans provins na em i kirap nogut taim em i harim ol dispela hevi i kamap tasol em i tok ol i luk-save pinis long dispela na i stretim.

Em i tok Haus sik yet i bin mekim klostu olsem K30,000 olgeta mun long yusa-pe sevis bilong em na dispela ol mani i mitim

sampela kos bilong ranim haus sik provinsal gavman i mas givim moa hap mani bilong helpim long wanem mani ol i mekim em i no inap.

Dokta Temu i tok em i amamas olsem ol provinsal helt divisen i bin hariap tru long lukluk long ol nid bilong haus sik long wanem ol i save olsem haus sik ya i save helpim planti lain.

Kudjip i wanpela rural haus sik na em i level 5 haus sik. Dispela i min olsem em bai i kisim sabsidi long provinsal helt divisen na nesenel gavman bai peim ol wokman.



• Gavana Peti Lafanama.

Wok painimaut long kamapim marasin long ol plents insait long kantri

SAMPELA bikpela wok painimaut i soim olsem Papua Niugini i gat planti tumbuna marasin i stap long ol bus ples bilong kantri.

Hetman bilong Skul ov Medicine na Helt Sciences, Profesa Mathias Sapuri i tok i gat bikplea nid tru long mekim ol wok painimaut long marasin na dispela i mas kamap wantaim bung wok.

Em i tingim wanpela wok bung we i kamap long en em wanpela het ov dipatmen long skul Dokta Lohi Matainaho i wok long kodinetim.

Em i tok dispela grup we i wok wantaim dokta Matainaho i bilong ol planti eria bilong stadim wok long kamap dokta.

Ol i laik kamapim sampela we long divelopim na painimaut long ol tumbuna marasin we i save stap long ol flaua na diwai nabaut. Ol i laik tu long painim ol plents we i gat marasin i stap insait long ol.

Dispela grup tu i plen long kamapim wanpela rises model lebrotari klostu taim.

Profesa Sapuri i tok

go bek long taim bipo ol pipel i save yusim ol plents na mekim haus, trenspot, mekim ol samting bilong pait na painim kaikai long ol tu.

Em i tok planti bilong ol dispela plents i gat marasin i stap long ol. Ol rekod long ol buk nabaut long kantri i bin stat long yusim ol tumbuna marasin i stat long 1886 we wanpela man bilong Rasia, Mista Miklouho Maclay i bin raitim.

Maclay bin i gat save long mekim ol wok painimaut long ol plents na em i man bilong raun long olgeta hap long wol long karimaut ol wok bilong em.

Bihain long dispela planti rekod i stap we i soim olsem ol stadl man i raitim na tu ol misineri tu i raitim sampela wok painimaut bilong ol yet.

Long stat bilong 1970 na 1980 wanpela bikpela wok painimaut gen i kamap em Dokta David Holdsworth na ol asisten bilong em i bin karimaut ol sevel namel long ol planti vilas. Planti bilong ol dispela asisten em ol sumatin

bilong skul yet.

Ol i rekodim planti samting olsem ol plents bilong Papua Niugini i gat planti marasin long ol.

Long ol ples ol i go ol i karim sampela bilong ol plents i go bek long yunivesiti long mekim moa stadl.

Narapela man husat i mekim ol rises wok em dokta Topul Ralt na dokta Simon Saulej bilong Yunivesiti ov Papua Niugini.

Olgeta dispela wok em bilong kamapim sampela gutpela na strongpela marasin bilong tritim ol kainkain sik long kantri.

Namel long 1980s moa long 1,000 plents em ol i bin painim long PNG. Profesa Sapuri i tok rekod i soim olsem namba bilong ol plents we i gat marasin long ol i go antap moa long 2,000.

Em i tok yet olsem planti we bilong kamapim tumbuna marasin i stap tasol i gat moa wok yet long raitim na kamapim gutpela rekod long dispela na nid i stap yet long wok painimaut.

Ol helt ekstensen opisa wet yet long ansa long sabmisin bilong ol

PRESIDEN bilong Helt Ekstensen Ofisas Asociesen (HEOA) long Papua Niugini Mista Josep Zale i tok em i amamas long em i bin holim wanpela miting wantaim Nesenel Dipatmen ov Helt na Dipatmen ov Pesenel Menesmen long Mosbi sampela taim i go pinis.

As bilong dispela miting em bilong mekim namba tu sabmisin long ol entaitemens na askim long gutpela pei bilong moa long 600 HEO husat i sevim ol komyuniti long ol longwe hap long rural eria bilong kantri.

Mista Zale i tok long dispela bung ol i no bin kamap wantaim wanpela agrimen wantaim Dipatmen na DPM tasol em i tokaut long ol memba bilong asociesen olsem ol toktok ol i mekim long miting i go gut na bai ol i save sapos ol sabmisin bilong ol i kisim apruvul o nogat.

Siks pela poin ol i mekim long sabmisin bilong ol em:

- Riklasifikesen long wok kategori

bilong ol HEO

- Klasifikesen long ol pei bilong ol HEO



- Wok ovataim mani bilong ol HEO mas go antap

- Domestik maket alauens na

- Akedemik Tising mani o' alauens.


Mista Zale i tok olgeta toktok i go orait tasol na em i apil long olgeta membas bilong HEOA long mekim yet ol wok bilong ol long helpim ol pipel na em yet wantaim ol eksekutiv bilong asociesen bai traim hat yet long toktok long ol sabmisin. Em i tok ol pipel i lukluk i kam long ol long kisim helpim na ol i mas go het na givim dispela ol sevis.

Mista Zale i tok ol eksekutiv tu i bin holim wanpela miting wantaim sianman bilong PNG Medical Bod Dokta Bob Danaya na mekim wanpela narapela sabmisin tu tasol dispela bai kamaut taim olgeta medical bod i bung.



• Alfred Kaiabe (lephan wantaim Gavana bilong Manus na namba tu lida bilong Nesanel Alaiens long Niugluni Ailans i Stephen Pokawin i sanap wantaim yet. Las wik tasol Sir Michael Somare na Nesanel Alaiens i bin go bung long Tari. Tari em ples bilong Alfred Kaiabe husat i wanpela strongpela Nesanel Alaiens man.


• Olgeta saplal bilong skul i stap yet na i no go long ol skul long sait bilong Niugini Allans, Momase na Hailens bihain long kampani we i givim aut ol saplal bilong skul i kisim Edukesen Dipatmen i go long kot. Edukesen Dipatmen i givim toksave olsem ol dispela saplal i mas i noken go long ol skul yet. Edukesen Dipatmen wantaim kampani bai sanap long kot long Ogas 14. Tasol kampani givim saplal long sait bilogn Sauten rijen i klostu pinisim wok bilong em tasol i gat samepal likik kros tu i stap.



• Dispela i no tewel bilong solwara. Fiseris Minista Ron Ganarafa i sanap lukluk long dispela mama bilong tuna pis we ol man ketsim.



• Ol Jepen mama redi long Kimono So Nius Dairekta bilong Wod Pablisng Joe Kanekane i go raun long Jepen las mun. Dispela piksa em long Kyoto, wanpeal bikepla siti insait long Jepen. Dispela ol mama i redi long go logn wanpela Kimono So. Kimono em dispela kain samtnng olsem leplep ol i werim long piksa.



• Dokta Thomas Webster (wantaim plawa long nek), Edministreta bilong Westen Hailans provins i sanap wantaim ol meri long wanpela bung. Dispela wik bai lukim bikpela bung bilong ol memba bilong palamen long provins bilong em. Kabinet miting bai kamap nau long Mt Hagen. Gavana Robert Lak i bin tok olsem em bai askim Gavman long bekim dinau long Westen Hailans provins. Mani inap logn K70 milien we dinau i stap i go bek long 1995 na Nesanel Gavman i no bin peim ol dispela mani. (Lephan) Bill Skate (namel) wantaim tupela strongpela man tude insait long oposisen Thomas Pelika (lephan) na Jacob Wama (raitnan) long wanpela bung. Bill Skate i tok olsem em i tingting long givim posisen bilong em olsem oposisen lida long Sir Michael Somare na Nesanel Alaiens pati bilong em.

Ol pipel bilong Banadal i redi long mekim ol kainkain wok bisnis

KIWURAM KANAOK MAIKEL i raitim

OL manmeri insait long Banadal eria long Amele, Madang i redi tasol long kirapim na ronim ol kainkain wok bisnis bihain tasol long i pinisim faipela wik bilong skol bisnis we BEST Inc, wanpela NGO i bin ronim long Suyau stesin yet long Amele long stat bilong mun Jun.

"Mipela i pilim olsem mipela i kamap strong moa long mekim wok bisnis taim mipela i bin stap insait long dispela skol. Nau mipela i ken lukluk i go baksait na luksave long wanem asua i stap long ol wok bisnis bilong mipela. Mipela inap long ronim gut ol binis tasol long wankain taim, mipela i mas sanap olsem wanpela pipel na wokbung wantaim i mas stap name!", Mista Willie Ipai, wanpela mausman bilong Banadal i tokaut: "Dispela

kain skol mipela i kisim em i winim mani na arapela kainkain samting, BEST Inco i bin stap klostu wantaim mipela long nambawan de mipela i go lukim ol i kam inap nau."

Mista Ipai i tok tu olsem em i amamas tru long stap insait long dispela kain skol wantaim ol arapela pipel bilong hap bilong Banadal. Em i tok olsem Banadal eria i gat sans long mekim ol liklik wok bisnis long kamap strong.



Penim pes na kamapim mani • Tupela piksa i soim ol manmeri penim

pes bilong ol sapota bilong Nius Saut Wels Blus na Kwinslen Maruns. Planti manmeri long kantri save sapotim dispela pilai insait long Australia. Ol yangpela i sasim mani olsem 50t long ol liklik pikinini na K1 long bikpela manmeri na penim pes bilong ol. Longpela lain tru i kamap bikos olgeta manmeri laik penim pes bilong ol tu. Lukim liklik manki tu i sapot na ol yangpela man i wok long penim pes bilong em. Ol foto: HELEN REI.



Ol meri Bogenvil ken kisim skol long ol meri Nepal

OL MERI Nepal i save wok strong long ol kotej indastri o ol liklik bisnis long pulim mani long en na helpim ol yet na famili.

Na ol meri Bogenvil i ken kisim skol long dispela na skruim dispela ol kain liklik bisnis long en.

Kodineta bilong Bogenvil Intasios Wimens Forum (BIWF) Sista Lorraine Garasu i

bin tok long dispela bihain long kam bek bilong em long wanpela woksop long Katmandu insait long kantri Nepal tupela wik i go pinis.

Em i tok long raun bilong em long Katmandu siti, em bin lukim ol meri Nepal i wok hat long mekim na salim ol samting we ol yet i wokim long han.

Dispela em ol samting olsem ol leta guts o

ol i wokim long skin olsem ol beg, ol basket, ol henkraf, ol sen, ol nekles, ol earing na ol kain bilas bodi, han, lek, gras na moa.

Em i tok ol meri i wok hat na kirapim ol liklik koporesen o bisnis na ol i wok bung wantaim na holim strong long ol. Na long dispela rot ol i painim liklik mani long helpim ol pikinini na famili bilong ol.

Papagraun long Krumbukari i paul yet

JOE KANEKANE i raitim

OL PAPAGRAUN long Krumbukari husat i paull nabaut long mak i stap i laik save wanem taim dispela planti milien kina projek bai stat.

Ol papagraun i tok Hailands Pasifik (kampani husat go pas long projek) na gavman i sutim toktok long narapela arapela na i no mekim wanpela samting yet bilogn traim kamapim dispela projek.

Joe Koroma, wanpela mausman bilong wanpela papagraun grup klostu long main bai stap i tok olsem olgeta papagraun i paul long long wanem samting i wok long kamap long projek.

"Tupela sait wantaim mas lukim mipela olsem wanpela. Mipela papagraun i tingting strong long lukim dispela projek i stat tasol tupela gavman na kampani i no toksave logn wanem samting i wok long kamap i no gutpela tru.

"Mipela sainim pinis MOA long soim tingting bilong mipela long projek i mas kamap na mipela wet tasol long lukim wanem samting bai kamapim neks," Mista Koroma i tok.

Em i askim kampani na gavman long toksave gut long ol papagraun sapos wanpela hevi i kamap bai ol i ken save bikos ol i sainim pinis MOA na wet tasol long lukim wanem wok bai kamap.

Ol papagraun i ting ol i mekim pinis wok long sait bilong ol na planti papagraun i wok long paul na sutim tok long narapela arapela na paul nabaut i stap.

"Mipela lukim pinis wanpela trabel pait na wanpela man i kisim bikpela bagarap na stap nau long Madang.

"Mipela i no ting pait bai kamap long dispela eria tasol em kamap na dispela i soim wanem kain tingting ol papagraun i gat bilong lukim dispela projek i mas stat hanriap," Mista Koroma i tok.

Em i tok nau yet olsem 50 papa-

graun olgeta i wok long kros namel long ol yet na planti i no klia na bai moa gutpela sapos kampani i tok klia long wanem samting i wok long kamap.

Krumbukari Lenona Asosiesen Siaman David Tigavu i nambawan man long askim kampani na gavman long toktok hariap long sait bilong sia na statim projek.

Hailens Pasifik Koporet Areas Menesa Andrew Tauieb i les long tok tasol i tok olsem gavman i no mekim wanpela samting long stretim ol bikpela projek long go het na bringim mani insait long kantri.

Orogen Menesing Dairekta Francis Kaupa i tok olsem ol papagraun i mas save logn taim bilong sainim MOA las yia we ol i bin tok aut olsem projek bai stap winim 12 i go long 18 mun na ol bai traim painim sampela man husat i laik wok bung wantaim Hailans Pasifik na PNG Gavman long dispela projek.

Mista Kaupa i tok long Disemba 3, 2000, Oregon i bin gat mani inap long K1256.39 milien na nogat wanpela dinau.

Ol i wok yet long painim anmba tri bisnis haus long kam insait na traim helpim Orogen wantaim Hailans Pasifik long kamapim dispela Nikel bisnis.

Logn painim namba tri bisnis patna, Orogen i mekim wanpela rot so bilong grisim ol bisnis long ol kantri we save kamapim na salim nikel.

Namba tu wokabaut long rot so bilong Afrika, Yurop na Not Amerika bai stat neks wik.

Wanpela bikpela maining kampani long Indonesia i ting long kam bung wantaim Hailans Pasifik na Orogen long kamapim dispela bisnis bilong dikim nikel.

Mista Kaupa i tok Orogen abi tokaut long sapos em laik kisim 25 pesen sea inmsait long dispela projek o nogat bipo long pinis bilong Julai 6 na dispela disisen bai kamap bihain long bod miting.

GENERATOR SET		ESKI KULAS	
LAKI NAMBA TICKET		LAKI NAMBA TICKET	
5038000	5047412	5007381	5150781
	5066100	5027547	0001249
	5087199	5047412	0151992
	5107209	5066100	0301365
	5126101	5087199	0451582
	5127200	5107209	0552100
	5147897	5126101	0900834
	5129422	5127200	0850445
		5147897	0800658
		5129422	0750239
			0700428

WINNERS CONTACT GFI OFFICES:

PORT MORESBY PH: 320 2260 - LAE PH: 475 7066
M.T HAGEN PH: 545 1570 - GOROKA PH: 732 3213
RABAU PH: 982 9209 - BUKA PH: 973 9141
MADANG PH: 852 1622 - WEWAK PH: 856 1708
ALOTAU PH: 641 0472 - KIMBE PH: 983 4907
POPONDETTA PH: 329 7366

Gavman i no givim yet K70 milien bilong Westen Hailans

• Gavman bai holim bung bilong em long Hagen long dispela wiken tasol ol pipel bilong Hagen. bai wet long harim Praim Minista Sir Mekere Morauta i tokaut long wanem taim bai em i givim K70 milien bilong Westen Hailans provins we Gavman i no bin givim yet long 1999 i kam inap dispela yia.

Gavana bilong Westen hailans provins Pater Robert Lak i tokaut olsem em i kisim samons pinis long kotim Nesenel Gavman long i no givim mani bilong provins bilong em we i luksave long en. Pater Lak i tok em ino mekm dispela olsem pasin politiks bikos NEC miting bai kamap long Hagen. Em i welkam long NEC i ken holim miting long Hagen tasol em i laikim mani bilong ol pipel long mekim wok bilong ol i mas go stret long ol. Mani bilong stretim na wokim ol rot na bris, mani bilong skul na haus sik na provin-sal gavman wantaim lokol level gavman kaunsil i nogat mani, Pater Lak i tok.

• Lida bilong Oposisen Bill Skate i kam bek pinis long PNG bihain long em bin go kisim marasin long haus sik long Australia long mun Mas.

Mista Skate i kam bek long las wik na long dispela wik em i statim wok bilong em long opis bilong em long palamen we em i bin holim namba wan bung bilong em wan-



taim ol niusmanmeri long Tunde dispela wik.

Mista Skate i tokaut olsem long dispela wiken bai em i go bek gen long Australia long ol dokta i sekim em bikos em i stap yet aninit long marasin.

• Siaman bilong Praivetaisesen Komisn Ben Micah i tok olgeta wokmanmeri husat i wok wantaim ol gavman opis we gavman bai salim i no inap bungim hevi wantaim seavings bilong ol long POSF o wanem kain seavings ol i gat. Mista Micah i tok Praivetaisesen Komisn i gat lo we i luksave long dispela na bai lukautim na bosim gut interes bilong ol manmeri long sevim mani bilong ol wantaim ol fans.

Mista Micah i mekm dispela toktok long bekim ol toktok olsem taim praivet lain i baim ol gavman bisnis olsem Elcom, Telikom o PNG Habas Bod, ol bai i no inap

putim mani moa wantaim POSF long seavings bilong ol wokmanmeri bilong ol bikos em i no moa gavman bisnis tasol em i praivet bisnis o kampani nau.

• Rejistresen fi bilong ol politikel pati em K500. Dispela em nupela fi bilong rejistaim ol pati bilong 2002 nesenel ileksen aninit long nupela lo bilong intagriti ov politikel pati na kendidet. Dispela lo i kamap pinis na olgeta pati i mas rejista. Ol kendidet husat i laik sanap long ileksen bai baim K1,000 nominesen fi. Olgeta dispela fi bilong politikel pati em ol i mas baim long Sentrel Fan Bod ov menesmen. Nominesen fi bilong ol kendidet em ol kendidet bai baim i go long Iktoretel Komisn.

• Bet De bilong Kwin long Mande dispela wik i bin nogat wanpela luksave o pati long PNG. Gavana Jenerel o Gavman bilong PNG i no tokaut long wanpela kain sindaun o bung bilong tingim betde bilong Kwin. Opis bilong Britis hia long PNG tu i no kamap wantaim wanpela samting long makim betde bilong kwin. Tasol opis bilong Britis i tok ol i no inap long mekim wanpela samting PNG em komonwol kantri we kwin tu i het bilong PNG. Olsem na Gavana Jenerel i ken kamap wantaim betde pati o

samting olsem.

• Memba bilong Kairiku Hiri Moi Avei i redim pinis K300,000 bilong stretim rot long Bereina i go long Veifa viles. Narapela K10,000 bai i mas redi long surukim rot i go long Veifa'a i go long Inauaoni. Dispela tok-save i bin kamap long bung bilong ol lida bilong ples na wantaim ol yut taim ol i kamap long bungim bisop bilong Bereina John Ribat long Mosbi long las wik Fonde.

• Ol sampela yangpela man long Sinasina long Simbu provins i bin karamapim dai bodi bilong wanpela meri ol i bilip em i dai long sik AIDS na ol i go planim em. Bihain long ol i planim pinis, ol i kam bek na singaut long kompensesen we ol famili bilong dispela dai man i mas baim ol long hatwok ol i mekim long planim dai meri ya. Ol i askim long K1,000 na tupela pik.

Ol ripot i tok dispela meri i bin kamap long haus sik Trinde las wik tasol em i dai long Fonde. Wanpela wantok bilong em i kam wantaim ka na karim bodi bilong em i go long ples long planim tasol ka i bin bagarap long rot. Olsem na ol manki bilong dispela ples i helpim na planim dai bodi ya long nait. Ripot i tok ol lain bilong dispela meri i wanbel long baim dispela kompensesen liklik taim bihain.

Pinisim na klinim hevi bilong NPF pastaim



KOT bilong painimaut ol hevi na asua bilong Nesenel Providen Fan (NPF) i wok long go het yet na i stat long solm planti asua long ol man na ol erla we i kamapim hevi long planti milien kina bilong ol membas. I no longtaim tu, wankain kot i kamap long seavings opis bilong ol arni long painimaut ol wok na erla we man bilong Difens ritaiemen seavings i go long en.

Insait long dispela enkwairi kot mipela i harim olsem planti hevi na asua em insait yet long ol bod memba bilong NPF yet we ol i save mekim ol disisen long mani i mas go we o mani i mas mekim wanem wok.

Tasol NPF i tokaut tupela mun i go pinis olsem em i nogat dinau moa wantaim husat kampani o beng. Dispela i min olsem NPF i redi long mekim mani tasol.

Planti tausen wokmanmeri long ol praivet kampani insait long Papua Niugini i gat mani wantaim NPF. Na namba bilong mani NPF i bin lusim pinis mak olsem K120 milien na dispela i no liklik mani. Menesmen bilong NPF i tok wanpela rot tasol em ol bai katim seavings bilong ol memba i kam daun long hap long mekim NPF i wok na ron gen. Narapela em long Gavman i mas painim wanpela K100 milien na givim i go long NPF hariap long strongim wok bilong em nau.

Olsem na NPF i katim pinis 15% long seavings bilong olgeta memba na tu NPF i salim pinis bikpela haus tawa long kisim bek ol mani em i lusim long wokim dispela tawa.

Wok painimaut nau insait long wanpela Kot ol i kolim Komisn ov Enkwairi i wok long kamap we ol loya bilong Gavman i wok long bungim olgeta bosman bilong NPF na ol Gavman opis long bekim ol askim na tokaut long wanem samting ol i gat save long en long NPF.

Bikpela askim nau em sapos dispela Komisn ov Enkwairi Kot i kamautim olgeta asua na ol nogut we i kamap na nem bilong ol lain husat i mekim dispela bagarap i kamap ples klia, bai wanem samting i kamap? NPF menesmen i kisim samons pinis long olpela siaman bilong NPF bod, Jimmy Maladia. NPF i askim kot long stapim olgeta mani na bisnis em i gat long PNG na tu long Australia bikos ol evidens long dispela kot i soim olsem Mista Maladina i asua long kisim planti mani long ol wok we NPF i baim. Tasol ol dispela



mani i kam bek long em.

Olsem na ol membas i laik save long Gavman bilong Sir Mekere Morauta long tokaut long wanem eksen em bai mekim bihain long dispela Komisn Kot i autim ol bagarap na nem bilong ol lain i go pas long dispela bagarap. Gavman yet i mas kamap wantaim rot na eksen bilong stretim dispela hevi bilong NPF bihain long wok bilong Komisn ov Enkwairi i pinis.

Kot bilong Komisn ov Enkwairi i no save kotim wanpela man o givim sas long wanpela man. Wok bilong em, em long soim

aut tasol ol bagarap na asua we i kamap na husat i go pas long ol dispela asua.

Dispela Kot i autim pinis nem bilong planti lain we ol i gat toktok long tokaut long wanem as ol i mekim sampela kain disisen long dispela taim o bilong wanem na ol i no bihainim lo long mekim sampela disisen long wok bilong NPF.

Komisn i soim tu olsem sampela bisnis we NPF i tromoi mani i go long en i no stret na i no bihainim gutpela toktok o disisen bilong miting. Olsem na mani i lus nating long ol dispela bisnis.

Klostu dispela kot bai pinis na ol pipel i

wetim tasol long wanem narapela muv gen bai Gavman i mekim bikos ol i pret bai mani bilong ol wantaim NPF i paia nating.

I tru olsem Gavman i no inap tokaut yet long wanem eksen em bai mekim bihain long dispela Kot. Tasol em i mas gat sampela plen i stap pinis long wanem samting em bai mekim bihain, na tu Gavman i mas givim sampela bel isi long ol pipel olsem mani bilong ol bai ino inap lus nating long dispela hevi. NPF i no bisnis bilong Gavman. Em bisnis bilong ol praivet kampani na ol woklain bilong ol.

Praim Minista Tony Blair na Leba pati win namba tu taim long gavman



• Praim Minista Tony Blair na meri bilong em Cheryl bihain long em i winim bek sia olsem lida bilong Ingran long namba tu taim long las wiken.

TONY Blair na Nu Leba pati bilong em i wokim histri long winim bek gavman long namba tu taim long las wiken.

Briten i bin holim Jenerel Nesenel ileksen na long Fraide Jun 8 ol i pinis kaunim ol vot na tokaut olsem Mista Blair i win gen.

Dispela i mekim Leba pati i win insait long namba tu tem bihain long 100 krismas. Insait long dispela taim Leba Pati i bin save go pas long gavman long ol sotpela taim tasol.

Tru Mista Blair i win tasol ol ripot planti pipel i no bin bisi tumas na ol

i no go long ol ples bilong vot na makim ol man husat bai lidim kantri long en.

Taim ol i wok long kaunim yet ol vot, Oposisen Konsevetiv pait lida William Hague i bin risain na nau yet ol i no makim yet wanpela man long kamap olsem pati lida. Em i holim posisien long sotpela taim tasol stat long 1997 taim Leba Pati bilong Praim Minista Blair i bin winim sia olsem man husat i go pas long gavman long Ingran.

Taim Mista Blair i amamas long win, em i



Bikpela sapot long Leba pati • Sampela vota long ples Urquhart long Skotlan i apim liklik bihain long vot na ol i wetim risal. Aninit: Tory o Konsevetiv Pati lida William Hague na meri bilong em Ffion husat pati bilong em i lus na em i risain olsem pati lida nau. Ol piksa i kam long Weekend Australian niuspepa.



tok pati bilong em i wokim histri long winim tupela tem long holim gavman insait long 100 krismas. Mista Blair i bin winim sia long 1997 long liklik mak wantaim resis namel long em na oposisen Konsevetiv pati. Dispela i bin pin-

isim sans bilong ol Tory Konsevetiv husat i bin holim sia insait long 18 krismas.

Leba i lukluk long holim 167 sia long dispela palamen

Ol ripot i tok planti manmeri husat i bin sapos long vot i no bin bisi na ol i no vot.

Na dispela i soim olsem mak bilong pablik long stap insait long wok bilong makim ol lida i pundaun i go daun long 12 pesen.

Long Ingran, i nogat lo long fosim pablik long vot na maski ol politikel pati i bin hatwok long toksave long ol long

kempein long vot, ol i no bin bisi.

Ol ripot i tok long 44 milien pipri long Ingran husat i rijista long vot, 44 milien tasol i bin vot na narapela bikpela mak i nogat.

Oposisen Konsevetiv pati lida Mista Hague taim em i risain i bin tok pati bilong em i mas kamapim ol senis sapos em i laik win long narapela ileksen.

Bikpela samting we Leba pati bilong Praim Minista Blair i bin strongim long kempein bilong en em long pablik sevis olsem helt na edukesen. Wok mani

bilong Ingran i bin go gut aninit long lidasip bilong Leba gavman bilong Mista Blair.

Wanpela bikpela salens long gavman bilong Mista Blair em long Ingran i joinim ol arapela Yuropien Yunien kantri na yusim wanpela karensi o mani tasol. Dispela em long Yuro. Sapos em i joinim ol arapela brata/susa kantri bilong em long Yurop, em bai mas lusim mani bilong em paunds na silinbgs na dispela em wanpela bikpela salens bilong Blair gavman.

Roteri joinim wok long kontrolim wol populesen

Roteri Intenesenel i joinim Yunaitet Nesens Populesen Fan long traim kontrolim populesen bilong wol na ol hevi i karamapim dispela eria.

Ol ripot i tok long ol yia i go pinis, dispela eria em i tambu long toktok long en taol nau ol i lukim olsem em i bikpela salens na olsem ol i laik wok wantaim UN long ol projek we i sut long eria bilong kontrolim na lukautim ol hevi bilong wol populesen.

Roteri Intenesenel i gat 1.2 milien memba insait long 164 kantri na 35 jioorefikel eria. Roteri i tok em bai wok wantaim UN Populesen Fan long ol projek bilong promotim sait bilong helt edukesen i go long ol famili, kari-

maut ol HIV/AIDS aweanes na rot bilong stapim pasin bilong sot long kaikai.

Long planti yia, ol kain grup olsem Roteri na ol arapela moa i no save toktok planti long ol hevi long populesen hevi bikos ol i save egensim famili plening, skul long toktok long ol samting i sut long man na meri na abosen o pasin bilong rausim bel.

Tasol taim Roteri i karimaut dispela wok bung wantaim UN long populesen kontrol, em bai sanap strong yet long lukautim polisi bilong luksave long ol wan wan kastom bilong ol kalsereel grup, wan wan rilijes grup na ol kastom bilong ol wan wan pipel long wol.

Kot sasim tupela Katolik Sister long kalabus

FOAPELA pipel long Rwanda we i gat long en tupela Katolik Sister i kisim sas long stap insait na helpim long pasin bilong kilim dai planti tausen Hutu wanpisin lain insait long hevi long Rwanda long 1993.

Kot bilong dispela samting i bin kamap ausait long Rwanda, long kantri Belgium long Yurop. Na kot i bin kamap insait long tripela krismas i kam inap nau.

Bihainim dai bilong planti tausen Tutsi lain samting olsem 25,000 meri Rwanda i nogat

man na ol famili i nogat papa bihainim dai bilong planti ol man ya.

Ol ripot i tok tupela Katolik Sister na narapela tupela man ya bin helpim ol ami long kilim moa long wan milien Tutsi na sampela Hutu long tripela mun taim hevi i bin stap long Rwanda long 1993.

Tupela Sister we wanpela i bin foma Mada Supiria i bin lukautim Suvo Konven klostu long Butare.

Ol ripot i tok tupela i bin givim ol petrol ken i go long ol ami husat i bin pairim ol bilding we ol refuji i bin stap long

en, kilim dai planti pipel tru.

Ol i tok dai bilong milien Hutu wanpisin em i holim rekot nau olsem bikpela na nogut tru long kilim wanpela pipel grup long 20 senseri, bihainim tasol dai bilong planti milien Jew long han bilong ol Gemen Nazi na ol lain Armenia wanpisin long han bilong ol Ottoman Teks long 1913.

.Ami bilong Rwanda i tok ol i kilim 150 Hutu paitman long Fraide taim ol i laik go insait long Rwanda bihainim rot long Demokretik Ripablik bilong Kongo.




Lusim wok tasol amamas long sotpela taim


Sampela woklain bilong One-Tel i selebret long haitim sori bilong ol long Sidni bihain long ol i lusim ol wok bilong ol. Piksa i kam long Weekend Australian niuspepa.

Moa long 1,600 woklain bilong telipon kampani One-Tel, planti ol yangpela manmeri i bin kisim pas long lusim wok bikos kampabi i stap long mani hevi bihain ol boslain bilong ol i no lukautim gut mani na ol i peim ol yet bikpela milien bonus mani mak. Ol i no stretim yet pinis pe bilong ol woklain yet.

Wok painimaut kamap long kilim Nepal Royel famili



• Paras wanpela poroman blong Dipendra, daunbilo, namba wan pikinini bilong king husat ol i bilipim olsem em i kilim royel famili.



• Nupela King bilong Nepal Gyanendra bihain long em i kisim sia. Piksa: Weekend Australian niuspepa.

Gelpren bilong Dipendra em Devyana husat i kam long Lowa kas Devyani Rana em naispela meri i gat bikipela save long wanem em i skul long wanpela top skul long India i gat 27 krismas na em gelpren bilong Kraun prins Dipendra. Tasol Kwin Ashwary mama bilong Dipendra i no laikim bai pikinini bilong em i maritim em bikos Devyana i kam long lowa kas. Long Nepal na India, ol pipel i stap insait long kas sistem na i gat tripela. Em long Haia ka sklas we ol royel famili i stap long en. Namba tu em ol Midel Klas na daunbilo em long lista em Lowa kas. Tripela kas level bai i no inap long marit long ol narapela tasol long ol yet. Lowa kas em ol sevan na ol puo lain tru i stap long en na dispela em kas we Devyana i stap tu long en. Taim ol lain long Nepal i lukluk long ol as watpo na Dipendra i kilim dai royel famili, wanpela as em i belhat long Kwin na famili i no wanbel long prensip bilong em long Devyana.

Wok painimaut nau i stat long kilim dai bilong Royel famili bilong Nepal long Jun 1. Long dispela birua, King bilong Nepal King Birendra, Kwin Aiswarya na eitpela arapela memba bilong Royel famili bilong Nepal i bin dai. Tok i sut long Kraun Prins Dipendra husat i bin pasim toktok wantaim sampela lain na sutim King na lain famili bilong em. na bihain em i sutim em yet. Kantri i kirap nogut na sori tru long dispela birua. Rajiv Shahi husat i maritim namba wan pikinini bilong King i tok Kraun Prins i bin spak krangki taim em i wokim dispela birua. Na planti lain, wantaim tu ol wokman long pales bilong King i no bilipim stret samting i kamap na askim ol yet na sapos man husat i spak krangi na i no inap sanap gut i sutim planti lain. Ol i ting man ya i mas kisim helpim long sampela lain long wokim dispela. Na ol i sori tru long gutpela king bilong ol i dai nau.

CIA bos toktok wantaim ol Midel is lain long stretim hevi

Midel is: Bos bilong Kriminel investigesen Ejensi (CIA) long Amerika George Tenet bai go long Midel is long traim toktok wantaim ol Israel na Palestain lida na painim rot long stapim hevi namel long tupela grup. Nau yet, pait namel long tupela pipel grup i go eht. Mista Tenet i bin lusim Amerika long las Trinde na go pastaim long Ijip we i bin bung wantaim Presiden Hosni Mubarak na bihain go long Jordan long toktok wantaim ol bikman long hap na tu, man i makim US long Midel is rijen em William Burns. Ol atoriti long Amerika i no givim aut planti toktok long wanem samting Mista Tenet i diskasim wantaim ol lida bilong Midel is tasol ol i tok as tingting bilong raun bilong bikman ya em long totok long strongim sispai we tupela Israel na Palestain i bin kamapim long en. Bihain long Mista Tenet i pinis toktok wantaim ol lida bilong ol arapela kantri long rijen, em bai bungim tupela lida bilong Israel na

Palestain. Wanpela sinia opisel bilong Israel i tok raun bilong Mista Tenet long rijen i bikipela samting bikos bihainim ol toktok wantaim ol lida, tingting na ol samting we ol i diskasim bai gaidim disisen bilong Amerika long sekyuriti sait na sispai. Mista Tenet i bin kamap long rijen taim pait long graun namel long Israel na Palestain i wok long go strong moa yet. Na Praim Minista Arile Sharon bilong Israel i sutim tok long Palestain lida Yasser Arafat osem mudera o man bilong kilim dai narapela na tu giaman man. Mista Sharon i wok long sutim tok long ol lain i kam aninit long Mista Arafat long strongim ol anti Israel pait insait long las eitpela mun taim hevi namel long tupela grup i bin go bikipela na we 600 pipel long tupela sait i dai pinis long en. Tasol Foren Minista Shimon Perez na strongpela man long koalisen gavman bilong Presiden Sharon i tok i moabeta

long ol lida i was gut long ol tok tok ol i mekim na tromoim long wanpela arapela bikos bikipela samting em ol i laik daunim pait kilim dai man na ol hevi. Mist Perez i tok tupela Israe na Palestain i no inap long tanir baksait long ol samting i kamap long graun, stat yet long las wiken taim Mist Arafat i singaut long sispais. Dispela i bihainim 21 pipel i dai taim sampela lain bilong Palestain i tromoim bor long wanpela naitklub long Te Aviv. Israel nau i tok em i no strik long ol rotblok we ol i bin putim long las mun yet long Wesbeng na Gaza Strip na tu karim o kaikai na ol marasin i go long eria we ol i kros pait long en. Bihainim tu dispela, ol Palestain lain i ken muv nau i go long Jordan na Ijip. Tasol ol Palestain lain i komplem olsem nogat bikipela senis i kamap na Amerika i komplem olsem ol i no larim i go aut ol Palestain iain husat i holim US sitisen.

Australia helpim Solomons ileksen

Honiara, Solomon Ailan: Australia i givim A\$375,000 (K\$250,000) long Solomon Ailan long helpim kantri karimaut jenerel ileksen bilong em long Desemba. Em bai helpim tu ol ileksen opisa wantaim teknikel helpim bilong kredim na karimaut ileksen. Foren Minista Alexander Downer i tok Australia bai helpim Solomon Ailan long helpim ol pipel na kantri i holim gutpela ileksen long dispela yia, bihainim politikel hevi we kantri i bin bungim stat yet long las yia. Mista Downer i tok em bin toktok long dispela samting wantaim Deputi Praim Minista bilong Solomon Ailan Allan Kemakeza taim em bin bung wantaim em long Kenbera. Em bin tok tu olsem em i amamas long glasim na skelim gen Taunsvil Agrimen we ol bin kamapim long las yia na i bin as long daunim dispela hevi long Solomon Ailan.

Bikipela sigaret kampani i peim K12 bilien kompensesen

Los Anjeles, Amerika: Kensa pesen i winim K12 bilien awod egens tobako kampani. Kot long Amerika i bin odaim biknem tobako kampani, Philip Morris, long peim US\$3.8 bilien (K12 bilien) long Richard Boeken husat i gat 56 krismas husat i sutim tok long kampani ya i kamapim ol bagarap na sik long en. Dispela keis i kamapim nem olsem namba wan bikipela keis long wol we wanpela man i kisim egens long tobako bisnis. Juri i bin sindaun long nainpela de long lukluk, glasim na, skelim dispela kotkes na givim disisen bilong ol long en. Ol i givim awod long ol bagarap we Mista Boeken i bungim long ikonmik na non ikonmik sait na mak i kamap long US\$5 bilien (K18 bilien) Long planti krismas, Mista Boeken i save smokim Malboro "ret" na em i laikim bai kampani i peim US\$12.37 milien (K41 milien) olsem kompensesen peimen long ol bagarap na namel long US\$100 milien na US\$10 bilien long ol narapela bagarap. Mista Boeken i tok long moa long 40 krismas, Philip Morris

kamapni i bin giamanim pablik long ol bagarap we smok inap kamapim. Taim klal bilong kot i ritim aut awod em i winim, em bin amamas lap. "Dispela em hap rot tasol long mekim tobako kampani i pe long kilim dai moa long 20 milien pipel long Amerika insait long las 50 krismas," loya bilong Mista Boeken i bin tok. "Sapos i gat wanpela tobako kampani long Amerika we i mas kisim panismen na i gutpela piksa long dispela, Philip Morris em dispela," Mista Michael Piuze em loya bilong Boeken i tok., Na em i kolim tobako kampani long wanpela outlo grup. Ol loya bilong tobako kampani i tok strong olsem ol bai apil long daunim mani mak bilong awod. "Kamapni loya Michael York i tok wol bai kwestenim na lukluk, glasim na skelim kain disisen we kot long Amerika i wokim long en. "Mipela i bilip olsem lo long Kalifonia i no inap long sapot wanepela keis tasol olsem na kot i mas tanim bek na skelim gut disisen.

Mist York i tok em ba askim Jas long skelim gut ol samting na daunim dispela antap awod mak tumas. Ol helt atoriti na ol grup i save egensim smoking i amamas na sapotim dispela disisen. "Maski wanem kain tingting kensa i as long smokim sigaret na ol sik long lang na lewa," wanpela lang speselis dokta long kalifonia medikol Asosiesen i tok. Evidens i bin strongim bilip bilong juri olsem bihevia o pasin we kampani i mekim long las 40 krismas i no gutpela long helpim man i lukautim helt na sosel sait bilong man. Long tupela kot, Mista Boeken i bin autim olsem taim em i gat 13 krismas long 1957, em bin stat long smok tupela peket long wanpela de. Em bin tok em bin harim toktok bilong kampani taim em i tokim pablik olsem i nogat dairek birua namel long smok na lang kensa. Long Oktoba 1999 Mista Boeken i bin sekap long tasol sik na ol i bin paiman olsem em i gat kensa bilong lang. Long Desemba las yia sik i go long ol arapela hap bodi olsem bun long baksait na kru bilong em. Loya bilong Philip Morris kampani long pasim toktok i bin tok kampani i no bin fosim Mista Boeken long smok. Em i tok Mista Boeken i no bin smok bikos kampani i tokim em tasol em i smok long laik bilong emyet. Taim em i tok sori long sik we Mista Boeken i kisim em i tok tru yumi save olsem sik bai kamap sapos yumi smokim tobako na sigaret.



• Bikipela samting! Mama i ritim stori long slipim liklik boi bilong em. Piksa i kam long Weekend Australian niuspepa

Ritim stori long ol pikinini bipo ol slip i bikipela samting yet tasol nau TV na ol kompyuta gem i kisim ples

STORI long ol pikinini em gutpela rot moa yet winim televisen na pilaim ol kain kompyuta na gemboi. Longpela taim i go pinis o yumi ken tok sampela yia i go pinis, ol papamama i save tokim stori long putim ol pikinini i go long slip tasol bihain televisen, Paly Station na ol kompyuta gem i kamap. Ol i lusim ol stori buk na nau ol papamama i kisim hevi. Bikos TV na ol kompyuta gem i kisim ples bilong ol stori buk, dispela gutpela taim namel long ol pikinini na papamama i lus. Wanpela kempein we i poinimaut olsem i gutpela long ol pikinini na papamama long gat dispela gutpela toktok na stap klostu namel long ol i wok long kamap long Victoria helt dipatmen. Wanpela saikolojis i tok long ol papamama i rit long ol pikinini bipo long ol i slip i bikipela samting.

LAI PSTAIL

...Man America kisim sut bilong dai

Kot i tok long kilim trabel man

MASTA WAI i raitim

LO bilong kilim man i dai i kamap pinis long Papua Niugini tasol i no bin wok yet. Tasol long ol arapela kantri, dispela lo bilong kilim ol man i mekim bikpela trabel tru i stap na i wok.

Long las wiken wanpela televisen progrem i soim Amerika gavman i laik givim sut long wanpela man na kilim em i dai bikos man ya i bin putim bom long wanpela bikpela tawa long Oklahoma siti na kilim samting olsem 160 manmeri na ol liklik pikinini. Na planti arapela manmeri tu i bin kisim bikpela bagarap tru long dispela.

Dispela em long Amerika yet.

Long piksa, ol niusman i tokaut olsem man ya em wanpela ami long bipo na em i bin go palt long Irak insait long Galp woa. Dispela i soim olsem man ya em wanpela ami na em i save long kilim man i dai yusim ol birua samting olsem bom na ol strongpela masin gan na ol arapela samting moa.

Tasol plis i holim em na sasim em long kilim dai ol dispela manmeri pikinini na kamapim bikpela bagarap long bodi bilong planti manmeri long dispela taim.

Kot i mekim disisen olsem bai ol i mekim em slip long wanpela sia na ol bai givim sut long em, na marasin insait long dispela sut bai go insait long blut bilong em na stapim lewa bilong em long wok na em bai ino inap pulim win moa na em bai dai isi tasol. Dai bilong man ya i nogat pen o wanpela bagarap long bodi bilong em. Dispela em wanpela isi dai tasol.

Dispela i soim olsem i gat lo bilong kilim man i dai i stap na i wok. Dispela lo i bilong kilim dai husat i kilim narapela manmeri o mekim wanpela bikpela trabel na bagarap tru long laip bilong ol arapela manmeri. Olsem na long bikpela kantri olsem Amerika, lo bilong kilim man i dai i stap na i wok olsem dispela stori long antap i tokaut long en.

Long arapela kantri i gat strongpela lo bilong kilim dai ol manmeri husat i kilim arapela i dai. Sampela i gat lo bilong kilim man i dai sapos ol i stap insait long ol trabel olsem spak brus o drag. Ol i save kilim o hangamapim nek bilong ol lain i karim dispela kain spak brus o drag i go insait long kantri bilong ol. Tasol dispela i wankain tasol olsem lo bilong kilim man i dai. Bikos wanem kain rot o s... o gavman i mekim long



kilim trabel man i dai, wanpela samting em laip bilong olgeta dispela trabel lain bai i lus. Olgeta bai i dai.

Long PNG, dispela lo bilong kilim man i dai i kamap pinis tasol kot bilong yumi i no salim wanpela man i go long dai yet. Kot i bin mekim disisen long kilim wanpela man bilong Oro provins longn 1994 tasol em i apil na winim kot. Olsem na em i kisim sas na stap tasol long haus kalabus. Sampela man long Wes Nu Briten provins tu i kisim sas we ol bai dai long han bilong lo. Tasol kot i tanim na salim ol i go kisim taim long haus kalabus i stap tude. Dispela em ol i kolim kapitel panismen o rausim laip bilong trabel man husat i kilim laip bilong

narapela manmeri o holim na bagarapim meri na ol arapela bikpela trabel tru we i kamapim bikpela bagarap long laip na sindaun bilong ol manmeri.

Sapos lo i kilim dai dispela man Amerika, bai dispela i ken soim sampela kain piksa o rot bilong helpim na daunim dispela kain trabel long i no ken kamap moa long bihain taim o nogat. Bai dispela lo bilong kilim man i inap long daunim hevi bilong lo na oda tu o nogat?. I gutpela sapos dispela lo bilong kilim man i dai i ken kamapim sampela kain gutpela senis long laip na sindaun bilong ol manmeri.

Ating lo bilong kilim man i dai i kamap long pretim ol raskol na ol

man nogut long lukim na noken mekim ol bikpela trabel o raskol pasin. Nogut bai lo i rausim laip bilong ol.

Insait long yangpela kantri olsem Papua Niugini, planti bikhet pasin bilong raskol i kamap bikos ol yangpela i laikim mani bikos laip bilong taun na siti em yu mas gat mani long stap. Sapos nogat mani, yu bai hangre na painim pipia raun long rot. Ol yangpela i save givim het pen long ol papamama na gavman long ol bikhet pasin bilong ol. Tasol sapos sindaun bilong papamama i no gutpela, bai ol pikinini i no inap kisim gutpela edukesen na gutpela sindaun long bihain olsem na ol bai tanim kamap raskol na dispela pasin bai kamap olsem hevi

bilong gavman na kantri. Ol lija bai wok hat long strongim lo na oda insait long kantri na ol bai yusim takis mani bilong ol gutpela manmeri long strongim lo na oda bikos long dispela raskol pasin tasol.

Long PNG ol raskol pasin long hia i no wankain olsem long arapela bikpela kantri bikos wanem trabel ol i laik mekim i bihainim tingting ol i gat long en. Long PNG, ol yangpela i laikim mani bikos ol i nogat kaikai long haus, nogat gutpela kolos, ol i laikim redio kaset sterio na ol smatpela samting bilong werim.

Tasol long arapela kantri, ol i laik wokim biknem o ol i kamap bikhet na trabel man bikos papamama bilong em i no sindaun gut na ol i save soim pikinini long ol kain kain samting o pasin nogut we i mekim pikinini i kamap trabel man long bihain. Sampela em ol i save stap long grup we i save egensim sampela lo o polisi bilong gavman we i no stret o i bagarapim laipstail na sindaun bilong ol.

Long PNG bikpela mekimsave ol raskol na ol trabel lain i save kisim long em long 25 yia long haus kalabus. Planti bikpela trabel lain i save kalabus mak long dispela na wanwan tasol i go stap kalabus laip yia. Sampela i stap laip yia tasol taim ol i lapun nogut tru, gavman i save rausim ol i kam aut bikos ol i no gat strong moa long kamap bikhet man o trabel lain gen.

Wanpela taim bai kantri bilong yumi PNG bai kamap bikpela kantri olsem Australia na Amerika we tingting na pasin bilong ol manmeri bai wankain long ol manmeri long ol dispela kantri. Na kain bikpela trabel na bagarap bai ol yangpela i mekim long bagarapim sindaun bilong ol arapela. Olsem na dispela lo bilong kilim ol trabel lain i dai i mas kisim planti toktok na stadi long lukim sapos em i gutpela long strongim na mekim em i wok hia long PNG o yumi lusim na rausim dispela lo olgeta. Ating sampela pasin na piksa we i kamap long ol arapela kantri i kamap pinis na yumi ken lukim na kisim sampela save long en. Na dispela inap helpim yumi long tingting na toktok na ol lain bilong yumi husat i save mekim polisi olsem Palamen i ken kamap wantaim ol gutpela na strongpela lo bilong lukautim gut laip na sindaun bilong ol manmeri bilong dispela kantri egensim trabel na birua bilong lo na oda.

Yu inap kisim bagarap sapos yu salim graun

PEKU PILIMBO i raitim

PAWA bilong yumi manmeri i stap long graun bilong yumi. Sapos yumi salim graun o nogat graun, yu no wanpela man tru. Nau yet i gat wanpela lo kampani i redim wanpela lo bai olgeta manmeri ken salim graun bilong ol. Sapos dispela lo i kamap, wanem kain gutpela samting na hevi ol pipel inap painim. Wol Beng wantaim Intenesenel Moneteri Fan (IMF) i laik kamapim dispela lo na traim grisim ol manmeri long rejista long graun. Sapos ol manmeri mekim olsem bai isi long ol i salim long ol bikpela bisnis long liklik mani na bihain ol bai painim hat taim tru.

Dispela stori i laik lukluk long gutpela na nogut bilong yu salim graun olsem gavman, Wol Beng na IMF i laikim.

I no olgeta manmeri i wok mani long kantri bilong yumi. Planti bilong yumi i stap long ples na painim kaikai na arapela samting long graun bilong yumi yet. Sapos yu go long wanpela taun o siti insait long kantri, yu bai lukim olsem prais bilong graun em i bikpela tru. Sapos yu gat wanpela haus na graun wantaim bai yu inap salim long moa mani.

Holim graun, em fri samting

Sapos yu stap nau long ples, amaspela famili momba yu gat? Yupela i gat amas haus i sanap long graun bilong yu yet? Yu gat amas manmeri husat inap kisim kaikai long graun bilong yu yet? Yu gat amas manmeri husat i wok long kisim fri wara i kam long graun bilong yu yet? Yu katim amas diwai long graun bilong yu yet long sanapim-haus na kukim kaikai bilong famili? Yu sanapim amas haus toilet na tromol pipia nabaut long laik bilong yu yet. Olgeta ol dispela samting i no kos sampela mani bikos yu sanap long graun bilong yu yet na mekim wanem samting yu laik.

Olsem wanem sapos yu nogat graun? Yu no inap planim wanpela kopra, kokoa, kopi, buai, ti, vanilla na wanem narapela kes krop we inap kisim mani i kam insait long famili. Nogat man i sasim yu sampela kain fi long dispela hap graun yu yusim.

Sapos yu askim ol manmeri long taun, ol bai tokim yu amas ol i save peim long baim kaikai, amas ol i save yusim long baim ol samting olsem haus ren, wara bil, rabis pemen, graun pemen na planti arapela kain pemen bilong slip long taun na yusim pawa na wara.

Ol manmeri i long taun i no stap fri olsem yu. Ol i wok olgeta minit na awa. Ol i no stap nating na wanem mani ol i kisim i save go long peim ol dispela samting ol famili i yusim. Ating dispela em wanpela famili tasol planti mani inap long mak bilong tausen i save pinis wanwan mun.

Ating wanpela famili long taun i mekim olsem tasol sapos yu lukluk long ples, amas manmeri long bikpela famili bilong yu i kisim ol samting fri long graun bilong ol yet. Sapos bikpela famili bilong yu i stap long taun na baim olgeta samting, ating wanwan de inap sampela tausen o milien kina inap lus long traim baim olgeta samting.

Yumi laki tru

Pipel bilong Papua Niugini i laki tru long gat graun we



yumi yet i papa long ol. Yu bon antap long graun na bai yumi dai wantaim graun. I no olsem sampela man husat raun nating na nogat wanpela samting long dispela graun. Yumi amamas olsem yumi gat graun we olgeta samting i stap. Ol tumbuna bilong yumi bin stap orait tasol na yusim ol samting i kam long graun bilong ol. Ating yumi inap stap olsem tasol sapos yumi no wari tumas long mani bilong wait man.

Nau yet wanpela ripot i tok dispela tingting bilong rejistarim graun na salim graun long mekim wanpela o tupela man i kamap papa graun. Dispela ol lain bai mekim wanem samting ol i laik. Ol i ken salim graun na kisim mani long bisnis man na gavman o ol i les em bai stap long han bilong wanwan. Dispela lo bai stap long sait bilong ol na yu husat man bai stapim? Ol bai mekim wanem samting ol i laik wantaim graun. Sapos yu nogat graun bai yu wok boi nating olsem ol manmeri bilong narapela kantri i save mekim. Yu no inap kisim wanpela fri samting.

Ol hevi sapos yu nogat graun

Sapos yu nogat graun, yu nogat wok na yu gat bikpela famili, yu ting bai yu kisim kaikai we na givim? Yu bai stap long wanem haus? Yu bai stap long wanem hap tru taim yu nogat graun bilong yu?

Sapos yu go long narapela kantri long ovasis, bai yu lukim planti yangpela meri, liklik meri tumas, mak bilong 10,11, o 12 krismas i go mekim pamuk pasin long kisim mani. Papamama bai kisim we? Ol i nogat rot olsem na planti tausen pikinini na yangpela manmeri i mekim dispela kain pasin long kisim liklik mani o kaikai samting bilong lukautim famili bilong ol. Papamama i painim hat long tok nogat bikos ol bai kisim we? Planti pikinini i wok leba nating na i no kisim skul o stap gut long wanpela haus. Ol i stap na slip olsem pik dok long rot bikos papamama bilong ol i nogat graun. Ol manmeri long ol dispela

kantri i painim hat tru. Ol bisnis husat kisim ol manmeri long wok i save peim ol liklik pe tru. Planti inap lusim sapos ol i gat graun olsem yumi tasol long ol dispela lain manmeri husat i nogat graun, ol bai go we? Nogat ples nau, planti i save taitim bin na wok long liklik mani inap ol i dai.

Long Saut Amerika i gat ol planti lus pikinini i stap. Dispela ol pikinini i nogat papa mama na ol i save slip nabaut long olpela haus i arere long rot nabaut. Papamam i painim hat long lukautim ol olsem na ol i save stap painim pipia raun.

Ol dokta i save kilim ol dispela kain pikinini na salim bodi pat bilong ol i go long ol ris manmeri husat i gat bagarap long sampela bodi bilong ol. Ol dokata i kilim ol yangpela na bagarapim ol, katim pat olsem lewa, het kru, lek na han o wanem narapela bodi pat, putim insait long ais bokis na i go salim long ol mani man bilong kantri olsem Yurop, Amerika, Itali na wanem narapela hap.

Dispela kain pasin inap kamap long tumbuna pikinini bilong yu sapos yumi rejista na salim graun bikos ol bai nogat graun.

Gutpela sait bilong rejista na salim graun

Yu wanpela inap holim pepa i tok taitel bilong graun em bilong yu. Yu inap mekim wanem samting yu laik mekim. Nogat man bai stapim yu. Yu ken kisim ol ausait man o meri i kam na tu kamapim bisnis antap long dispela graun.

Ating planti bisnis bai kamap na olgeta manmeri bai gat wok. Long dispela wokmani, ol manmeri i ken gat gutpela haus na stap. Wok developmen insait long ol komyuniti bai kamap taim ol wok bisnis i kamap. Ol bikpela rot, bris, skul, haus sik, gutpela haus na wanem narapela samting mani inap karim i kam bai stap sapos yumi rejista na salim graun bilong yumi. Ating bai gutpela sapos yumi no tok nogat bikos bai yumi lukim planti senis.

Sapos yu rejista na holim taitol bilong graun, ating em bai isi tasol long yu go long beng na askim

long lon o dinau na traim kamapim bisnis.

Yu ken kisim mani dinau we yumi painim hat long kisim tude.

Lukluk bilong ol manmeri long graun

Planti manmeri i save dai long graun. Kainkain kros pait i save kamap we i save lukim bagarap i kamap long haus, bisnis, gaden, rot i blok, ol manmeri i no save go ausait long ples bilong ol na tu gavman sevis i no go long eria bilong ol.

Olgeta hap bilong kantri, i gat sampela man i dai long hevi bilong graun. Long sanguma na posin na tu long pait na kilim nating. Ol dispela hevi i save kamap bikos ol manmeri i gat kros long sait bilong graun.

Olgeta manmeri long kantri i gat sampela hap graun we ol i ken o save kolim "em graun bilong mi o dispela graun em tumbuna i givim mi long en."

Sampela bai tok dispela as tanget o diwai em tumbuna i planim na em i makim boda long graun bilong mi wantaim graun bilong ol narapeal haus lain. Ol bai stori long wanem samting graun i min long ol.

I no long taim i go na gavman i bin tok long yumi pipel i mas rijistarim graun bilong yumi. Dispela bai isi long ol manmeri i ken salim na holim graun sapos ol i laikim.

Dispela tingting bilong gavman i bihainim tingting bilong waitman.

Ol waitman i save tok graun em i olsem wanpela samting we yu ken baim na salim. Graun em i no wanpeal stua kaikai o maket samting we yu inap salim. Dispela em tingting bilong planti manmeri long Papua Niugini. Olgeta manmeri long haus lain i papa long graun na bilong salim bai yumi painim hat stret. Graun em laip lain bilong yumi. Graun em pawa bilong planti manmeri. Sapos yu nogat graun, em i wankain olsem yu nogat namba.

Tingting bilong Wol beng na IMF

Wol Beng na IMF i gat bikpela dinau wantaim

gavman bilong PNG. Nau dispela tupela bikpela ogenaiesen i wok long mekim wok na kamapim tingting bilong traim kisim win mani wantaim dinau mani stret. Olsem na ol i laik bai yumi manmeri i salim graun long ol bikpela bisnis na ol i ken kam insait na kamapim bisnis. Dispela mani i kam long salim graun na wok bisnis bai traim kamapim mani na IMF na Wol Beng i ken kisim dispela mani dinau bilong ol.

Nau yet Wol Beng na IMF salim ol save man bilong ol i kam long kantri. Ol i kamapim tingting namel long ol yangpela manmeri olsem developmen em i gutpela. Yumi ken salim graun na stap olsem ol wokmanmeri long taun na lusim tingting long pasin tumbuna na wanem hap yumi kam long en.

Wol Beng i tok em i kamapim sampeal bikpeal projek inait long kantri. Ol i kisim ol save man bilong narapela hap bilong kam mekim dispela wok. Ol i karim mani i go bek na yumi kisim sampela liklik pipia tasol nau yumi bai bekim dispela dinau. Na ol yet i kam kamap Stratural Edjasmen Program (SAP). Dispela samting em ol wanem rot gavman bilong kantri wantaim dinau em mas bihainim long bekim dinau bilong Wol Beng na IMF. Ol i save salim ol man bilong ol yet kam na helpim gavman longkamapim ol rot bilongkisim mani.

Long dispela taim em, ol i tokim gavman long grisim ol manmeri long ol i ken salim graun bilong ol, hapim takis na noken hapim pe bilong ol wokmanmeri. Dispela samting i mekim na planti manmeri i kisim taim nau. Sampela yia i go pinis, gavman i bin kamap klia wantaim dispela tingting bilong salim graun tasol planti manmeri tru i no wanbel long dispeal tingting na gavman i lusim. Tasol nau wanpela lo kamapni i tok aut olsem ol i wok long stretim wanpela lo i stap bilong helpim ol manmeri rehista logngraunbilong ol.

Wanem samting bai kamap

Sapos yu salim graun aninit long dispela lo, ol arapela man bai baim graun bilong yu, wokim bisnis antap na kisim yu olsem wanpeal wok boi nating. Yu bai nogat rait long kisim wanem amting long graun bilong yu yet fri bikos em wanpela man bai na i papa long en. Yu bai painim hat taim tru.

Planti hap long Afrika na Asia, ol manmeri husat nogat graun i kisim taim stret. Dispela ol kantri i bin gat dinau long Wol Beng nad IMF. Ol i wankain kantri olsem yumi. Planti bilong ol manmeri i nau slip hangre long nait. Pikinini bilong ol i nogat kaikai na skul. Ol i kisim liklik pe long wanem wok leba bilong ol.

Ating PNG wok manmeri kisim pe stret long hatwok bilong ol, yumi no inap sot long mani samting tasol yumi mekim bikpela wok na pe i liklik tumas. Gavman i bihainim tingting bilong ausait man long daunim ol pipel bilong em yet.

Yumi olgeta i gat tingting God i givim. Sapos yumi skelim gut olgeta samting i kamap pinis na sampela stori mi raitim antap, ating bai yu gat gutpela ting long mekim wanem logn hap graun bilong yu. Yu yet nau, wanem samting yu laikim em bai kamap olsem yu laikim.

Ol meri save kamapim planti sevis na divelopmen

JAMES NAI KIM i raitim

INSAIT long Papua Niugini i mas gat luksave nau long ol kainkain wok ol meri save mekim insait long wanwan komyuniti na haus. Sampela i save mekim ol kain liklik bisnis long wokim klos na salim. Ol sampela i save wokim gaden, huk long kisim pis na salim. Na ol narapela i save wokim ban, aisblok na arapela samting bilong salim.

I gat tu ol planti kain bikpela wok ol man i save wokim, em ol meri tu save wokim nau na sampela taim ol meri i save winim taim tru long wok abrusim mak bilong ol man. Planti taim ol meri i save wokim wok ausait long hom bilong ol na taim ol i pinis ol i save go bek long haus na wokim ol wok i stap long haus. Dispela i mekim mak bilong wok bilong ol meri i winim ol man long wok. na tu ol meri i save amamas long wok bung insait long ol komyuniti bilong ol yet olsem long sait bilong ol kain wok projek long ples we i save kamap.

Planti meri i save kamapim wanpela grup bilong ol yet long wok insait long wanwan pels ol i stap long em. Dispela i mekim ol meri i gat sans long kamapim planti gutpela senis long sindaun na laip bilong komyuniti long ol kain gutpela wok ol i save kamapim bilong helpim sindaun bilong ol yet na tu ol narapela wantaim.

Planti kaikai, klos, abus na ol bihain na basket em ol meri i save mekim o kisim na salim long ol maket ples. Na tu long maket em olgeta meri tasol i save sindaun na salim ol samting. Ol i bringim kamap planti kain samting bilong lukautim laip na sindaun bilong famili long ples o haus.

Tasol nau yet i no gat gutpela luksave tumas i save kam long komyuniti long ol dispela kainkain hatwok em ol meri i save kamapim insait long komyuniti na ples. Yumi ol pipel insait long komyuniti i save lusim tingting tumas long ol dispela ki wok ol meri i save mekim bilong lukautim laip na sindaun bilong yumi olgeta insait long komyuniti o ples yumi i stap long em.

Em taim nau ating bai yumi i mas traim long givim sampela taim long luksave na tu yumi mas givim sapot long ol meri na lukautim ol long wanem kain helpim ol i nidim long karimaut ol gutpela kain wok insait long komyuniti na ples bilong yumi wanwan.

Long planti yia inap long nau ol meri i bin strong long, bringim planti senis, divelopmen, na projek insait long sosaiti bilong yumi. Dispela i helpim tru long mekim yumi kamap long mak we nau yumi stap long em.

Maski planti emri i nogat gutpela edukesen na save long wokim ol kain wok we ol save man i save mekim, ol i save ki rapim planti gutpela samting inap long tingting na liklik save ol i gat long em.

Tru tumas ol meri tu i hap bilong dispela laip long ples graun na sapos ol i no i stap, ating bai i



no gat ol gutpela kain sevis, wok, divelopmen, bisnis and pawa to biknem nau yumi gatim. Bikos long planti ol wok helpim i save kam long sait bilong ol meri yumi kisim planti gutpela sindaun na amamas long laip bilong yumi long dispela graun.

Nau bai yumi long luksave tru olsem ol kain pasin bilong pait na agensim raits bilong ol meri em i rongpela samting yumi i save mekim. Gavman na pipel bilong Papua Niugini i mas skelim na luksave long dispela ol raits bilong ol meri na wok bung wantaim ol long kamapim moa gutpela sindaun bilong ol famili insait long komyuniti na ples.

Gutpela sindaun bilong wanwan famili na komyuniti i stap tu long han bilong ol meri olsem na yumi mas rispektim na lukautim raits bilong ol meri insait long ol komyuniti na ples we yumi i stap long em.

Laip i hat long taun

SAPE METTA i raitim

LUKLUK long laip bilong nau yet olgeta kainkain liklik samting long stua, maket na ol arapela treding ples, prais bilong ol samting i go antap tru.

Mekim olsem na planti turangu ol famili husat i save i stap na wok long ol taun i wok long kisim taim stret. Maski sapos ol i wok, pe ol i save kisim i no inap long baim ol samting ol i save laikim long en.

I tru olsem ol i ken yusim dispela potnait pe long baim ol liklik kaikai samting. Na em tasol long wanem taim ol i tingting long baim ol wanpela samting mani i save sot.

Na Cathy Pao (long poto) husat i kam long Buka long Not Solomon provins na marit long wanpela man Lufa long Isten Hailans na i stap long Goroka inap moa long 10-pela krismas i painimaut.

Cathy i tok man bilong em i wok tasol potnait pe bilong man bilong em i no inap long baim olgeta samting em ol i laikim long en.

Em i tok em i gat 5-pela yangpela pikinini na long kain taim nogut olsem, em i hat tru long lukautim dispela 5-pela yangpela pikinini.

Mekim olsem na em i kamap wantaim tingting bilong kukim ol skon na salim long helpim na sapotim man bilong em na lukautim ol pikinini bilong tupela.

Long kukim ol skon tu i no isipela wok, tasol Cathy i save kilim skin tru long kukim ol skon olgeta de long wanem sapos em i no mekim olsem, husat tru bai helpim man bilong em long lukautim famili bilong tupela.

• Cathy Pao save kukim skon na salim long kisim mani na helpim man bilong em long baim kaikai bilong haus





PRAIVETAISESEN KOMISIN

REJISTRESEN OV INTERES

INTANESENEL YUTILITIS

Gavaman bilong Papua Niugini i go het yet long pusim wok bilong salim ol wara bisnis insait long kantri. As bilong dispela praivetaisesen tingting em long kamapim moa mani long daunim ol dinau gavman i kisim, na long givim inap helpim we istap long polisi i go long ol bikipela sevis na tu long kirapim gut ekonomi na ol bisnis resis bilong kamapim moa gutpela sevis.

Praivetaisesen bilong Papua Niugini nau i lukluk i go insait long Rejistresen ov Interes long ol Intanesenel Yutiliti kampani na ol arapela grup husat i laik tu long kam insait long dispela wok bilong Praivetaisesen. Komisin tu i gat laik long harim tingting bilong ol interes grup long ol sampela bikipela eria bilong praivetaisesen, olsem na em i kamapim Rejistresen ov Interes dokumen long kisim ol bekim i kam long ol bisnis na grup husat i gat laik long baim ol dispela gavman bisnis.

Rejistre ov Interes i mas kam long Praivetaisesen Komisin opis long **Jun 20, 2001**. Komisin bai holim strong ol ripot o ol bekim toktok na tingting em i kisim long dispela singaut bilong Rejistresen ov Interes.

Moa toktok o infomesen bilong ol interes grup na wanpela pepa o kopi bilong Praivetaisesen Komisin we i singaut long Rejistresen ov Interes bai i stap insait long dispela email adres taim ol kamapani o grup i rejistaim interes bilong ol:

Png@katalystsolutions.com

Wara Hukirt i kamap olsem man



Bipo, bipo tru i bin gat wanpela wara olsem man long wara Wagi long boda bilong Kutubu na Nipa insait long Mendil, Sauten Hailans Provins.

Nem bilong dispela wara em wara Hukirt. Dispela raun wara i bin stap antap long wanpela liklik maunten arere long wara Wagi bris.

Oi bipo tumbuna bilong mi long ples Kopa, Wolum, Sopra, Parda, Enjte, Pintip, Horpa, Marisda, Nenjoa na Hinja.

Oi bikman bilong ol dispela ples i bin bung long ples ofa na ol i bin kilim wanpela traipela pik na taim pik kuk pinis ol i katim arere sait bilong pik na ol yet i kaikai long nait taim ol meri pikinini bilong ol i silip pinis.

Insait long pik ya lewa bilong pik stret ol bikman na papa graun bilong dispela ples Hukirit stret i laitim bombom na drai pitpit nambaut pasim i go longpela tru na laitim i go.

Papagraun em Par na Kembo. Par i save

tupela bai i go pas na ol narapela bai kam bihain tupela i go kamap klostu long hap bilong wara Hurirt na tupela papa graun yla em. tupela brata stret long wanpela famili.

Tupela laitim traipela pitpit na Kembo i go pas na save i go bihain long Par.

Tupela tokim ol narapela man long wetim tupela arasait na tupela i karim pitpit na bambu i lait olsem kolman na karim lewa bilong pik na putim klostu stret long doa we wara i save kamaut.

Tupela brata i putim lewa bilong pik na i go bek long haus na silip.

Long moning ol kam lukim lewa bilong pik i no stap long wanem wanpela i kaikai pinis.

Taim ol laik putim lewa bilong pik klostu long doa long we bilong waraHukirt ol i save

karamapim wantaim wanpela traipela ston. Long moning ol kam apim ston na lukim lewa bilong pik i no stap.

Insait long dispela wara pik i save singaut na bilak bokis long tokples ol kolim, tumins tete, bai singaut wantaim.

Taim yu tromoi hap diwai or wanpela traipela ston nabaut insait long raun wara ya em bai kalap i go bek antap long yu olsem bal.

Dispela wara i bin kamap taim Papa God i mekim dispela graun na yumi wantaim.

Dispela wara Hukirt i bin i stap olsem 100 yia.

Sapos yu wanpela nupela manmeri o pikinini na yu go lukim dispela wara Hukirt yu mas sanap arere long wara Wagi na singaut long tokpisin na tokim wara Hukirt olsem sampela nupela lain kam longwe ples long lukim yu. Na hariap tru yu mas tokples olsem ib Hukirt ib, ib ib Hukirt ib tenaol wen halk mend oapa em ngo pen ib,ib Hukirt ib.

Taim yu singaut pinis bai yu i stap sotpela taim tasol na skai bal pairap na graun bai guria na ren na wara ya bai deti nogut tru.

I no longpela taim stret wara bai i go bek ken long hap bilong em na dispela hap wara Hukirt ron i kam long em bai drai olgeta na nogat wanpela ren i kam daun na olgeta wara samting bai drai stret.

Mipela i gat wanpela narapela bris klostu long dispela wara nem bilong dispela bris long pinis em Hukirt Bris. Tok ples em Hukirt tora.

Taim sampela manmeri o pikinini i pundaun long wara Wagi, wara Hukirt save birua wantaim wara Wagi na tokim em olsem yu bilong i go na i go olgeta. Mi em papa graun bilong bipo i bin promisim mi olsem wara Hukirt i bilong mi na bai mi i stap olsem.

Taim yu katim bus rot bilong Kutubu bai yu lukim wara Hukirt bai ron long sait .



Nem: Steven Arumbi
Krismas: 16 (man)
Adres: P.O. Box 887, Kimbe, WNBP.
Save laikim: Prensip wantaim ol meri long sampela provins na senisim poto na presen.

Nem: Steven Tae
Krismas: 19 (man)
Adres: P.O. Box 1779, Mt Hagen, WHP.
Save laikim: Go lotu, pilai gita, ritim buk na lukim TV.

Nem: Pamos Katayong
Krismas: 24 (man)
Adres: P.O. Box 2034, Lae, Morobe Province.
Save laikim: Lukim narapela ples, mekim pren, raitim pas pilai soka na basketbal.

Nem: Caspar Tongon
Krismas 18 (man)
Adres: C/ - Igam Barracks /H2, PMBS, Lae, MP.
Save laikim: Wok gaden, raitim pas, pilai soka, boksing, watchim TV, laik tok pilai wantaim olgeta manmeri na bai mi traime bekim olgeta pas i kam long mi.

Nem: Rodney F. Otoo
Krismas: 18 (man)
Adres: P.O. Box 1388, Cape Coast, Ghana.
Save laikim: Raitim pas wantaim ol penpren, swim na rit.

Nem: Malaky Kambao
Krismas: 20 (man)
Adres: Navossi Trading, P.O. Box 886, Kimbe, WNBP.
Save laikim: Pilai basketbal, harim lotu na singim gospel singsing.

Nem: Losen Bero
Krismas: 18 (man)
Adres: Navossi Trading, P.O. Box 886, Kimbe, WNBP.
Save laikim: Waswas long solwara, ritim buk na pilai basketbal.

Nem: John Takalen
Krismas: 22 (man)
Adres: Navossi Trading, P.O. Box 886, Kimbe, WNBP.
Save laikim: Pilai snuka na raun tasol.

Nem: Rex W. Indanda
Krismas: 24 (man)
Adres: C/o - NRB AAS P.O. Box 301, Goroka, EHP.
Save laikim: Go lotu, ritim balbol, harim kristen musik, mekim pren na givim ol samting i go i kam.

Nem: Akuwa Heigtey Richardson
Krismas: 24 (meri)
Adres: P.O. Box 69, G. Ankamu Dr.
Save laikim: Swim, ritim ol pas, senisim mani, lukim vidio na kukim kaikal.

Nem: Robert Kapani
Krismas: 20 (man)
Adres: C/ - NBPOL Bebere Division One, P.O. Box Kimbe, WNBP.
Save laikim: Go lotu, harim gospel musik, pilai kainkain gem, tok pilai na serim samting, wokim mari na painim rait pren.

Nem: Pira Lom
Krismas: 18 (meri)
Adres: Tambul High School, Mt Hagen, WHP.
Save laikim: Rit na raitim pas long ol pen pren.

Nem: Raymond Duatna
Krismas: 19 (man)
Adres: Navarai Plantation, Division One, P.O. Box Kimbe, WNBP.
Save laikim: Ritim pas na bekim hariap, go long lotu na raun wantaim ol manki, tok pilai na kirap long bikpela moning na go wok.

Nem: Klebie Gollen
Krismas: 18 (man)
Adres: Garu Plantation, P.O. Box 26, Kimbe, WNBP.
Save laikim: Skul, raitim leta go kam long pren na pilai spots, tok stori, pilai wantaim liklik pikinini na harim tok.

Nem: Karo Usano
Krismas: 16 (man)
Adres: Hargy Oil Palm Limited, P.O. Box 1837, Biella, WNBP.
Save laikim: Pilai soka, tas, tok pilai wantaim ol poroman na raitim pas wantaim ol narapela bratasusa long narapela provins.

Nem: Jennifer Johnson
Krismas: 16 (meri)
Adres: Gerehu Provincial High School, P.O. Box 294, Gerehu, NCD.
Save laikim: Pilai soka, basketbal, harim ol gospel musik na go lotu.

Gelpren bilong mi i save raun wantaim ol narapela boi

Dia Laiplain,
Gel pren bilong mi na mi tupela i bin pren inap 8-pela mun na bihain long dispela 8-pela mun mi tupela i tok orait long marit. Papa mama bilong em tu i amamas long dispela.

Tasol sampela pren bilong mi i tok gel pren bilong mi i save raun wantaim ol narapela boi nabaut na ol i tok mi noken maritim em.

Gel pren i tok em i bin gat tupela boi pren tasol na sapos mi tupela i no marit bai em i kilim em yet.

Em i bin raun wantaim ol narapela man olsem na mi ting em bai no inap long karim pikinini taim em i marit.

UNSUITABLE

Dia Pren,

Em i gutpela olsem yu laik mekim rait disisen bipo long yu marit. Yu gat gutpela tingting olsem na yu luk save olsem sapos yu mekim wanpela rong disisen nau bai yu painim planti bel hevi bihain.

I luk olsem yu tupela save long yu tupela yet long ol pasin bilong yu tupela long wanem yu tupela i pren longpela taim tru.

Yu tupela i bin toktok long wanem samting yu tupela i laikim na wanem samting yu tupela i laik mekim long laif tu o nogat? Sapos yu tupela i toktok yu tupela i gat wanbel long dispela o nogat.

Yu ting yu save gut tru long em na yu laik serim olgeta dei long laip bilong yu wantaim em? Yu save long sampela asua bilong em na yu laik okseptim ol dispela? Yu ting em bai kamap wanpela gutpela mama bilong ol pikinini bilong yu? Yu tupela i save laikim ol sem lain na laikim tu ol wankain samting?

Yu minim wanem taim yu tok yu tupela i gat laik long wanpela na narapela? Yu tupela save amamas long stap wantaim, toktok wantaim na mekim olgeta samting wantaim? Yu save tingting tumas long em taim yu stap longwe long em?

Laikim bilong yu long em i save rausim tingting bilong yu long ol narapela meri o nogat? Yu laikim



em long stap gut na amamas? Yu laik mekim ol samting long em na givim ol samting long em?

Dispela ol samting i save soim sapos yu tupela i tru tru gat laik long wanpela na narapela. Planti ol yangpela manmeri i tok ol i gat bikpela laik tru long pren bilong ol tasol pasin bilong silip wantaim i save mekim ol amamas nating taim ol i stap wantaim. Tasol dispela em pasin i save kamap long olgeta yangpela manmeri taim ol i stap wantaim pren bilong ol.

Pasin bilong silip wantaim i bikpela samting na insait long marit em i gutpela long manmeri mas laikim ol yet na serim olgeta samting long laip bilong ol.

Sapos yu tok promis long maritim em, bai yu noken senisim tingting long dispela. Tasol sapos wanpela bilong yu tupela i ting olsem em bai i no inap sanap long promis em i gutpela long yu tupela i lusim na noken marit. Long kastom bilong ol waitman taim bilong engesmen i taim tupela manmeri i mas save moa long tupela yet na tupela i ken senisim tingting long marit tu.

Yu bin tok papamama bilong em i amamas long yu tupela i marit? Papamama bilong yu i wanbel tu o nogat? Long PNG marit i save bungim tupela lain famili bilong man na meri wantaim na painim gutpela sindaun namel long tupela lain. Marit bilong yu bai i gat amamas taim ol lain bilong yu i givim sapot long yu.

Yu tupela i gat wan tokples? Sapos nogat yu mas save tru sapos laikim bilong yu tupela i tru tru o nogat long problem i save kamap

taim tupela manmeri i kam long narapela kain kastom na bekgraun.

Yu mas gat tingting olsem em i bin stap wantaim ol narapela boi pren pinis na nogut em i mekim sem kain pasin taim yu maritim em. Dispela samting em yu tupela yet i mas toktok na stretim. Toktok wantaim em na askim em long tingting bilong marit.

Em i tok yes long noken raun na paul wantaim ol narapela mangi taim em i maritim yu? Yu tu mas gat wankain tingting. Yu noken ting pasin bilong em mas tru long yu na yu yet i bikhet nabaut. Yu mas mekim wankain pasin olsem yu laikim em i mekim long yu.

Yu mas tingim tu. Sapos yu tupela i bihainim pasin bilong waitman long engesmen orait yu tupela i mas gat ol narapela pren tu na bihain yu tupela i ken makim wanpela tasol taim yu tupela tingting long marit.

Mipela i no min yu tupela i ken silip wantaim tasol yu tupela mas toktok long ol narapela pren bilong yu tupela na kisim save gut long ol. Nogut gel pren bilong yu i bin mekim olsem taim em i bung wantaim yu.

Sapos em i tok em bai mekim ol tru pela pasin tasol long yu bihain long marit yu mas tingim sapos yu laik trastim em. Nogat yu mas askim yu yet sapos yu laikim em tru na bai yu fogivim em taim em i no tok tru long yu.

Bilong wanem yu no bilipim toktok bilong gel pren bilong yu? Ol poroman bilong yu ol i lukim tru pasin em i bin mekim na ol tokim yu o nogat? Yu mas tingim sampela lain i save amamas tru long toktok baksait long narapela?

Sori tru sapos yu no trastim toktok bilong em na sapos trast i no stap namel long yu tupela i no gutpela long statim marit. Yu ting em i gutpela sapos yu tupela i wet pastaim na kamapim dispela trat namel long yu tupela yet pastaim?

Yu gat dispela tingting olsem gel pren bilong yu i save raun wantaim ol narapela boi na nogut em bai i no inap karim pikinini. Taim yu tok em i "raun wantaim ol narapela boi" mipela i ting yu min olsem em i silip

wantaim ol na mekim pasin marit wantaim ol long wanem sapos em raun nating tasol na i no silip wantaim ol bai em i no inap gat bel.

Yu wok long gat dispela tingting olsem sapos wanpela meri i silip wantaim man planti taim na i no gat bel bai em bai karim pikinini bihain o nogat?

Sapos em i silip wantaim ol narapela boi em i mas yusim kontraseptiv na narapela samting em ol lain husat i marit ol i save silip wantaim long wan or tupela yia pastaim na bihain meri i save kisim bel.

Yu gat tingting olsem taim meri i silip wantaim planti narapela man bai em bai i no inap gat pikinini? Ansa bilong dispela askim bilong yu em nogat. Silip wantaim ol planti man bai i no inap mekim ol no karim pikinini.

Silip wantaim planti man i ken min olsem em bai kisim Seksuali Transmitted Disis (STD) long wanpela bilong ol man husat i gat dispela sik. Sampela taim STD i no save mekim ol lain sik na nogat pikinini taim ol i kisim marasin na pinisim sik hariap tru. Ol lain i ken kisim HIV/AIDS sapos ol i no yusim kondom.

Sapos yu tupela wantaim i bin silip wantaim planti lain orait yu tupela i mas go long haus sik na kisim tes. Yu bin tokim gel pren bilong yu long ol narapela gel pren bilong yu na wanem samting yu pela i mekim o nogat?

Yu ting olsem em tru tru bai kilim em yet? Sapos yu bilipim em na yu laikim em tru bai yu mas maritim em na no inap lukim em pinisim laip bilong em yet. Tasol dispela em i sori we bilong statim marit.

Em i gutpela sapos tupela lain i laikim tupela yet na i laik marit na i no marit nating long wanem tupela i mekim promis o pret.

Yu tupela traime toktok namel long yu tupela yet na toktok long wanem samting yu tupela i laikim long marit na yu tupela yet. Yu tupela i ken go het na mekim ol plen bilong marit o i gutpela long wet na laikim bilong yu tupela i mas go bikpela na kisim gutpela tingting long yu tupela yet.

LAIPLAIN

KANAGE

"Em nau, narapela wik bilong mi ken"



Kanage i no save gut long Tok Inglis. Em i wokim gret 5 long praimer skul. Long wanpela moning long klas ol pikinini stori ong wanem samting ol i bin mekim long wiken. Kanage putim han i go antap na stat long stori nau. Em i tok, "Last week I heard some waza in my as and I went to the haus sik. Yesterday, I heard some waza in my nus and I ate marasin." Kanage min long tok Last week I had diarrhoea and I went to the hospital. Yesterday I had running nose and I drank medicine," tasol tok Inglis bilong em i paul. Tisa bilong em na ol arapela sumatin lap i go i go na ai raun na pundaun long megik sia bilong em.

**Matt D. Holeyah
Mabuanda**

Kanage i pinisim yunivesiti skul long ples. Na em painim wok. Long ples i no gat wok na em i askim ol marimeri, "Mi mas go long taun na mi wok." Em i kam long taun na kamap long balus. Taim balus pundaun long Nazab hariap tru Kanage sensim kos long Kimbe. Taim em i kam long Kimbe em i slip long Pam Hotel na ringim Mosa kampani na askim long wok. Kanage intavlu na ol tokim em olsem i gat spes. Man em amamas nogut tru na em tok, "Mi o husai?" Na ol tokim em eakondisen haus na dak glas ka. Em i wok inap 10-pela krismas.

**Bor Sinduk
Kimbe, WNB**

Wanpela taim Kanage i go lukluk long ol meri waswas long wara Bulolo i stap na em i no save olsem ples em i kamap long en. Em i no lukim olsem wara i sutm na digim aninit bilong graun na em i redi long bruk. Taim em i sanap na lukluk i stap graun ya i bruk na em pundaun i go daun long wara long ai bilong ol meri ya. Hariap tru em i tok, "Yu laik pait pait stret na yu no ken pusim man."

**Maxie Lepoa
Bulolo**

Wanpela taim em i laik brukim pait bilong tupela wantok bilong em na narapela wantok bilong em i belhat na paitim em na Kanage i pundaun long graun. Em i belhat stret long wantok bilong em na em i no wet. Em i kirap tasol na dropim wantok bilong em. Bihain ol plis i kam kisim ol i go long Plis stesin. Na plisman i askim Kanage, "Bilong wanem na yu paitim em." Kanage i tokim plis olsem, "He hit me first and I belhat and I kais him down."

**Maxie Tepoa
Bulolo**

Kanage i save wok long K92 Blek Maket. Taim Kanage traim ol yangpela meri tasol ol meri save les long em. Wanpela taim Kanage i plen pinis na em i holim han bilong em na go long Kainantu haus sik. Em i harim nes meri na nes meri i sevim Kanage pes. Nes i askim Kanage olsem wanem long han bilong yu? Kanage i tokim em, mi wanpela winga bilong Aiyura ples balus. Mi save wokim propela bilong balus na propela i katim han bilong mi. Taim nes meri i dresim sua bilong Kanage pinis. Kanage i tokim nes meri long putim han i go insait long poket na kism mani. Taim nes meri kisim mani het bilong em paul. Na em i tokim Kanage wetim em ong Lanova. Wanpela taim ol wanwok bilong meri i askim em long wok bilong Kanage. Na meri i tok man bilong em save fiksik propela bilong balus long Aiyura. Na ol wanwok bilong em tokim em stap na i

sem no gut tru na tokim Kanage. "Yu wanpela giamam man tru boi i sem nogut tru."

**Mevis Esome
Kainantu**

Paps Kanage em i wanpela PMV draiva long Kala Kai maket long taun. Wanpela taim em i draiv i kam long taun na em i lukim eks pren bilong em. Pren bilong Kanage i tokim paps Kanage, "Bipo mitupela yangpela yet em bai inap tasol nau ya lapun pinis na mi ekt olsem 16 yia." Em bai hat long yu ya. Kanage i tokim meri ya olsem yu lukim mi olsem lapun tasol yangpela olsem yu nupela na yangpela man. Olgeta manmeri i dai long lap long Kanage na Kanage kisim pilings.

**Anis Moia
Mt Hagen, WHP**

Wanpela taim long biknait Kange tokim wan marit bilong em na tupela i go was long wanpela liklik maunten. Long dispela hap i gat tupela pikinini diwai i sanap na tupela i was i stap long en. I no longtaim wanpela kapul i kalap kalap i kam long dispela diwai na em i laik kaikai. Kwiktaim tasol Kanage i kisim banara na em i gut na planim wan huk bilong em long bros bilong kapul na kapul i pilim pen na giaman dai i stap. Kanage pulim strongpela wisil bilong em na wan marit bilong em i harim na ron i kam na askim em. Kanage bekim na tok kapul ya. Wan marit bilong em i tokim em, "Mi go antap long diwai." Kanage yet i tok, "Nogat mi yet bai go antap yu stap long graun na was i stap." Wantu tasol Kanage i go antap na em i paitim kapul na kapul i pundaun long graun. Bihain long en Kanage huk i go daun na em i painim dispela rop na em i lukluk gut i go na em i lukim dispela rop em i no moa long em i wanpela snek. Man snek ya i wok long tanim tanim tang bilong em i stap. Kanage i lukim olsem na em i no wet, em i ras tasol long wanpela liklik rop i go daun taim em i stap stret long namel rop i bruk na Kanage tanim tanim i go daun. Wan marit bilong em i ting olsem em i namba tu kapul

gen na em i ras i go na putim lek antap long bros bilong Kanage. Man Kanage i rausim laspela strong bilong em na em i dai isi isi stap.

**Benjamin A. Wep
Kilipau**

Kanage i bilong las Kubex Bafalo kantri Urimo. Wanpela taim em i stori wantaim ol mangi long sais bilong rais. Wokim i go na Kanage kirap na tokim ol mangi olsem. "Harim, i gat 21kg rais." Na ol mangi tok Kanage, i no gat 21kg rais. Na Kanage strong moa yet na tok, yupela ol mangi rait nating. Aste tasol yupela bikpela, na tok i gat 21kg rais long stua ol mangi lap i go pinis na kolim em. Kanage 21kg.

**Damien rifi
Lae**

Kanage em i bilong ples Warara i stap insait stret long liklik ples Palik long bik bus. Wanpela taim em i kalap long wanpela PMV ol i kolim Ningwaguwe Ekspres na i go long Wewak taun long lukim kandre bilong em. Em i go lukim kandre man na tokim em, "Mi bai stap wantaim yu wan nait tasol. Na kandre bilong em i tokim em i orait, mitupela ken stap. So raf man i kam long ples i no go toilet na kam. Em stap long haus bilong kas bilong em i go apinun nau. Toilet kilim em. Em kirap sanap na muv i go isi long rum na em tromoi ai biong em i go stret long sink bilong wasim samting. Baka man Em i no westim taim em i go antap long sink na mekim save i go daun long sink. Kirap nogut kandre bilong em kam insait long haus na lukim em. Na em i tok "Kanage yu rong pinis. Dispela hap long wasim ol samting." Kanage bekim tok. "Kandre yu save pinis mangi long bus i traim tasol. Wara saplai bilong waitman."

**Vincent H.
Yangoru**



Gavman opis mas stap ples klia

Dia Edita,
Mipela pipel bilong Madang mipela i save i stap long wanwan ples bilong mipela long Sukul stesin na wok long kempen.

So mi save lukim olsem opis bilong mipela hia long Madang taun i kikim mipela pipel olsem soka bal i go kam namel.

Mi bin stat long painim ol opis long yia 1955-2001 nau mi i go long distrik opis na mi askim Kiap bilong graun na taipis na mi askim ol, opis bilong memba we? Na ol tokim mi, ol i no save yu traim i go sekim long antap long ANZ Benk.

Mi askim long Fores Opis na ol tokim mi yu i go long Sipmil. Na mi i go askim sekyuriti mi laik lukim memba Stail-Musa. Na sekyuriti tokim mi yet em opis bilong em hia so em i no save i stap long hia. Na mi i go long Sipmil na mi askim sekyuriti. Mi laik lukm sekereteri bilong Fores na em tokim mi, bikman wan wik nau na em i no kam long opis.

Wankain olsem, CCEA Distrik Komes Opis, Leba Opis, Investmen Opis na narapela opis bilong dipatmen bilong Gavman opis i mas bung long wanpela hap.

Opis i no ken sanap olsem soka bal mak long fil longwe na manmeri painim opis i go kam namel olsem soka bal kikim i go i kam namel.

Opis em i bilong mipela manmeri

yangpela pikinini na gutpela man, nogat man i save na man i nogat save.

Yu sindaun long dispela opis, yu makim pes bilong mipela na yu i stap bilong stretim hevi bilong mipela na inapim laik bilong mipela.

Tok piksa bilong mi i olsem wanpela man kisim samting bilong mipela olgeta manmeri i go haitim nabaut. Na man ya yet tu nogut mipela lukim em. Em tu i go hait.

Long pilings na luksave bilong mi longlong man bilong ples mi lukim olsem opis i hait i stap nabaut nabaut long ai bilong mipela manmeri bilong ples. Na husat man ya i sindaun long dispela opis em tu em i stap hait long ai bilong manmeri.

Moabeta bungim olgeta Gavman Dipatmen Opis i stap ples klia long ai bilong pablik.

**Parara Waru
Madang, MP.**

Lusim tingting long ol mani pes

Dia Edita,
Dispela 2002 Nesenel Ilekseksen i kam klostu nau na bratasusa plis opim ai na lukluk gut long man na makim.

No ken makim dispela kain ol mauswara gridi na mani pes man, maski lus tingting long em.

Mipela tok long ol olupela memba na ol nupela memba i laik sanap nau na bai lukim pes bilong

mani tasol em pinis bai lus tingting olgeta long ol pipel bilong em.

Em bai pulumapim gut tru mani long poket trausis bilong em kalap long dak glas ka em pinis bai bai tasol long ol pipel bilong em na go pinis.

**Steven, Peter, Dick
Rabaul, ENBP.**

Sapos yu laik salim ol pas bilong yu i kam long dispela nuispepa. Salim i kam long dispela adres:

THE EDITOR
WANTOK
NEWSPAPER
PO BOX 1982, BOROKO, NCD.

Lae siti i doti

Dia Edita,
Papua Niugini i no tingim namba 2 siti bai kamap gutpela long ai bilong narapela kantri na ol turis i kam lukluk long Lae siti.

Nupela rot ol wokim long Lae siti em bai spet i

bagarapim pinis bus stap long bikipela maket em bagarap olgeta long spet bual.

Yu husat i kam nupela long Lae siti bai ting ol i pentim retpela pen long rot na i stap.

Plis ol wantok na pren bilong Papua Niugini harim tok na lukautim siti bilong yumi.

Nogut sampela kantri bai lap long yumi na tok kantri bilong yumi em doti tumas.

**Sipe Khelali
Lae, MP.**

Saut Simbu i no lukim hanmak

Dia Edita,
Long dispela pas, mi laik makim maus bilong pipel bilong mi long Baniwera na Kilau eria long Saut Simbu long tok klia olsem ol toktok Fr. Louise Ambane wantaim edministresen bilong em i mekim long Paradais megesin long Oktoba, 2000 na Nesenel nuispepa long Me 15, 2001 em i no tru. Fr. Ambane i mas lusim opis bilong em na kam sekim wanem wok em i mekim hia long Nomane, Kilau na Baniwera.

Long dispela tupela nuispepa olsem mi tok pinis antap, Fr. Ambane i tok em i wokim pinis:

- Retikuleited wara saplai long Nomane Helt senta;
- Retikuleited wara saplai long Kilau Helt senta;
- Senisim pinis ol kapa bilong ol klasrum long Baniwera skul; na
- Stretim pinis rot na olgeta bris long Kundiawa-Gumine-Kilau.

Dispela ol ripot bilong Fr. Ambane wantaim edministresen bilong en i no tru na i gutpela sapos ol i riviuium ol wok bilong ol pastaim na bihain ol i ken ripotim long nuispepa.

Planti bilong mipela ol lain bilong dispela eria i bin sapotim tru Fr. Ambane long las ilekxsen bikos mipela i bilip em i Katolik pris na bai em i wokim gutpela wok.

Tasol bilip na tras bilong mipela long dispela man i lus nating. Mipela i no lukim wanpela wok Fr Ambane i wokim long ol eria bilong mipela insait long 5 yias.

Mipela i askim Fr Ambane long kam na soim mipela stret long wanem ol samting em i wokim bikos mipela yet i tok tru olsem mipela i no lukim wanpela han mak bilong dispela pater.

Mipela i tokaut tru long olgeta lain long Papua Niugini olsem:

- Kilau na Nomane Helt senta i no gat retikuleited wara saplai;
- I gat tripela klasrum long Baniwera, em mipela yet i wokim, wanpela klasrum em pes lokol gavman kaunsil bilong 1970 i fandim na mipela pipel yet i bildim;
- Na tupela narapela klasrum em mipela papamama yet i kolektim 50t long wan wan meri na K1 long wanwan man na mipela yet i baim meteriels na mipela i bildim long 1965; na
- Haus bilong ol tisa em Katolik misin i bildim.

Mipela i tok tru long Papua Niugini olsem mipela i no kisim yet wanpela helpim i kam long ol Nesenel memba bilong mipela, open na rijinel wantaim.

Long meintenens bilong rot na bris, ating i gutpela pater i mas stretim gen nek bilong em na pablisim nupela ripot.

Nau yet mipela bilong Saut Simbu olgeta i save wokabaut long Orokolai i go long Gumine stesin, Kilau, Nomane na olgeta ples baksait.

Planti taim mipela i painim hat long raunim Kundiawa-Dom Guimune rot na mipela i save go long Chuave-Elimbari rot.

Ol brata bilong mipela long Elimbari na Siane tu i save wokabaut long Chuave i go long Wangoi, Karaweri, Movi na Suagawa.

Wanem ol kain wok Fr. Ambane i wokim inait long las 5 yias orait em yet bai i eksplenim long mipela pipel taim em i kam raun long kempein long 2002 ilekxsen.

**Barth Bomai
Kundiawa, EHP.**

Kirapim agrikalsa skul long Morobe

Dia Edita,
Mi wanpela mangi Nawae long Morobe provins tasol nau mi stap long Kimbe. Em as tingting bilong en long painim Egrkalsa Vokosenel skul na rei lusim papamama na provins bilong mi na mi kam i stap sori long narapela provins.

Mi laik soim dispela komplem bilong mi i go long Morobe Provinsal Edukesen Bod na sampela ol bodi o oganisesen husat i save wok poroman wantaim Dipatmen ov Praimeri Industri bilong

Morobe na tu ol lida man bilong Morobe husat i tekpat long sait bilong Egrkalsa na Laipstok.

Inap yupela koporet na kirapim wanpela skul bilong Egrkalsa na Laipstok o no gat? Yumi olgeta manmeri bilong Papua Niugini i mas save olsem egrikalsa em i bun baksait bilong kantri.

Dispela skul em bilong ol grasrut manmeri husat i pinisim gret 6 tu 10 long kisim save bilong wok didiman na didimeri na ol i ken i go bek long asples na wokim sam-

pela ol liklik projek long asples bilong ol na kamapim gutpela sindaun.

Olgeta gutpela nius long sait bilong wok didiman em ating Morobe i mas i go pas, wok bilong planim rais, corn, taro, vanilla, kopi, kaukau, pik, kakaruk na sampela moa wok didiman.

Tasol long sait bilong kisim skul na wok poroman wantaim ol pipel o fama em ating nogat.

**Dima Mosengi
Kimbe, WNPB.**

Toksave i go long ol manmeri husat i save salim pas kam long Wantok Niuspepa. Sapos yu no putim nem tru bilong yu long pas bai mipela i no inap prinim pas bilong yu.

Wan em man bilong ples

Dia Edita,
Mi laik bekim pas bilong brata Negil Isa'a long Pot Mosbi kamap long Wantok nuispepa long Janueri 2001.

Mista Negil i tok bilong wanem as na Madang Provinsel Asembli i laik makim George Wam olsem Gavana bilong Madang.

Negil yu no save na no ken rait nating long Wantok. Sapos yu stap long Madang bal yu lukim husat save i stap long Madang na husat i save long siti bilong yu Pot Mosbi.

Yu askim ol nesenel memba bilong Madang na ol kaunsil presiden bilong Madang long ol bal tokim yu wanwan

divelopmen George Wan i bin bringim i kam long Madang taim em i stap 10-pela krismas long palamen.

Brata George Wan i stap 10 yias long palamen bikos em i gat klin han olsem na ol pipel i laikim em. Em i gat gutpela nem na em i no save i stap long siti bilong yupela Pot Mosbi.

Em save i stap olgeta taim wantaim ol pipel long striits long Madang. Sapos yu lusim Mosbi na kam long Madang bai yu lukim George Wan long olgeta kona long Madang taun.

**Fox K.
Madang, MP.**

Painim memba bilong Jimi

Dia Edita,
Mi wanpela bus man long Wom Talgoi. Mipela wokim rot i go long Tsoing tu Wald na i go long Tsanga tu Mala. Na mipelawokim i go long Tsango tu Mesa.

Nogat wanpela memba bilong Jimi kamap, ol 4-pela kaunsila i hawok long kisim sevis.

Memba bilong Jimi i painim wanem samting raun yet long Mosbi siti yet?

Mipela i nidim em yet long kisim sevis i kam long Jimi distrik.

**Jack King Glamba
Telbipunda, WHP.**

Stretim Bewani rot

Dia Edita,
Mi wanpela mangi Klias insait long Bewani sab distrik.

Mi laik autim komplem bilong mi i go long memba bilong Vanimo Grin Micah Wes.

Yu inap opim tupela ai bilong yu na lukluk long bikipela nesenel haiwei bilong yumi long Bewani tu na stretim liklik na bai yumi ken ron i go kam long en.

Plis Mista Wes olsem wanem na yu lus tingting long mipela ol pipel bilong yu. Yu yet traim na tingim yu yet sanap na kamap memba long laik bilong yu o mipela ol pipel i makim yu.

Sapos mipela i makim yu orait yu mas traim long bekim gut wok bilong mipela nau.

**Benjamn A. Wep
Vanimo, SP.**

Gavman i bagarapim kantri

Dia Edita,
Mi laik wanpela long yupela tripela, Somare, Wingti na Haiveta i mas bung wantaim na rausim tiket bilong praim minista Sir Mekere Morauta long sia bilong em. Bikos mi lukim olsem gayman bilong Mekere i wok long bagarapim kantri nau.

Bikos mi harim olsem gavman i wok long bagarapim proteksen bilong yumi olsem ami, CIS, plis em ol dispela tasol yumi i stap gut. Mi laik tokim Mekere olsem ami i stap gavman i stap em tasol.

**Joel Senisen
Kimbe, WNPB.**

No ken so op nating

Dia Edita,

Mi mangi bilong Nipa na nau mi i stap yet long Nipa bus ples. Mi laik bekim pas bilong brata Kemcy Mesa i bin kamap long Epril 26, 2001.

Brata yu bin tok kam i go lukim ples bilong Philemon em i wanem kain ples ya. Mi laik tokim yu stret, ples bilong Philemon long Nembi Plato i no bilong yumi olgeta manmeri Nipa, Poroma, Kutubu.

Hausman bilong Philemon em Nipa. Poroma bus i karamp i stap yet na brata yu apim nating nem bilong MP Philemon Embel long wanem as stret?

Ating brata Kemcy yu mas paul liklik o ai bilong yu long lukluk i bilong bilasim bodi bilong yu.

Nau em 15 yia bilong Philemon na em i no kamapim wanpela kaikai long Nipa stesin o Poroma na Kutubu.

**Benson Luwi
Nipa, SHP.**

Makim gutpela lida

Dia Edita,

Mi bilong Sinesine las ples Gunagii Besis. Mi laik autim belhevi na kros bilong mi i go long ol pipel bilong Gumine, Omkolai, Dom Ena na Yure Koban.

Ating yupela mas longlong aipas na het bruk nabaut ya. Yupela i no save tingim bek graun bilong yupela. Nek bilong yupela save sigirap tru long daunim han deti bilong ol kendidet. Nau yupela sanapim wanpela gutpela

membra tru na rot na bris bilong yupela go olsem long Gaima, Minima, go daun long Wahgi bris em bagarap tru.

Yia 2002 traim makim gutpela lida we save toktok strong long palamen na pullim strong ministriel posisen.

No ken makim ol kuru paul na sindaun longlong long palamen.

**Michael bomal
Kimbe, WNBK.**

Mioks opim nem bilong Enga

Dia Edita,

Sapot bilong mi i go long Enga Mioks. Mi bilong Wabag. Tasol nau mi stap long Madang.

Mi amamas tru long ol Enga Mioks. Pilai bipo i no gat nem long Enga. Ol Enga Mioks pilai na nem bilong Wabag i stap antap liklik olsem na mi amamas na mi sapotim Enga Mioks. Enga Gavana tu mekim gut long Enga Mioks.

**Leo James
Madang, MP.**

Wok i no kamap

Dia Edita,

Mi bilong Salt Nomane long Saut Simbu. Mi laik autim wari bilong mi i go long memba bilong Salt Nomane Karamui Hon. Simeon Wai olsem promis bilong em long 1997 ileksen i no karim kaikai.

Ol man bilipim tok bilong em olsem em pikinini bilong misineri na tu em saveman so em bai wok tru tru olsem na ol i givim vot.

Hon. Simeon Wai mi kasin brata bilong yu mi laik tokim yu stret olsem tingting gut long 2002 ileksen vot long Salt Nomane, skul, haus sik, distrik opis na olgeta bagarap.

Yu tok long baim kapa, wokim ol haus

lotu em yu no wokim na baim kapa na givim ol man.

Yu tok long wokim, palamen Gunagi rot na Dulai Elimbari rot yu no wokim.

Yu bai wokim long Jeffrey Kama, em wokim ol rot ya olsem ol memba bai wokim long en em wokim.

Ol pipel bilong Salt Nomane Kara:rai opim ai bilong yupela givim vot long husat save stap wantaim yu na i gat konsen long yupela Salt Nomane distrik kam insait long Papua Niugini so tingim gut long 2002 ileksen na givim man bai developim distrik.

**Joseph Morex
Kimbe, WNBK.**

Paitim man nating na sekim poket

Dia Edita,

Mi laik autim belhevi na belsori bilong mi i go long ol manmeri bilong narapela provins husat i save kisim taim long ol stil man long Hagen taun.

Lukaut na yu kam raun long Hagen taun nau dispela taim planti manmeri kisim taim long taun. Olgeta strit long Hagen stil pasin i go bikpela tru.

Bikos kopi i pinis na ol Hagen painim pipia gen long poket bilong ol manmeri. Yu ken raun long Hagen taun na sapos yu rausim wanpela K2 o K50 long walet na yu baim kaikai ol

man bai nekim yu hariap tru, holim pasim yu na sampela bai supim han long poket bilong yu na rausim mani o walet bilong yu.

Ol i no save mekim long wantok Hagen yet ol i save mekim long ol manmeri long narapela provins tasol.

Mi save raun long Pot Mosbi, Lae, Rabaul, Madang o Wewak tasol ol man i no save mekim olsem, holim pes man long san long publik ples.

**Jonathan Kaiya
Mt Hagen, WHP.**

Painim helpim

Dia Edita,

Mi bin stap long Pot Mosbi Jeneral Haus sik siksipela wik i go pinis. Em i namba wan taim tru mi bin stap long Pot Mosbi haus sik. Mi na meri, pikinini bilong mi.

Ka i bin bamim ol long Waigani bas stop. Meri bilong mi i bin kisim bikpela kat long bodi bilong em na i stap tasol long wod.

Mipela i painim bikpela hevi stret long haus sik. Mipela i no gat wantok na pren long Pot Mosbi siti. Mipela i painim dispela hevi:

- 1) Mipela sot long kaikai.
- 2) Mipela sot long mani bilong baim haus sik na marasin.
- 3) Mipela sot long mani bilong baim balus i go bek long ples.

Mipela i sot long painim helpim. Mipela i stap nau long 3 Mail Jenera! Haus sik, Pom Word 3B. Plis helpim mipela.

**Geyamuki Kaukela
POMJH, Pot Mosbi.**

Pangu i dai nau



• Sir Pita Lus.



• Chris Haiveta.



• Samson Napo.

Dia Edita,

Mi laik klia gut tru sapos Pangu Pati i stap o i dai pinis. Ol narapela Pati olsem PDM na PPP na sampela nupela Pati i redi nau long 2001 ileksen tasol Pangu nogat. Dispela em i no stret long ai bilong mipela ol sapota.

Moabeta Pangu i mas gat nupela lida bikos ol dispela Pangu

membra long haus palamen i no strongpela lida. Mi sori tru long Pangu Pati bikos taim Sir Somare stap em Pangu i gat nem. Tasol nau taim Sir Pita Lus, Chris Haiveta na Samson Napo lukautim Pati em ol i kilim dai Pangu Pati.

Sapos ol lida i no hariap na statim kem-

pen nau em bai Pati i lusim olgeta sapota i go nabaut na i luk olsem bai olgeta sapota i go long Sir Michael Somare na Pati bilong em.

Plis Pangu yu no ken i dai, yumi mas kirapim dispela Pati.

**Rinkwaku Geame
Mumeng, MP.**

Promis i no karim kaikai

Dia Edita,

Mipela ol Bod Menesmen biiong Wauroin skul Arop No. II Veli. Mipela i laik tokaut o givim ripot long Wantok nius long Eddie Saweni i tok em bai givim mipela K2000 long taim bilong opening bilong Wauboin komyuniti skul long Arop No. II long det Janueri 12, 2001.

Mipela ol Bod na lida i bin bungim Eddie Saweni long Aitape Hotel na givim em wanpela pas long askim bilong mipela na em yet i sainim tupela pas long ai bilong mipela olsem em i bai givim K2000.

Tasol nogat tru. Mipela i wet wet na mipela i opim dispela skul pinis. Mipela ol bod i laik tok stret olsem Edde Saweni i mekim dispela rabis pasin bilong long taim bilong lleksen tasol.

I no long opim long Wauroin skul. Mipela ol Arop i save long em pinis.

**Peter Kolmok
Aitape, SP.**

No ken paulim ol pipel

Dia Edita,

Mi laik tokaut long pasin bilong ol kendidet long 2002 nesenel ileksen. Mi makim maus bilong ol mipela planti pipel long Midul Watut na Wafi eria husat bai tromoi vot insait long Bulolo ileksen.

Mipela save olsem nau memba em Samson Napo em i Pangu Pati man tasol i gat planti narapela kendidet tu i wok long

paulim planti pipel na tok ol tu em Pangu kendidet long Bulolo Open sit na planti ol pipel i bihainim ol pinis.

Ol kain man olsem wanpeia bisnis man bilong Buang husat i bin traim ileksen pinis long 1997 na em i lus long Napo tasol em laik traim gen long 2001 long tiket bilong Pangu.

**Rinkwaku Geame
Mumeng, MP.**

Wokim pipia long taun


Dia Edita,

Mi no amamas long meri i save salim buai long fran bilong stua long Kimbe taun. Kimbe taun i luk gut tasol bikos ol meri wokim planti pipia long taun na sapos ol i stapim ol buai i no ken salim buai long fran long stua na as bilong mango.

Em bai gutpela na taun bai kamap klin.

Yupela ol meri i save wokim pipia long taun na taun i no luk gut na sapos yupela karim i go long bikpela maket na salim buai bilong yu em bai i gutpela.

**Sonny Taken
Kimbe, WNBK.**



Mi save les tru long ritim Laiplain

Dia Edita,

Mi bilong lowa Nebilyer long Westen Hailans provins.

Belhevi bilong mi em het tok i sanap antap pinis. Mi save les tru long ritim ol hevi long laiplain seksen.

Mi laik tokim yupela ol manmeri husat i save bungim hevi long marit, smok, boi na gel pren na planti moa hevi.

Taim yupela bungim hevi yupela save hariap na rait i go long Laiplain.

Plis mi save sem nogut tru long ritim ol pas ya. Sampela save raitim ol giaman pas. Mi save klia tru long olgeta pas na mi painimaut olsem olgeta em ol giaman pas tasol.

Mi save bungim wankain hevi olsem yupela save bungim tasol mi save les tru long westim taim na rait i kam long Wantok Niuspepa.

Bikos pastaim long raitim pas mi save pinis ol ansa.

Mi yet mi as bilong olgeta hevi. Bai mi lusim meri long ples na maritim meri long taun o bai mi lusim dring, smok, poka masin, kas, pamuk o sem long toktok wantaim ol arapela manmeeri na planti planti mba hevi.

Mi yet save long ol hevi na ol hevi save pasim mi. Na hariap tru mi save ting olsem mi ausa pinis.

Tru yupela rait i kam long Laiplain tasol

taim yupela lukim pas o hevi bilong yupela long Wantok yupela i no senisim pasim bilong yupela.

Sampela yes tasol sampela mi save em ol hatpela disisen.

Long mi yet taim mi mangi olsem 7 o 8 pela krismas mi stat smok, pilai kas na kaikai buai na nau mi gat 30 krismas.

Tasol long dispela yia 2001 Janueri 2 long tude nait mi lusim kas na smok.

Nau em mun Me 2001 em 5-pela mun nau. Em ol hatpela disisen tasol mi wokim bikos asua bilong mi yet.

**Tano Wati
Mt Hagen, WHP.**

WANTOK

Classifieds

FAX: 325 2579 - PH: 325 2500

EMAIL: word@global.com.pg

LINEAGE ADVERTISEMENTS

Lineage: Advertisements are charged at K4.40 per line of 23 letters incl. space. Photo K10.00 each and appear 3.5cms. All advertisements inclusive of VAT. See Rate Card for conditions.

Office Hours:

8.30 to 4.00 Monday to Friday
Classified Advertising Available in the following formats

Lineage: Available in single line, minimum two lines deep

Display: Available per single, double or four column wide, minimum size 3 cms deep.

Single Column Display Advertisement are charged K4.42 per single column centimetre. Costing is dependent on Logo and Artwork which may appear in the advertisement. Minimum charge is for 3cm x 1col.

Display Classifieds are charged at K4.78 per single column cm. They may be double column, four column or full page with or without borders. Costing is dependent on space, logos and artwork which may be requested. Minimum size is 3cm x 4 columns.

Wantok is published on Thursdays. Deadline for camera ready work is 12 noon Wednesday; prior all other 12 noon Tuesday.

Classified Index

AUTOMOTIVE

- Boating
- Motorcycles
- New & Used Cars
- Parts & Auto Spares
- Trucks & Tractors

NOTICES

- Electoral Notices
- Government Notices
- Law Notices
- Public Notices
- Tender

EMPLOYMENT

- Position Vacant
- Position Wanted

SEASONAL NOTICES

- Easter Greetings
- Father's Day Greetings
- Mother's Day Greetings
- Christmas Greetings
- Season's Greetings

GENERAL

- Amusement
- Auctions
- Business for Sale
- For Hire
- For Sale
- Going Finish
- Lost & Found
- Machinery for Sale
- Pets

- Wanted to Buy
- Wanted to Sell

PERSONAL

- Bereavement
- Birthday Greetings
- Births
- Condolence
- Deaths
- Engagements
- Funerals
- In Memoriam
- Wedding

PROPERTY/REAL

- ESTATE
- Factories

- Warehouses
- For Rent
- Share
- Accommodation
- Holiday Resorts
- Houses for Sale
- Houses to Let
- Industrial Properties
- Properties for Sale
- Investment
- Properties
- Leave House Rooms
- Board Vacant
- Wanted to Rent
- Overseas Investments

Special Features

are an integral part of news reporting.

And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplement Editor or Advertising Manager on:

PHONE: 325 2500 or
FAX: 325 2579

Deliver your...advertising message direct to your target market at an extremely cost effective rate.

Call our Advertising Sales Team on
Telephone: 325 2500 or Fax: 325

Ol Spot Dro

Toksave

Salim ol dro. risalts na poin lada i kam long Wantok
Niuspepa long Tunde olgeta wik. Salim long Spots Edita:
Fax: 325 2579 o ringim em long telepon no: 325 2500

PORT MORESBY SOCCER ASSOCIATION

Saturday June 16, 2001

Bisini One

08:00	Y2	Gordon Sec. vs HLB Pom Utd
09:30	W2	Cyclone vs Madgauns
10:45	D2	Pangtel vs WMI
12:00	W1	ANZ Uni vs Bavaroko
13:30	Y1	ANZ Uni vs Steamies YM2
14:00	D1	Blue Kumuls vs Naniu
16:00	Prem	Cosmos vs Rapatona

Bisini Two

08:00	Y2	Bavaroko vs Pom Int. Sch
09:30	W1	Orogen vs LBC Defence
10:45	Y2	Manambu vs Blue Kumuls
12:00	W1	Sobou vs Telikom
13:30	D1	Tawala vs HLB Pom Utd
14:00	D1	Kurti-Andra vs Sobou
16:00	Prem	Guria vs Kula

University Oval

08:00	Y1	BFW PS Utd vs Telikom
09:30	Y1	LBC Defence vs Babaka
10:45	D3	Jaha vs Eda Ranu
12:45	D3	Muma vs Sunset
14:00	D3	Jr. KE Club vs M. Barracks

Sunday June 17, 2001

Bisini One

08:00	D2	Dolos vs Buresong
09:20	W2	BFW PS Utd vs Murat
10:30	Y1	Cosmos vs Rapatona
11:45	W1	Tarangau vs Guria
12:55	W2	Kula vs Falcon
14:00	D1	Dobo Mui'ika vs Cyclone
16:20	Prem	ANZ Uni vs Steamies YM2

Bisini Two

08:00	D2	Haku (Mungkas) vs Wanzesi
09:20	W2	Rapatona vs SP Brewery
10:30	W1	Cosmos vs WMI
11:45	W2	Tawala vs Amott Ela Utd
13:00	D1	Murat vs Tarangau
14:10	Prem	LBC Defence vs Babaka
16:20	Prem	BFW PS United vs Telikom

University Oval

08:00	Y2	Sunset vs Murat
09:30	D3	Manambu vs Momase
10:45	D2	Aigob vs Nomads
12:45	Y1	Kula vs Guria
14:00	D2	Bavaroko vs Datec Duau

PORT MORESBY SCHOOLS SOCCER ASSOCIATION DRAW

Saturday June 16, 2001

Week 11

Under 7 - Oval 8

8.00-8.40	Boroko East A vs Murray IEA
8.40-9.20	Gordons IEA vs Boroko East B
9.20-10.00	St Josephs vs Bava IEA
10.00-10.40	Boroko PS vs Ela Beach

Under 8 - Oval 3

8.00-8.40	Murray IEA vs Noblette
8.40-9.20	St Josephs vs Gordons IEA
9.20-10.00	Boroko PS vs Boroko East A
10.00-10.40	Boroko East B vs Ela Beach IEA

Under 9 - Oval 4

8.00-8.40	Murray IEA vs Noblette
8.40-9.20	Ela Beach IEA vs Boroko East IEA
9.20-10.00	Gorons IEA B vs Bambi
10.00-10.40	Sacred Heart vs St Josephs
10.40-11.20	Korobosea IEA vs Gordons IEA A

Under 10 - Oval 5

8.00-8.40	Murray IEA A vs Murray IEA B
8.40-9.20	Sacred Heart B vs Sacred Heart A
9.20-10.00	Noblette vs Ela Beach IEA
10.00-10.40	Gordons IEA vs St Josephs
10.40-11.00	Korobosea IEA vs St Peters Channel

Under 11 - Oval 10M

8.00-8.40	Murray IEA vs St Theresa
8.40-9.20	Korobosea IEA B vs Ela Beach IEA
9.20-10.00	Sacred Heart vs Korobosea A
10.00-10.40	Gordons IEA vs Bambi
10.40-11.20	Noblette vs St Josephs

Under 12 A - Oval 9M

8.00-8.50	Korobosea IEA vs St Josephs
8.50-9.40	Bambi vs St Peters Channel
9.40-10.30	Waigani Prim vs Gordons IEA
10.30-11.20	Murray IEA vs Sevese Morea

Under 12 B - Oval 10M/9M

11.20-12.00	Sacred of Excell vs St Theresa
11.20-12.00	Butuka vs Ela Beach

Bye Wardstrip

Under 13 A - Oval 6

8.00-9.00	PNG Christian Acad vs St Peters Channel
9.00-10.00	Murray IEA vs Korobosea IEA
10.00-11.00	Bavaroko vs Sevese Morea
11.00-12.00	St Johns Tokarara vs Pom Grammar

Under 13 B - Oval 6

12.00-1.00	Sacred Heart vs Gordons IEA
1.00-2.00	Boreboa vs St Josephs
2.00-3.00	School of Excell vs Korobosea IEA
3.00-4.00	St Theresa vs Waigani Primary

Bye Holy Rosary

Under 14 A - Oval 7

8.00-9.00	Gerehu Primary vs St Pauls
9.00-10.00	Sacred Heart vs Gordons IEA
10.00-11.00	Korobosea IEA vs School of Excell
11.00-12.00	St Peters Channel vs Murray IEA

Under 15 A Boys - Oval 1

8.00-9.00	St Johns Tokarara vs Sacred Heart
9.00-10.00	Sevese Morea vs Bambi
10.00-11.00	Korobosea IEA vs Wardstrip
11.00-12.00	Gerehu Prim vs Bavaroko

Under 15 B Boys - Oval 1

12.00-1.00	Coronation vs Gordons IEA
1.00-2.00	Waigani Prim vs Holy Rosary
2.00-3.00	POMIS vs Moitaka Wild Life
3.00-4.00	Wardstrip vs St Francis

Under 15 Girls - Oval 2

8.00-9.00	Wardstrip vs St Pauls
9.00-10.00	Gordons IEA vs Waigani Prim
10.00-11.00	P/Aravure vs School of Excell
11.00-12.00	Waigani Prim A vs Korobosea IEA

Under 16 A Boys - Oval 2

12.00-1.00	PNG Christian Acad vs Badihagwa A
1.00-2.00	Gerehu High vs Kila Kila Sec.
2.00-3.00	Boreboa vs Gordons Sec.
3.00-4.00	Dela Salle vs POMIS

Under 16 B Boys - Main Stadium

1.00-2.00	Bavaroko vs P/Aravure
2.00-3.00	Waigani Prim vs Don Bosco
3.00-4.00	Wardstrip vs Holy Rosary
3.00-4.00	Badihagwa B vs St Francis

Saturday June 17, 2001.

Under 17 A Girls - Oval 1

8.00-9.00	Bavaroko vs Iarowari High
9.00-10.00	Gordons Sec. vs Boreboa
10.00-11.00	Badihagwa A vs Kila Kila Sec.
11.00-12.00	Sevese Morea vs Gerehu Prim

Under 17 B Girls - Main Stadium

8.00-9.00	Sacred Heart vs St Pauls
9.00-10.00	Waigani Prim vs Gerehu High
10.00-11.00	Coronation vs POMIS
11.00-12.00	Pom Grammar vs Badihagwa B

Bye Moitaka

Under 17 A Boys - Main Stadium

12.00-1.00	Dela Salle vs Gerehu High
1.00-2.00	POMIS vs Coronation
2.00-3.00	Gordons Sec. vs St Pauls
3.00-4.00	Kila Kila Sec. vs Badihagwa

LAHI SOCCER ASSOCIATION

Round 1 - Week 7

Siks Stadium

Saturday, June 16, 2001.

0800	U191	Bumayong vs Bugandi
0930	W1	Bismark vs Asiawe
1100	W1	TTC Bullets vs Guria
1230	D1	SP Brewery vs Lae Tech
1415	P1	Guria vs Zeebas
1600	P1	Bismark vs Asiawe

Sunday, June 17, 2001.

0800	U191	Elcom vs Sobou
0930	W1	Murat vs Elcom
1100	W1	Unitech vs Sobou
1230	W1	Defence vs ES United
1415	P1	Defence vs Amotts
1600	P1	Murat vs Bugandi

TTC Oval 1

Saturday, June 16, 2001.

0800	W2	TTC Bullets vs Maenduo
0900	P2	Guria vs Maenduo
1030	D2	Maenduo vs Flame Sparks
1145	U191	Bismark vs Asiawe
1300	P2	Amotts vs Defence
1430	D1	Milne Bay Utd vs Elcom
1600	D1	ES United vs TTC Bullets

Sunday, June 17, 2001.

0800	U191	Defence vs TTC Bullets
------	------	------------------------

0900	U191	Huonville vs Guria
1030	W2	Huonville vs Bumbu Drifters
1145	D2	ES Utd vs Bumbu Drifter
1300	D1	Gee Otton vs 8 Mile
1430	W2	Gee Otton vs Zeebas
1600	D1	Mungkas vs Flame Sparks

TTC Oval 2

Saturday, June 16, 2001.

0900	W2	Amotts vs TTC Bullets
1030	U192	Lae Tech vs 8 Mile
1145	W2	GP Mates vs Bumayong
1300	W2	Huonville vs Gee Otton
1430	U192	Amotts vs Gee Otton
1600	W2	TTC Bullets vs Maenduo

Sunday, June 17, 2001

0900	W2	SP Brewery vs TTC Bullets
01030	W2	Gee Otton vs Amotts
1145	D2	SP Brewery vs Bumayong
1300	P2	Murat vs Bugandi
1430	D2	Wewak Utd vs Huonville
1600	P2	Zeebas vs Bismark

PORT MORESBY NETBALL ASSOCIATION DRAW

Sunday June 16, 2001.

Week Six

U10 A - 0800am

C1	TST Kempa vs Sacred Heart
C2	Holy Rosary vs Paramana
C3	Mermaids vs Telstars
C4	Ted Diro vs Rebels

U10 B - 0800am

C5	St Peters vs Paramana
C6	Telstars vs --
C7	Karai vs Pari
C8	Mase vs Gerehu Com
C9	Kila Kila Com vs Holy Rosary

U13 A - 0900am

C1	TST Kempa vs Telstars
C2	Mermaids vs Rebels
C3	BB Kings vs Ted Diro
C4	June Valley vs Paramana

U13 B - 0900am

C5	Pari Com vs Mermaids
C6	TST Kempa vs Sparrows
C7	Rakaone vs St Theresa
C8	St Peters vs Rebels

U13 C - 0900am

C9	St Pauls vs Boreboa
C10	Holy Rosary vs Gerehu Pri
C11	P/Aravure vs Mase
C12	Waigani Com vs Kila Kila Pri

U13 D - 0900am

C13	Poinimo vs Telstars
C14	St Petes vs Kaugere
C15	Sacred Heart vs St Pauls
C16	Karai vs Sevese Morea

U15 A - 1000am

C1	Ted Diro vs Paramana
C2	LB Mermaids vs Telstars
C3	June Valley vs TST Kempa
C4	Mase vs P. Rebels

U15 B - 1000am

C5	Kila Kila Pri vs St Peters
C6	Sparrows vs St Pauls
C7	Wardstrip vs TST Kempa
C8	St Theresa vs June Valley

U15 D - 1000am

C5	Gerehu vs Hohola Youth
C6	Holy Rosary vs Sacred Heart
C7	St Theresa vs Boreboa
C8	Kaugere vs P/Aravure

U15 D - 1000am

C9	Sevese Morea vs Boreboa
C10	Holy Rosary vs Sacred Heart
C11	Rakaone vs St Peters
C12	Kila Kila Pri vs Pari Com

U15 E - 1100am

C13	Holy Rosary vs Waigani Pri
C14	Konai vs Butuka
C15	Kila Kila Sec. vs Badihagwa

U17 A - 1100am

C1	Kila Kila Sec. vs Kila Kila Pri
C3	Luvoni vs Mermaids
C4	Rebels vs Telstars
C5	Badihagwa vs Paramana

U17 B - 1100am

C6	Badihagwa vs Sparrows
C7	Rakaone vs Sacred Heart
C8	Kempa vs Hohola Youth
C9	June Valley vs Ted Diro

U17 C - 1100am

C10	Badihagwa vs Holy Rosary
C11	Gerehu Com vs P/Aravure
C12	St Peters vs Sevese Morea
C13	Waigani Com vs Poinimo

U21 - 1200pm

C1	Telstars vs Hohola Youth
C3	Mase vs Paramana
C4	Sogeri Nat. vs CP Rebels
C5	Luvoni vs Karai

Bye Mermaids

Seniors Week Three

Division One - Court Two

1100pm	TST Kempa vs BB Kings
0230pm	CP Rebels vs Rakaone
0200pm	Telstars vs Mermaids
0330pm	Chevron P. vs Sparrows

Division Two - Court Two

0100pm	Paramana vs Rebels
0200pm	Sparrows vs Kiros
0300pm	Imuty Lele vs Kempa
0400pm	Angels vs Mermaids

Division Three - Court Four

0100pm	Kawainini vs Warumana
0200pm	Pelagai vs Kempa
0300pm	BB Kings vs Luvoni
0400pm	Telstars vs Mase

Division Four - Court Five

0100pm	Nabuation vs Gavuone
0200pm	Mase vs Paramana
0300pm	Kiros vs Kereibua
0400pm	Poinimo vs Aroma Coast

Division Five - Court Six

0100pm	Luvoni vs Poinimo
0200pm	Angels vs Hall Sound
0300pm	Rural Bank vs Aroma Coast
0400pm	Rakaone vs Imuty Lele

Division Six - Court Eight

0100pm	Coke Warriors vs Toba Sai
0200pm	Seagulls vs Waigani Tyres
0300pm	Sogeri vs Hisiu

Division Six - Court Seven

0100pm	Mermaids vs Sogeri
0200pm	Warumana vs A. Coast
0300pm	Nabuation vs W. Tyres
0400pm	A. Warriors vs Air Niugini

DOWNER CONSTRUCTION CUP 2001

Sunday June 17, 2001.



Mens Rugby Touch Football Draw

Round 11



1000am	P/Wolf vs KK Lamago
1055am	H/Storms vs LK Nanes
1105am	5 Mile Ambos vs MKN Dragons
1140am	Star Lets vs DYDS
1215pm	S/Bulldogs vs C/Tambas
1250pm	M/Brothers vs K/Raiders
0125pm	H/Wallabies vs M/Pukpuk
0200pm	D/St Knights vs B/Spiders
0225pm	6 Mile Bullets vs D/Dragons
0305pm	K/Brothers vs T/Storms
0340pm	G/Ridge vs I/Tigers
0415pm	S/Sharks vs O/Eels
0450pm	B/Tigers vs M/West
0525pm	C/Roosters vs STC

Womens Soccer


1000am	S/Star vs 6 Mile Bullet
1055am	M/Wona vs 5 Mile Ambos
1105am	C/Tambas vs Okapians
1140am	Saraga One vs P/Wolf
1215pm	K/Morobe vs B/Raiders
1250pm	S/Sharks vs O/Mix Mates
0125pm	E/Spiders vs H/Raiders
0200pm	H/Wallabies vs C/Roosters
0235pm	L/Buggies vs T/Storms
03.05pm	Tigers vs SK Stones
0340pm	Star Lets vs DYDS
0415pm	E/Bodiam vs Kosipers
0450pm	N B Girls vs E/Scopions
0525pm	Original SS vs C/Girls



• Joe Sipa bilong Pot Mosbi Vipers i mekim strongpela takol long pilaia bilong Goroka Lahanis. Sipa em wanpela nupela pes long Kumul tim. (Antap lephan) Kone Tigers team husat i wok long kirapim das long Pot Mosbi ragbi lig resis.



• (Antap) Soka eksen bilong oi Anda 15 skul-boi long Mosbi. (Lephan) Sorl Jeffrey Bai, yu traim hat tasol i no kisim spes long Kumul tim. (Raithan) Lapun bilong Sobou Awa (lephan) i kik strong yet long Bisini. Sore susa, yu kam ya wantaim kain stail kik bilong yu. (Aninit) Gren fainel bilong Sir Mekere Kap long Sir Hubert Murray Stadium tupela wik i go pinis.



Anda 10 soka resis kukim Sir John Guise stedium

SOKA RIPOT

WANPELA gutpela gem i bin kamap namel long Sen Peters na Noblette long Anda 10 tim long Pot Mosbi Skul Soka kompetisen las Sarere long Sir John Guise stedium.

Gem bilong tupela skul ya i laik painim husat bai go pas long poin leta bilong dispela divisen.

Bipo long gem, Sen Peters i sindaun gut long namba wan ples, tasol bihain long gem, ol i kam daun long namba tu ples na Noblette i kisim ples bilong ol taim ol i wilwilim 3-0.

Sen Peters i gat sampela ol gutpela pilai olsem Xavier Simewa na Diki long straika.


Na long midfil, ol i gat pilai olsem Liten Levi na Kensie Mario. Na beklain ol i gat ol pilai olsem Connie Andrew, Tony Morabang na Ronald Sipaia.

Long golkipa em Joey Mikes.

Insait long namba wan hap, Noblette i no kaunim gut ol pilai na larim 11-pela pilai i skorim gol. Tasol referi i tok nogat long wanem Sen Peters i 9-pela pilai tasol.

Sen Peters i banisim gut ol straika na nogat skoa i kamap long namba wan hap. Tasol insait long namba tu hap, difens bilong Sen Peters i slek na Noblette i skorim tripela isi gol.

Dispela em i namba wan lus bilong Sen Peters tasol sampela pilai olsem Joey Mikes na straika Diki i wari tru na kra. Traim gen, neks taim.



• Francis Kerengi bilong Sen Peters (Anda 10) i kamapim gutpela salens na hetim bal egensim ol pilai bilong Murray B tim. Sen Peters i win 4-0 tasol ol i no laki egensim Noblette las wiken. *Poto JOE IVAHARIA.*

Ol soka sempionsip bai i no inap kamap

...PNGFA i wetim yet ol afiliesen fi

HENRY MORA-BANG i raitim

PAPUA Niugini Futbol Asosiesen (PNGFA) bai i no inap holim ol nesenel na klab sempionsip bilong en sapos ol memba asosiesen i baim afiliesen bilong 2001 sisen.

Sekretari bilong PNGFA Ivan Ngahan i wari tru bihain long ol asosiesen insait long kantri i no baim ful afiliesen bilong ol.

Ngahan i tokim *Wantok Nius* olsem bihain long Mas 31 taim de bilong afiliesen i pas, 7-pela asosiesen tasol i baim hap fi. Afiliesen fi bilong 2001 sisen em K2,250.

Ol sampela asosiesen i baim hap fi tasol em Buka K300, Enga K700, Kaiapit K700, Lahi K1000, Pot Mosbi K700, LFA K700 na Madang K1225.

Las yia ol dispela senta Enga, Buka, Hekari, Higaturu, Kaiapit, Kimbe, Lahi, Manus, Nu Briten Palm Oil Limited na Pot Mosbi i stap memba yet

bilong PNGFA.

Insait long de 7 bilong mun Epril, PNGFA i holim jenerel miting long Lae Intanesenel Hotel long stretim tok tok bilong afiliesen fi. Bihain long dispela miting, nogat wanpela senis i kamap yet.

Mista Ngahan i wari long wanem PNGFA i save yusim ol kain mani long holim bikpela ol sempionsip na rijonel sempionsip.

Em i tokaut gen olsem wanem ol asosiesen i no baim fi bai i no inap stap insait long sempionsip.

Long dispela yia, bai i gat 4-pelarijonel sempionsip na klab sempionsip i kamap.

Madang bai holim Momase, Wabag bai holim Hailens, Kimbe bai holim NGL na Pot Mosbi bai holim Sauten rijonel soka sempionsip.

Mista Ngahan i tok dispela ol sempionsip bai kamap sapos ol i gat inap asosiesen i rejista wantaim PNGFA. Wanem tim insait long dispela ol rijen i no rejista wan-

taim PNGFA bai i no inap pilai.

Sekretari Jeneral i laik tok klia olsem bihainim nuwela PNGFA 5-yia plen, provinsal soka sempionsip bai kamap long namba wan yia, namba tu yia em rijonel soka sempionsip na namba tri yia em nesenel soka sempionsip.

Mista Ngahan i tokaut olsem nesenel klab sempionsip bai kamap long Julai 20-23 na nesenel sempionsip bai kamap long Septemba 14 long Kimbe.

Anda 19 sempionsip bilong man na meri tu bai kamap long Pot Mosbi na Lae. Sempionsip bilong ol meri bai kamap long Julai 20-23 semtaim olsem nesenel klab sempionsip.

Na sempionsip bilong Anda 19 man bai kamap long Lae long Ogas 17-19.

Mista Ngahan i tok bai i gat wanpela kos bilong referi na ol kosa i kamap long dispela taim long Pot Mosbi na tu long Lae.

39 tim resis long Alotau soka

SOKA RIPOT

TRIPLELA ten nain (39) soka tim nau i resis long Alotau Soka Asosiesen (ASA) long dispela yia.

Tru, taun bilong Samarai i nogat nem long soka, tasol ol i soim ol arapela senta olsem ol tu i ken pilai soka.

As tingting bilong ol eksekutiv bilong ASA em long strongim stendad bilong soka na go stap insait long ol soka tonamen bilong PNGFA egensim ol arapela senta.

Tingting bilong apim stendad em wanpela driman bilong ol eksekutiv bilong ASA long las10 yia.

I gat bikpela namba bilong ol tim tru i givim nem long stap

insait long 2001 soka sisen.

Sisen propa i stat long Epril 21 na soka sisen tru i stat bihain long tupela wiken.

Alotau Soka Asosiesen i oraitim 5-pela divisen long dispela yia. Ol divisen em Primia, Primia Riserv, Fes Divisen, Anda 19 divisen na Wimens divisen.

Tim i stap long primia divisen em Cameron, Lagimu, Sogu, Kingz, MBE, Daga, Medics na Simla.

Primia Riserv em Sogu, Lagimu, MBE, Kings, Medics, Simla na Cameron,

Fes Division em Duau, Kilivila, Momase, Urban Strikers, Nort East Coast, Misima, Hagita na Yele,

Anda 19 em Urban Strikers, Daga, Momase, Duau, Hagita, Lagimu, Yele ana Simla.

DATS RIPOT

MOA long 400 man na meri bilong pilai dat bai soim pes long namba tu Papua Rijonal Dat sempionsip we bai kamap long Alotau long Indipendens wiken.

Sekretari bilong Papua Dats sempionsip Mojeck Selsel i tokaut olsem dispela namba i winim tru namba bilong ol pipel long namba wan sempionsip.

Long namba wan sempionsip em 200 tasol nau namba i surik i go long 400 olgeta.

Selsel i tokaut olsem ol senta i tokaut pinis long namba bilong ol tim ol bai salim i kam.

Pot Mosbi bai salim 4-pela tim (2-pela man na 2-pela meri), NCD bai salim 4-pela tim (tupela man na 2-pela meri), Veifa (Bereina) bai salim tupela tim bilong man, Daudau bilong Pot Mosbi bai salim wanpela tim bilong man, Kiunga bai salim 6-pela tim (4-pela tim bilong man na tupela tim bilong meri), Popondetta bai salim 6-pela tim (4-pela tim bilong man na tupela bilong meri), Kokopo bai salim tupela tim bilong man, Musa bai salim wanpela tim bilong man, Misima bai salim tupela tim bilong man, Cameron bai salim tripela tim (tupela man na wanpela meri), Alotau yet bai salim 6-pela tim (4-

Long namba wan sempionsip em 200 tasol nau namba i surik i go long 400 olgeta.

pela man na tupela meri).

Selsel i tok sempionsip bai lukim 26 tim bilong man na 11-pela bilong ol meri.

Program ya bai stat long Septemba 12na bihain pinis long Septemba 17.

Ol ogenaising komiti i makim pinis Cameroon Klab na Bay View olsem ples bilong holim dispela sempionsip.

Sekretari i askim olgeta klab long baim registresen fi bipo long Julai 31.

Em i askim olgeta asosiesen long baim long dispela akaun PNGBC Alotau - Akaun Namba em 317 006 117019.

Pukpuks go insait long namba tu raun

... ol nekim Vanuatu 32-10

RAGBI YUNION RIPOT

PAPUA Niugini ragbi yunion nesenel tim, Pukpuks, i winim namba tu gem bilong Wol Kap kwalifaia egensim Vanuatu long Sarere.

PNG Pukpuks i rausim trausis bilong ol boi Vanuatu 32-10 na bai go insait long namba tu raun egensim Cook Ailan na Tonga.

Dispela win i kamap bihain long wanpela bikpela hatwok PNGRFU na ol kosa i mekim

long winim gem.

Insait long namba wan gem, Pukpuks i winim Solomon Ailan long wankain skoa 32-10 long Pot Mosbi. Na taim ol i go long Pot Vila, biksiti bilong Vanuatu, ol i nekim tu long sem skoa.

Kepten bilong Pukpuk Ian Liveras i amamas tru long wanem ol boi bilong em i pilai gut tru long winim dispela gem.

Planti bilong ol pilai i yangpela tasol ol i pilai olsem ol eksperiens man egensim Solomon Ailan na Vanuatu.

Na long Wimen Divisen em MBE, Duau, Daga, Medics, Sogu, Kingz, Kilivila na Lagimu. Ripot i kam long Alotau olsem kompetisen bilong ol meri i stat gen na i wok long kamap gut tru na pulim planti ol sapota.

Ol eksekutiv i makim tu ol komiti bilong Gems, Referi na Disiplinari. Cliff Dararugu i go pas olsem siaman bilong Gems na Referi komiti. Na dispela em bai lukautim dro na poin lata, graun na ol fasiliti wantaim ol kodineta bilong wanwan divisen.

Narapela wok tu em long kisim gem fi.

Disiplinari komiti bai lukautim ol hevi i kamap long soka fil. Ol komiti em Boi Iamo (siaman) na ol arapela memba em Nelson Ivakia, Elijah Imatana, Nason Lepani na Peter Mark.

Stori bilong Pilaia

Name: Abraham Henao
Date of birth: 13/9/78
Village/Prov: Gabagaba, Central provinces.
Marital status: Single
Occupation: Sikes Officer (Fincorp, Goroka).
First took up and played rugby league: U17
With which club: Royals, Lae.



Position: Halfback, five-eighth (utility backs).
Who had the most influence on you: Ted Vere (TV DCA) and also my dad - Winnie Henao.
Favourite other sports: Australian Rules, rugby union, volleyball.
Favourite coach: Leva Tete (Goroka)
Favourite referees: Lune Metta (Lae)
Favourite PNG Kumul player: David Gonia, James Kops.
Favourite overseas rugby league player: Terry Lamb and El Marsri - Canterbury Bulldogs.
Favourite State of Origin team: Maroons (Queensland)
Favourite food: Rice, taro and Ox & Palm tin meat.
Favourite drink: Diet coke
Favourite relaxation: Music, TV, cracking jokes.
Likes: Playing my football and enjoying it.
Dislikes: Being injured and loosing
Any rep duties: 1995 Capt. Junior Kumuls, PNG Mosquitoes 1999.
Ambition: Make the Kumuls team.
What would you do with your last K10: Probably donate it to a street begger.
If you were prime minister: Don't want to be in.
What will you do ten years from now: Take up coaching.

Compiled by SAPE METTA

MABA bai bihainim lo long holim Osenia trials

BOKSING RIPOT

MOROBÉ Amata Boksing Asosiesen (MABA) bai bihainim gut lo bilong PNGF Amatsa Boksing Union long holim Osenia Boksing trails. Interim sekretari byilong MABA Manoa Ratu Petuali i mekim dispela toktok taim PNGABU i givim em tok orait long holim dispela tonamen we bai kamap long Sir Ignatius Kilage stadium long Julai 14-15.

Em i tok dispela trail em bilong olgeta boksa long tripela skwat husat i bin pait long nesanel sempionsip long Goroka. Nau yet em i no inap givim nem bilong skwat wan

we ol i sinim gol medal. Tasol nem bilong tupela arapela skwat i stap olsem;

Tim 2 em Mahile Brooker (48kg - Morobe), Benson Heisi (51kg - Tabubil), Ben Tami (54kg - Rabaul), Junior Toni (57kg - Manus), Rodney Jackson (60kg - POM), Simon Efi (63.5kg - Hiri), Joseph Saka (67kg - Wewak), Anthony Fagau (71kg - Central), Eddie Dae (75kg - POM), Petrus Powa (81kg - POM) na Bani Bani Jnr (91kg - Tabubil)

Tim 3: Michael Kelly (81kg - Manus), Imma Josi (48kg - Morobe), Billy Yawe (51kg - Morobe), Isacc Saliki (54kg - POM), David Philip (54kg - Bulolo), Lynch Ipera (57kg - POM), Francis Passingan

(60kg - Kavieng), Norman Kela (63.5kg - NSP), Emil Kaoka (67kg - Central) na David Tazim (71kg - POM)

Petuali i laik mekim save tok klia olsem PNGABU i nogat mani na MABA i kisim wok long holim dispela tonamen, em i askim olgeta asosiesen na opisl na boksa long painim mani long kamap long Lae

Insait long Lae, ol asosiesen yet i mas lukautim boksa na opisel bilong ol long haus na kaikai.

MABA i ken painim haus tasol wanwan asosiesen yet i mas baim bilong ol yet.

Interim sekretari i tokaut olsem MABA bai painim trenspot long taim bilong pilai.

Insait long arapela stori, bai i gat wanpela bikpela miting i

kamap semtaim long dispela Osenia trials. Presiden Lohial Nuau bai tokaut long astingting bilong dispela miting.

Sampela ol bikpela toktok bai kamap long miting, em mani na ol arapela toktok i karamapim wok bilong boking insait long kantri.

Petuali i tokaut olsem PNGABU bai lukautim wok-abau: bilong ol kwalifai teknikel opisel long Lae tasol balus tiket i go long Lae, em ol wanwan teknikel opisel yet i ken baim long mani bilong ol.

Sapos yu wanem boksa na opisel i laik save moa orait hia em ol tripela lain yu ken toktok long ol Tingge Metta 4757321, Mrs Paulin Nuau 4755181 na Petuali yet em 4757477 o faks 4757543.

Orogen Soka salens long Julai

SKUL SOKA RIPOT

WOK redi i wok long kamap nau long holim namba tu Nesanel Orogen Skul Soka salens long Pot Mosbi. Dispela skul soka resis bai kamap long Julai 9-11 long Sir Guise stadium.

Skul Soka kodineta John Mogi i tokim Wantok Nius olsem ogenaising komiti i

askim Lae long holim dispela tonamen tasol i luk olsem nau ol bai surikim i kambek long Pot Mosbi.

Mista Mogi i tok olsem dispela sempionsip bai kamap long dispela ol age grup olsem Anda 11 na Anda 13 long man tasol, na Anda 15 na Anda 17 bilong man na meri.

Em i tok olsem bai i gat 8-pela tim long wanwan divisen. Na sapos i gat planti tim, namba

bai surik i go long 12-pela tim long wanwan divisen.

Ogenaising komiti i salim pinis i go long olgeta skul insait long kantri long salim tim. Na ol i laik skul i mas salim representativ tim i kam long pilai insait long dispela Orogen salens.

Mogi i tok skul i salim tim em ol skul bai baim balus. Na wanwan divisen i salim tim i kam, em bai givim hat taim tru long ol papamama long painim mani na salim tim.

Nau yet tripela skul o senta i givim pinis nem long stap insait long 2001 Orogen Soka Salens em Wewak, Manus na Lae.

Astingting bilong dispela sempionsip em long makim ol top pilaia long dispela ol age grup long makim long nesanel tim. Na sapos PNGFA i no gat tim long salim long ovasis kompetisen, em i ken kisim isi tasol long Skul Soka kompetisen.

Vais presiden bilong Pot Mosbi Skul Soka kompetisen Joe Turia i


tok olsem dispela kompetisen em long bungim ol skulmangi long ol i ken pilai na soim stail bilong ol.

I gat planti skul i laik stap insait long dispela skul tonamen tasol ol papamama i hat tru long painim mani long baim balus na haus slip bilong tim. Sapos ol skul i salim representativ tim, skul i ken helpim long painim mani.

Mista Mogi i tok olsem ol i laik skul i ken salim tim bilong ol tasol i gutpela long makim representativ tim.

PAINIM BAL RESIS NAMBA 5

JEKPOT K200




RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: **PAINIM BAL RESIS NAMBA 4, Wantok Niuspepa, P.O. Box 1982, Boroko, NCD.**
4. Nambawan entri i makim strepela hap bal i stap, em bai win.
5. Las de bilong kisim ol entri em Fonde 29 Jun, 2001.
6. Long Wantok bilong Julai 12, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.

9. Raitim nem na adres bilong yu: **Nem**..... **Address**.....
 **Krismas**.....

10. Yu ken salim moa long wanpela entri, tasol no ken yusim poto kopi.
11. Ol famili o pikinini bilong ol wokman meri bilong Wantok i no inap stap insait long dispela resis.

Goroka lig graun luk stail



SAPE METTA i ratim

SIR Danny Leahy Ragbi Lig pilai graun long Goroka i kamap gut tru nau na wok long stretim olgeta samting i wok long go het gut tru. Na bikpela tok amamas i mas i go long presiden bilong Goroka Lig, Pat Siwi.

Em i go pas long kamapim gut dispela ragbi lig graun we i kamap olsem wanpela top pilai graun insait long kantri na tu em i luk olsem wanpela wol stendet pilai graun.

Presiden Siwi i tok taim em i kisim wok olsem presiden, bikpela tingting bilong en em long stretim ol sating (fesilitis) na tu pilai graun we em i laik pulim planti ragbi lig pilai olsem semi-profesanel na tu intanesenel pilai i kam long Goroka.


"Nau yet bihain long hostim 10-year SP Kap pilai, Goroka lig i redi nau long hostim wanpela intanesenel pilai namel long French Roosters na PNG Kumuls," presiden Siwi i tok.

Na dispela bikpela gem bai kamap sampela taim long dispela mun Jun.

• **Presiden bilong Goroka Lig, Pat Siwi i katim gras long Sir Danny Leahy pilai graun**



• Yangpela susa i wok long painim pren long pasim bal long junia netbal sempionsip long Pot Mosbi. Sentral i winim dispela taitel bilong 2001. Foto Joe Ivaharia



□ Presiden bilong Vanuatu Ragbi Union i sekan wantaim Paul Joseph bilong PNG Pukpuks. Namel em Captain Ian Liveras. Aninit: Vanuatu ragbi union tim husat i bin pilal wantaim PNG Pukpuks na lus 32-10. Foto: Mcses Steven bilong PORT VILLA PRESSÉ.

Sentral winim junia netbal taitel

NETBAL RIPOOT

SENTRAL provins i kamap olsem nupela sempion bilong PNG Junia Netbal sempionsip taim ol i autim Pot Mosbi 24-19 long gren fainel bilong Anda 21.

Dispela sempionsip i pulim 64 tim olgeta i kam long Pot Mosbi, Lae, Kimbe, Tabubil, Milne Be, Wewak, Manus, Kerema, Malasub, Goroka, Poreporena, Hiri na Sental.

Hiri, Manus, Poreporena, Tabubil na Malasub i soim pes namba wan taim long junia sempionsip. Na bikpela tingting tu i stap nau olsem ol bai stap insait long sinis sempionsip.

Dispela tonamen i stat long Sarere na pinis long Sande we gren fainel i bin kamap.

Pot Mosbi na Sental i kwalifai long fainel bihain long ol i autim Poreporena na Goroka.

Pot Mosbi tim one i luk gutpela stret tasol ol meri long Sentral i no wari long dispela.

Ol meri Sentral i gat suta bilong Kila Pala husat i salensim intanesenel pilaia Lua Mavara bilong Pot Mosbi.

Tupela suta ya Pala na Mavara i wok long skorim olgeta poin taim ol i kisim bal tasol midfil tasol i no strong olsem na Pot Mosbi i lusim dispela gem.

Dispela win bilong Sentral i salim tok lukaut long Pot Mosbi na Lae olsem ol i mas sindaun gut na redi long neks sempionsip. Long wanem, nau bai gat strongpela salens tru ya.

Babaka bagarapim sindaun bilong PS United

SOKA RIPOOT

BABAKA i wilwilim stret Boroko FoodWorld PS United 3-1 long soka resis long Pot Mosbi primia divisen las wiken.

Ol boi Sentral i soim olsem ol tu i ken pilai soka long mekim biknem PS United olsem ol skul mangi.

Win bilong Babaka i bagarapim sans bilong PS United long strongim posisen bilong ol long poin tebol bilong PMSA.

PS United i go pas long poin lata wantaim 20 poin tasol lus long wiken i mekim ol i kam daun long namba tu ples.

ANZ University husat i memeim stret Kula 8-2 nau i kisim bek namba wan spot wantaim 21 poin.

Biknem Rapatona husat i dro wantaim liklik tim, YM2 0-0 i kisim namba tri ples wantaim Difens. Tupela i gat 19 poin.

Na long namba foa ples em ol boi nogut ya, NSO. NSO i wok long mekim planti tim i jeles na mekim kainkain tok-

tok long niuspepa tasol Francis Kupe i no bisi, em i laik winim gem bilong ol sapota bilong em.

Kosa Kupe nau i bai bungim ol yangpela boi long salensim Rapatona long wanpela gutpela gem long wiken.

Babaka i kam long namba faiv ples na Guria i stap long namba siks. Telikom i go daun long namba 7 ples na Kula na YM2 i wok long traime painim wanem samting i rong na ol i no win.

Na long dispela wiken, Cosmos na Rapatona bai kamapim gutpela gem tru long wanem ol i laik win.

Tupela tim wantaim i gat ol yangpela pilai. Nau ol bai soim husat i moa long arapela taim ol i bung.

Long Cosmos Desmond Waku i resis wantaim Geoffrey Emang bilong Rapatona long lukautim midfil. Wanem soka i laik lukim gutpela soka gem i mas kamap long Sarere long Bisini soka graun.

Waku i gat sampela ol yangpela pilai olsem Desmond Sow, Francis

Tulem na Humphrey Tura long sapotim.

Na tupela lapun husat bai sain long dispela wiken em Wesley Waiwai na Steven Mune.

Na arapela gutpela gem em University bai bungim YM2. Ol boi Morobe i blokim ol Rapatona las wik na sapos ol i mekim wankain long dispela wiken, ating ol arapela tim nau i mas tingting gut.

Na long arapela gem, Guria i winim namba tri gem na dispela i soim olsem pawa bilong ol i no pinis.

Fada bilong tim Adam Lema i slek yet. Ol i gat sampela ol olupela pilaia olsem Vosap Eremas i kambek long traime pulim bek ol olupela pilaia bilong ol.

Guria bai winim Kula long wiken. Na Defence husat i lus i mas tingting gut taim ol i salensim Babaka. Babaka i sokim stret ol kas long PS United wantaim 3-1. Na ol bai redi tasol long bungim Defence.

PS United i lus las wik na nau ol i bai laik traime winim SP Telikom long dispela wiken.

Lahir i kamap kwin bilong NGI

VOLIBAL RIPOOT

LIHIR Volibal Asosiesen i winim Niugini Ailan Riji nel wimen sempionsip we i bin kamap long Kokopo las wiken.

Ol meri long gol main i nekim ol kasen long Is Nu Briten long gren fainel bilong meri. Na long man, Kokopo i bekim bek dinau long susa bilong ol na bagarapim tru sindaun bilong Lahir.

Long fainel, Is Nu Briten One i go pas, Is Nu Briten Tu i kamap seken na Lahir i kamap namba tri. Lahir i soim tru pawa bilong ol na rausim tupela Is Nu

Briten tim na winim taitel.

Michelle Walaun na Irene RAe i kamapim strongpela gem na spaikim ol strongpela bal long winim dispela gem 3-0.

Na long gem bilong ol man, Kokopo i wok long winim olgeta gem na stap tasol long fainel.

Lhiri i gat sampela gutpela ol pilaia olsem Gibson Overa, Joahim Haurama na Rruva Ane. Taim tupela i bung, ples i pas na nois i kamap strong taim tupela tim i spaikim bal.

Is Nu Briten Kokopo i gat ol pilaia olsem Genesis Matu, Joe Aisis na Godfrey Nebak.

Presiden bilong NGI Volibal Asosiesen Peter-Wali i gok em i amamas tru long lukim ol pilaia long rijen i soim save bilong ol.

"Olgeta pilaia i amamas long kam long Kokopo na Rabaul na mipela bai tingting long holim moa spot tonamen long dispela hap long pulim ol tim i kam," Walo i tok.

Mista Wali i tok em i no amamas tumas long wanem ol tim long Wes Nu Briten na Not Solomons i no kamap long soim pes. Not Solomons i gat nem long putim strongpela volibal tim ya

Vabukori winim PNG volibal taitel

VOLIBAL RIPOOT

TUPELA tim bilong ples Vabukori insait long Nesenel Kapitel Distrik i winim 2001 Nesenel Volibal taitel.

Sonics mens tim na Tadikaka Dolphins i winim dispela taitel long nesenel sempionsip we i kamap long Pot Mosbi long las wiken.

Sonics i wilwilim stret Bullets bilong Taikone tri set (25-18, 25-28 na 25-19) long winim taitel bilong man.

Ol susa bilong ol, Dolphins i rausim sket bilong ol meri Nadzab bilong Houn Gulf volibal asosiesen bilong Lae. Ol i winim tu taitel bilong ol meri wantaim tri set.

Ol boi Sonics i gat 4-pela

intanesenel pilaia olsem Gia Vuina, Alu Kapa, Gereana Kila na Lawes Rabura. Ol i gat sampela representativ pilaia bilong asosiesen olsem Robin Charlie na Ravu Mahuru i go pas long rekotim namba wan set 25-18.

Insait long namba tu set, Sonic i strong tru na blokim ol spaik bilong Bullets. Ol pilaia bilong Bullets olsem Willies Semese, Peter Loko, lama Gaminina na Kapu Gaminina i bekim bai tasol i no kisim gutpela sapot long sampela pilaia.

Na long namba tri set, ol i p ilai strong tru long winim dispela taitel. Sonic i lus long wanpela gem tasol long priliminari fainel long Bullets we ol i winim long fainel.

Bullets i wanpela nupela tim. Ol i nogat longpela pilaia tasol ol i gat gutpela bal kontrol long

winim gem.

Bullets bilong Taikone i laki long autim arapela tim bilong Vabukori, Black Arrows 3-2 tu long bungim gen Sonics long gren fainel.


Telepost i winim namba tri ples taim ol i autim NCDC Raukele 3-nil na Taikone Breakers autim Black Arrows long winim namba tri ples bilong ol man.

Na long ol meri, Dolphins i gat sampela ol gutpela pilaia we i soim tru olsem ol i ken pilai volibal.

Kepten bilong Dolphins Lui Kila i kisim gutpela sapot pilai i kam long Manu Kiapu, Kika Gereana na Uve Kapula long stretim rot bilong ol meri Vabukori long winim taitel.

Huon Gulf i gat 7-pela pilaia tasol long tripela de tonamen. Ol

WANTOK SPOTS



Stail bilong ol yangpela • Tupela yangpela long Pot Mosbi skul soka i soim stail long kik long las wiken long Sir John Guise stedium. Foto: JOE IVA-HARIA.

Ol Kumul pilaia i no fit long pilai

GABRIEL PAITA i raitim

OL Papua Niugini Kumuls i gat planti hevi long daunim sapos ol i tingting long winim dispela gem wantaim ol French Roosters long dispela wik Sande.

Kosa bilong Kumul Bob Bennett i tok ol samting olsem trenin, fitness, na expirens i mekim na tim i no luk gut tumas long pilaim ol intanesenal gem nambaut. Em tok tu olsem em i poreit olsem sampela gutpela pilaia bai i no inap long kam pilai long dispela gem.

Kosa Bennett i tok planti bilong ol pilaia i fat tumas na em i ting olsem ol i no inap long stap longpela taim insait long fil. Em i tok i no gat ol gutpela samting bilong trenin olsem ol program, treina na ol narapela samting i stap long dispela kantri na ol pilaia i no save trenin gut. Kosa ya i tok tu olsem planti bilong ol pilaia i nupela long dispela kain bikpela gem na ol i nid long lainim planti nupela samting. Tasol em i tok i gat sampela pilaia, olsem ol i stap long Australia na ol olpela pilaia long hia, husat i save trenin gut na em i ting olsem ol bai i go pas long dispela gem.

"I gat foapela pilaia bilong senisim ol pilaia husat i lik kam aut na malolo. Na

tu lo i tok olsem bai mipela i mas wokim 12-pela senis tasol long wanwan gem. Dispela min olsem mipela mas i gat ol fit pilaia tasol long pilai," Bennett i tok.

Narapela hevi bilong ol Kumul em olsem tupela gutpela pilaia i no kam kamap yet long kantri. Andrew Norman na Mark Mom i stap long Australia na Benneth i tok em i wet tasol long tupela i kam hariap. Sapos tupela i no kam tete, orait em i tok olsem em bai rausim tupela long tim na makim ol narapela long kisim ples bilong tupela. Narapela pilaia husat ol i rausim em Michael Moses bilong Lae Bombers. Em i bin kisim bagarap long skru bilong em na i no inap long pilai. Kosa i tok olsem ol i no makim senis bilong Michael yet.

Tasol Benneth i tok olsem ol Kumul bai i gat bikpela sapot long wanem ol i pilai long ples bilong ol.

"Maski ol hevi i stap, bai mipela pilai hat long wanem mipela pilai long ples bilong mipela," kosa Bob Bennett i tok.

Nem bilong Kumul kepten wantaim ol pilaia na wanem position ol bai pilai long em bai ol i tok aut tumora. Tasol i gat bilip olsem ol pilaia husat i bin i go pilai long Wol Kap resis las yia bai pilai insait long tim.

Brian Bell i kamap mesa sponsa bilong tropi

BRIAN Bell kampani aninit long nem Sharp i kamap olsem mesa sponsa bilong ol prais long Prime Ministers Corporate Golf Challenge we bai kamap long Fraide.

Dispela tonamen ya i kamap long Pot Mosbi Golf klab i pulim 44 tim olgeta long ol bikpela kampani. Golf Challenge resis ya em wanpela fan raising ektiviti bilong PNG Spots Federesen long painim mani na salim tim i go long mini Saut Pasifik Gems long Guam.

Wanpela mausman bilong Brian Bell Paul King i tokaut olsem Sir Brian na kampani bilong em i amamas tru long sapotim PNG Spots Federesen.

Mak bilong mani Brian

Bell kampani i givim long sponsorim ol tropi em K4,000 olgeta. Las yia, Brian Bell kampani i givim tasol K2,000 we dispela i helpim tru PNGSF long givim prais.

King i tok olsem Brian Bell kampani i sapotim planti bikpela ektiviti. Wanpela bilong ol em PNG Pukpuk tim we i winim tupela gem egesim Solomon Islands na Vanuatu long Wol Kap kwalifaia gem long Pot Mosbi na Pot Vila.

Sekretari Jenerel bilong PNGSF Sir John Dawanincura i tok olsem Sir Brian em wanpela top man i save helpim spot. Helpim bilong em long PNGSF i stap inap 15 yia na tu em i save helpim Pot Mosbi Haus sik na tu Salvation Army.

Tupela bikpela kampani nau i givim prais em Coca Cola na Brian Bell. Na arapela kampani i joinim tasol long Trinde em Chemica. Chemica bai sponsorim ol tropi inap long K2,500.

Sir John i tok em i namba tu taim dispela kampani long Lae i givim helpim long PNGSF long sponsorim Prime Minister Golf Challenge.

Jeneral Menesa bilong Chemina Ron Jenkins i tokaut olsem em i amamas tru long poromanim PNGSF long painim mani bilong ol spotsman na meri bilong dispela kantri.

"Mipela i amamas long helpim PNGSF long salim tim i go long mini SP Gems long Norfolk Ailan long Disemba," Jenkins i tok.

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.

K1.10

K1.30

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.